

松陵集

陆龟蒙

文硕阁

wenshuoge.com

目录

关于我们	3
提要	5
松陵集原序	6
松陵集卷一	7
松陵集卷二	14
松陵集卷三	20
松陵集卷四	29
松陵集卷五	45
松陵集卷六	54
松陵集卷七	66
松陵集卷八	76
松陵集卷九	87
松陵集卷十	99
松陵集跋	109

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨按松陵集十卷皆唐皮日休与陆龟蒙等倡和之作考卷端日休之序则编而成集者龟蒙题集名者日休也依韵倡和始于北魏王肃夫妇至唐代盛于元白而极于皮陆盖其时崔璞以谏议大夫为苏州刺史辟日休为从事而 蒙适以所业谒璞因得与日休相赠答同时进士颜萱前广文博士张贲进士郑璧司马都浙东观察推官李穀前进士崔璐及处士魏朴羊昭业等亦相随有作哀为此集序称共诗六百八十五首今攷集中日休龟蒙各得往体诗九十三首今体诗一百九十三首襍体诗三十八首又聯句及答问十有八首外颜萱得诗三首张贲得诗十四首郑璧得诗四首司马都得诗二首李穀得诗三首崔璐魏朴羊昭业各得诗一首崔璞亦得诗二首其他如清遠道士顏真卿李德裕幽独君等五首皆以追录旧作不在数内尚得诗六百九十八首与序中所列之数不符岂序以传写误欤明 治壬戌吳江知县济南刘济民以旧本重刊都穆为之跋尾歲久漫漶毛晋又得宋槧本重校刊之今所行者皆毛本唐人唱和哀为集者凡三断金集久佚王士禎记湖广莫进士有汉上题襟集求之不获今亦未见传本其存者惟此一集録而存之尚可想见一时文雅之盛也乾隆四十三年三月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

松陵集原序

诗有六义其一曰比比者定物之情状也则必谓之才才之备者于圣为六艺在贤为声诗噫春秋之后颂声亡寢降及汉氏诗道若作然二雅之风委而不兴矣在诗有三言四言五言六言七言九言之作三言者曰振振鹭鹭于飞是也五言者曰谁谓雀无 何以穿我屋是也六言者曰我姑酌彼金罍是也七言者曰交交黄鸟止于桑是也九言者曰洞酌彼行潦挹彼注兹是也盖古诗率以四言为本而汉氏方以五言七言为之也其句亦出于毛诗五言者李陵曰携手上河梁是也七言者汉武曰日月星辰和四时是也尔后盛于建安建安以降江左君臣得以浮艷之然诗之六义防矣逮及吾唐开元之世易其体为律焉始切于俚偶拘于声势然诗云见悯既多受侮不少其对也工矣尧典曰声依永律和声其为律也甚矣由汉及唐诗之道尽矣吾又不知千祀之后诗之道止于斯而已耶后有变而作者余不得以知之夫才之备者犹天地之气乎气者止乎一也分而为四时其为春则煦枯发枿如育如护百蘄融冶酣人肌骨其为夏则赫曦朝升天地如窑草焦木渴若燎毛发其为秋则凉飈高警若露天骨景爽夕清神不蔽形其为冬则霜阵一捷万物昔率云沮日惨若憚天责夫如是岂拘于一哉亦变之而已人之有才者不变则已苟变之岂异于是乎故才之用也广之为沧溟细之为沟窞高之为山岳碎之为瓦砾美之为西子恶之为敦治壮之为武贲弱之为处女大则八荒之外不可穷小则一毫之末不可见苟其才如是复能善用之则庖丁之牛庆之轮郢之斤不足谓其神解也意古之士穷达必形于歌咏苟欲见乎志非文不能宣也于是为其词词之作固不能独善必须人以成之昔周公为诗以贻成王吉甫作颂以赠申伯诗之酬赠其来尚矣后每为诗必多以斯为事咸通七年今兵部令狐员外在淮南今中书舍人 农公守毗陵日休皆以词获幸悉防以所制命之和各盈编轴亦有名其首者十年大司諫清河公出牧于吴日休为部从事居一月有进士陆龟蒙字鲁望者以其业见造凡数编其才之变真天地之气也近代称温飞卿李义山为之最俾陆生参之未知其孰为之后先也太 曰稽其门辟其户眼其键然后乃应况其不者乎余遂以词诱之果复之不移刻由是风雨晦防蓬蒿翳荟未尝不以其应而为事苟其词之来食则辍之而自饫寝则闻之而必惊凡一年为往体各九十三首今体各一百九十三首杂体各三十八首聯句问答十有八篇在其外合之凡六百五十八首南阳广文润卿陇西侍御德师或旅泊之际善其所为皆以词致师词之不多去之速也大司諫清河公有作或命之和亦着焉其余则吴中名士又得三十首除诗外有序十九首总録之得十通载诗六百八十五首汉书曰古者诸侯卿大夫交以邻国以防言相感当揖让之时必称诗以喻其志盖以别贤不肖也余之与生道义志气穷达是非莫不见于是士君子或为之览贤不肖可不别乎哉噫古之将有交绥而退者今生之于余岂是耶生既编其词请于余曰尔有文当为我序诗道兼十通以名之日休曰诺由是为之序松江吴之望也别名曰松陵请目之曰松陵集皮日休撰

松陵集卷一

往体诗一十二首

读襄阳耆旧传因作诗五百言寄皮袭美

陆龟蒙

汉臯古来雄山水天下秀高当軫翼分化作英髦囿暴秦之前人灰灭不可究自从宋生贤特立冠耆旧离骚既日月九辩即列宿卓哉悲秋辞合在风雅右庞公乐幽隱辟聘无所就祗爱鹿门泉泠泠倚岩漱孔明卧龙者潜伏躬耕耨忽遭 德云遂起麟角鬪三胡节皆峻二习名亦茂其余文武家相望如斥堠緬思齐梁降寂寞寡清胄凝融为漪澜复结作莹琇不知粹和气有得方大授将生皮夫子上帝可其奏并包数公才用以殿厥后尝闻儿童歲嬉戏陈俎豆积渐开词源一派分万溜先崇丘旦室大惧隳结构次补荀孟垣所贵亡罅漏仰瞻三皇道虬虱在宇宙却视五霸图股掌弄孩幼或能醢髀髀或与翼雏鷇或喜掉直舌或乐斩斜脰或耨鉏翳荟或整理错谬或如百千骑合沓原野狩又如晓江平风死波不皱幽埋力须掘遗落货必购乃于文学中十倍猗顿富囊乏向咸镐马重迟步骤专场射策时缚虎当羿穀归来把通籍且作高堂寿未足逞戈矛谁云被文绣从知偶东下帆影拂呉岫物象悉摧藏精灵畏雕镂伊予抱沈疾顛顛守圭窦方推洪范畴更念太 首【去声】陈诗采风俗学古穷篆籀朝朝贯薪米往往逢责诟既被邻里轻亦为妻子陋持冠适甌越敢怨不得售窘若晒沙鱼悲如哭霜狵唯君枉车辙以逐海上臭披襟两相对半夜忽白昼执热濯清风忘忧饮醇酎驱为文翰侣驾阜参骥廐有时谐宫商自喜真邂逅道孤情易苦语直诗还瘦藻匠如见誚终身致怀袖

陆鲁望读襄阳耆旧传见赠五百言过褒庸材靡有称是然襄阳曩事厯厯在目夫耆旧传所未载者汉阳王则宗社元勲孟浩然则文章大匠予次而赞之因而寄荅亦诗人无言不誚之义

也次韵 皮日休

汉水碧于天南荆廓然秀庐罗遵古俗鄢郢迷昔囿幽奇无得状巉絶不能究兴替忽矣新山川悄然旧斑斑生造士一一应 宿巴庸乃嶮阻屈景实豪右是非既自分泾渭不相就粤自灵均来清才若天漱伟哉洞上隱卓尔隆中耨始将麋鹿狎遂与麒麟鬪万乘不可谒千钟固非茂爰从景升死境上多兵堠檀溪试戈船岷岭屯贝冑寂寞数百年质唯包砾琇上 赏唐德生贤命之授是为汉阳王帝曰俞尔奏巨德耸神鬼宏才辄前后势端唯金茎质古乃玉豆行叶防大椿词源吐洪溜六成清庙音一柱明堂构在昔房陵迁圆穹正中漏繫王揭然出上下拓宇宙俯视三事者駸駸若童幼低摧防中兴若凤视其鷁遇险必伸足逢诛将引脰既正北极尊遂治众星谬重闻章陵幸再见岐阳狩日似新刮膜天如重熨皱易政疾似欵求贤甚于购化之未暮年民安而国富翼衛两舜趋钩陈十尧骤忽然遗相印如羿卸其穀奸幸却乘衅播迁遂终寿遗庙屹峰嶸功名纷组绣开元文物盛孟子生荆岫斯文纵奇巧秦玺新雕镂

甘穷卧牛衣受辱对狗窦思变如易爻才通似 首秘于龙宫室怪即天篆籀知者竟欲戴嫉者或将诟任达且百觚遂为当时陋既作才鬼终恐为仙籍售予生二贤未得作升木狄兼济与独善俱敢怀其臭江汉称炳灵克明嗣清昼继彼欲为三如醕和醇酎既见陆夫子弩心却伏廋结彼世外交遇之于邂逅两鹤思竞闲双松格争瘦唯恐别仙才涟涟涕襟袖

陆鲁望昨以五百言见贻过有褒美内揣庸陋弥增愧悚因成一千言上述吾唐文物之盛次叙相得之懽亦迭和之防防也

皮日休

三辰至精气生自苍颉前粤从有文字精气铄于繇所以杨墨后文词纵横颠元狩富材术建安俨英贤厥祀四百余作者如排穿五马渡江日羣鱼食蒲年大风荡天地万阵黄须羶纵有命世才不如一空穹后至陈隋世得之拘且縲太浮如潏潏太细如蚺蛭太乱如靡靡太轻如芊芊流之为防鬻变之为游畋百足虽云众不救杀马蜣君臣作降虏北走如防獠所以文字妖致其国朝迁吾唐革其弊取士将科悬文星下为人洪秀密于縲大开紫宸扉来者皆详延日晏朝不罢龙姿懽 【音田吕氏春秋云天子 】于焉周道反繇是秦法俊射洪陈子昂其声亦喧阗惜哉不得时将奋犹拘挛玉垒李太白铜隄孟浩然李宽包堪輿孟澹凝漪涟埋骨采石圻畱神鹿门挺俾其羈旅死实觉天地孱猗坎子美思不尽如转轮 【音筌】纵为三十车一字不可捐既作风雅主遂司歌咏权谁知耒阳土埋却真神仙当于李杜际名辈或泝沿良御非异马由弓非他 其物无同异其人有媿妍自开元至今宗匠纷如烟爽若沆瀣英高如昆仑巔百家器浮説诸子率寓篇筑之为京观解之为牲脔各持天地维率意东西牵竞抵元化首争扼真宰咽或作制诰藪或为宫体渊或堪被金石或可投花钿或为輿隶唱或被儿童怜乌垒虏亦写鸡林夷争传披猖覆载枢捭阖神异键力掀尾闾立思轧大块旋降气或若虹耀影或如□万象疮复瘠百灵瘠且 谓乎数十公笔若明堂椽其中有拟者不絶当如縲齐驱不让策竝驾或争骈所以吾唐风直将三代甄被此文物盛繇乎声诗宣采彼风人谣輶轩轻似鸛丽者固不舍鄙者亦为铨其中有鉴戒一一堪雕镌乙夜以观之吾君无释焉遂命大司乐度之如星躔播于乐府中俾为万代鐻吹彼圆丘竹诵兹清庙弦不惟娱列祖兼可格上 粤予何为者生自江海壖駉駉自总角不甘耕一防诸昆指仓库谓我死道边何为不力农稽古真可嚙遂与袂褰着兼之簞笠全风吹蔓草花防防盈荒田老牛瞪不行力弱谁能鞭乃将耒与耜竝换槩与铅阅彼图籍肆致之千百编携将入苏岭 【鹿门别名】不就无出縁堆书塞低屋添砚涸小泉对灯任髻𦳳凭案从肘研苟无切玉刀难除指上胼尔来五寒暑试艺称精专昌黎道未着文教如欲骞其中有声病于我如 【音天蝉语不正貌】是敢驱頽波归之于大川其文如可用不敢佞与便明水在藁秸大羹临豆筵将来示时人禦防垂馋涎亦或尚华縟亦曾为便嬛亦能制灏灏亦解攻翩翩惟思逢阵敌与彼争后先避兵入句吴穷悴祗自跼平原陆夫子投刺来蹢躅开卷读数行为之加敬虔忽穷一两首反顾唯曲拳始来遗巾幅乃敢排戈鋌或为拔帜走或遭剽刼还不能收乱辙岂暇重为算虽然未三北亦可输千鐻 【丑专反尚书云赎罪千鐻】向来说文字尔汝名可聯圣人病没世不患穷而蹟我未九品位君无一囊钱相逢得何事两笼酬唱賤无顔解媿合底事居冗员方知万钟禄不博五湖船夷险但明月死生应白莲吟余凭几饮钓罢偃蓑眠终抛岷山业相共此畱连

裘美先辈以龟蒙所献五百言既防见和复示荣唱至于千字提獎之重蔑有称实再抒鄙怀用

伸酬谢 陆龟蒙

洪范分九畴转成天下规河图孕八卦焕作 中奇先开否臧源次筑经纬基粤若鲁圣出正当周德衰越疆必载质歷国将扶危诸侯恣崛强王室方陵迟歌凤时不偶获麟心益悲始嗟吾道穷竟使空言垂首赞五十易又删三百诗遂令篇籍光可竝日月姿向非笔削功未必无瑕疵迨至夫子没微言散如枝所宗既不同所得亦异宜名法在深刻虚 致希夷自从战伐来一派纵横驰寒谷生艳木沸潭结流澌惊奔失壮士好恶随纤儿嬴氏并六合势尊丞相斯加于挟书律尽取坑焚之南勒防稽颂北恢胡亥抵犹怀徧巡狩不暇亲维持及汉文景后鸿生方釳擿簸扬尧舜风反作三代吹飘飘四百载左右为藩篱邺下曹父子猎贤甚熊罴发论若霞駮【魏文帝着典论有论文一篇】裁诗如锦摛徐王应刘辈头角咸相衰或有妙絕赏或为独步推或许润色美或嫌诋诃痴倏以中利病且非混醇醪雅当乎魏文丽矣哉陈思不肯少选妄恐貽后世嗤吾祖仗才力【士衡文赋】革车蒙虎皮手持一白旄直向文场麾轻【去声】若脱钳鋏豁如抽屣屣精钢不足利驪裊何劳追大可罩山岳微堪析毫厘十体免负赘百家咸起痿争入鬼神奥不容天地私一篇迈华藻万古无子遗刻鹄尚未已雕龙奋而为【刘勰有文心雕龙】刘生吐英辩上下穷高卑下臻宋与齐上指轩从羲岂但标八索殆将包两仪人谣洞野老骚怨明湘累立本以致诘驱宏来抵臆清如朔雪严缓若春烟羸或欲开户牖或将饰纓綬虽非倚天剑亦是囊中锥皆繇内史意致得东莞词梁元竟降魏后主终归隋哀音但浮脆岂望分雄雌吾唐揖让初陞列森咎防作颂媿吉甫直言过祖伊明皇践中日墨客肩参差岳净秀擢削海寒光陆离皆能取穴鳳尽拟乘云螭迨来二十祀俊造相追随之予生落其下亦值文明时少小不好弄逡巡奉弓箕虽然苦贫贱未省亲嚙防秋倚抱风桂晓烹承露葵穷年只败袍积日无晨炊远访卖药客闲寻捕鱼师归来蠹编上得以含情窥抗韵吟比雅覃思念梲防因知昭明前剖石呈清琪又嗟昭明后败叶埋芳蕤纵有月旦评未能天下知徒为强 豹不免参狐狸谁蹇行地足谁抽刺天髻谁作河畔草谁为洞中芝谁若灵囿鹿谁犹清庙牺谁轻如鸿毛谁密如凝脂谁比蜀严静谁方巴賈贲谁能钓扑鰌谁能灼神龟谁背如水火谁同若埧簷谁可作梁栋谁敢驱谷蠡【音鹿黎】用此常不快无人动交铍空销病里骨枉白愁中髭鹿门先生才大小无不怡就彼六籍内說诗直解頤顾我迷未远开怀溃其疑初看凿本源渐乃疏旁支遂古派泛滥皇朝光赫曦揣摩是非际一如襟期李杜气不易孟陈节难移信知君子言可竝神明著枯腐尚求律膏肓犹谒医况将太牢味见啗逋悬饥今来置家地正枕吴江湄饵薄钩不曲跽然守空坻默坐无影响唯君欸茅茨抽书乱籤帙酌茗烦瓠防或伴补缺砌或偕诣荒祠孤筇倚烟蔓细木横风漪触雨妨扉屨临流泥江蓠既狎野人调甘为豪士嗤不敢负建鼓唯忧悼降旗希君念余勇挽袖登文陴

吳中苦雨因书一百韵寄鲁望 皮日休

全吳临巨溟百里到沪渎海物竞骈罗水怪争渗漉狂蜃吐其气千寻勃然蹙一刷半天墨架为欹危屋怒鲸瞪相向吹浪山穀穀倏忽腥杳防须臾坼崖谷帝命有严程慈物敢潜伏嘘之

为云弥亘千万幅直拔倚天剑又建横海蠡化之为暴雨淅淅射平陆如将月窟写似把天河扑着树胜防支中人过箭簇龙光倏闪照虬角搗琤触此时一千里平下天台瀑雷公恣其志殲磳裂电目蹋破霹 车折却三四辐雨工避罪者必在蚊睫宿狂发铿訇音不得懈怠僂顷刻势稍止尚自倾欻欻不敢履湾处恐蹋烂地轴自尔凡十日茫然晦林麓只是遇滂沱少曾逢霖霖伊予之 宇古制拙卜筑頽檐倒菌黄破砌顽莎绿只有方丈居其中踏且局朽处或似醉漏时又如沃塔前平泛滥墙下起趖趖唯堪着簦笠复可乘 防鸡犬竝淋漓儿童但咿噢勃勃生湿气人人牢于铜须眉渍将断肝膈蒸欲熟当庭死兰芷四垣盛蕢棗解帙展断书拂牀安坏榱跳梁老蛙黽直向牀前浴蹲前但相聒似把白丁辱空 方欲炊渍米未离防薪蒸湿不着白昼须燃烛汗菜既已汙买鱼不获防竟未成麦饘安能得粱肉更有陆先生荒林抱穷蹙坏宅四五舍病篠三两束葢檐低碍首薜地滑防足注欲透承尘湿难庇厨簏低摧在圭窠索漠抛偏髻手指既已胼肌肤又将瘼一庖势欲侈将撑乏寸木尽日欠束薪经时无斗粟防螽将入甑螻蛄已临窬【音腹说文云如釜而大口】娇儿未十岁枵然自啼哭一钱买粬粒数里走病仆破碎旧鹤笼狼藉晚蚕簇千卷素书外此外无余蓄着处纁衣裂戴次纱帽醜恶陰潜过午未及烹葵菽吴中铜臭户七万沸如臛嗇止甘蟹防侈惟僭车服皆希尉吏防尽怕里胥录低眉事庸奴开颜纳金玉唯到陆先生不能分一斛先生之志气薄汉如鸿鹄遇善必擎跽见才辄驰逐廉不受一芥其余安可黷如何乡里辈见之乃猬缩粤予苦心者师仰但踖踖受易既可注请 又堪卜百家皆搜荡六艺尽翻覆似馁见太牢如迷遇华烛半年得酬唱一日屡往复三秀间稂莠九成杂巴濮奔命既不暇乞降但相续吟诗口吻嚙把笔指节痠君才既不穷吾道繇是笃所益谅 多厥交过亲族相逢似丹漆相望如眇眇论业敢竝驱量分合继躅相违始两日忉忉想华舻出门泥漫漶恨无直辕輶十钱赁一轮篷上鸣斛觥赤脚枕书帙访予穿诘曲入门且抵掌大噓时碌碌滋淋既浹旬无乃害九谷予唯饿不死得非道之福手中捉诗卷语快还共读解带似归来脱巾若沐浴疎如松间篁野甚麋对鹿行谭防书籤卧话枕棊局呼童具盘飧擲衣换鸡鹜或蒸一升麻或爇两把菊用以阅幽奇岂能资口腹十分煎臯卢半榼挽醺醺高谈絜无尽昼漏何太促我公大司諫一切从民欲梅润侵束杖和气生空狱而民当斯时不觉有烦溽念涝为之灾拜神再三告太陰霍然收天地一澄肃燔炙既芬芬威仪乃翼翼【音木】须臾元化柄用拯中夏酷我愿荐先生左右辅司牧兹雨何足云唯思举顔歎奉酬褒美先辈吳中苦雨一百韵见寄

陆龟蒙

微生参最灵天与意绪拙人皆机巧求百径无一达家为唐臣来奕世唯稷卨只垂清白风凜凜自貽厥【龟蒙六代祖五代祖皇朝继在台辅】犹残赐书在编简苦断絶其间忠孝字万古光不灭孱孙诚蓍昧有志簪楬敢云嗣良弓但欲终守节諠哗不入耳谗佞不挂舌仰咏尧舜言俯遵周孔辙所贪既仁义岂暇理生活纵有旧田园抛来亦芜没因之成否塞十载真契濶冻肝一檐榆饥肠少糠粃甘心付天壤委分任回斡笠泽卧孤云桐江钓明月盈筐盛苡芰满釜煮鲈鳊酒帜风外防茶枪露中擷【江南谓茶芽未展者曰枪已展者曰旗也】歌谣非大雅摭摭为小説上可补熏莖傍堪 芽蘂【龟蒙尝着稗説三卷】方当卖簪罩尽以易纸札踪迹尚吴门梦魂先魏阙寻闻天子诏赫怒诛叛卒宵旰悯烝黎谟明问征伐王师虽继下贼垒未即拔此时淮海波半是生人血霜戈驱少壮败屋弃羸耄践蹋比尘埃焚烧同藁秸

吾皇自神圣执事皆间杰射策亦何为春卿遂聊辍伊予将贡技未有耻可刷却问渔樵津重耕烟雨墜诸侯急兵食冗牘方翦截不可把词章巡门事干谒归来阖蓬櫬壁立空短褐暖手抱孤烟披书向残雪幽忧和愤懣忽忽自惊蹶文兮乏寸毫武也无尺鐵平生所韬蓄到死不开豁念此令人悲翕然生内热加之被鞞瘡况复久藜粦既为霜露侵一卧增百疾筋骸将束縛腠理如捶撻初谓抵狂防又疑当毒蝎江南多事鬼巫覡连瓠粤可口是妖讹恣情专赏罚良医只备位药肆成虚设而我正萎痿安能致诃咄椒兰任芳苾精糲从罗列醴斝既屡倾钱刀亦随蕪兼之渎财贿不止行谄窃天地如有知微妖岂逃杀其时心力愤益使气息惓永夜更呻吟空牀但皮骨君来赞贤牧野鹤聊簪笏谓我同光尘心中有溟渤轮蹄相压至问遗无虚日直到春鸿蒙犹残病根茭看花虽眼晕见酒忘肺渴隱几还自怡逢卢亦争喝抽毫更唱和剑防相磨戛何大不包罗何微不挑刮今来值霖雨昼夜无暂歇杂若碎渊沦高如破鞞轆何劳鼉吼岸詎要鸛鸣垤祗意江海翻更愁山岳裂初惊蚩尤阵虎豹争搏啮又疑伍胥涛蛟蜃相蹙拶千家蒙瀑练忽似好披拂万瓦垂玉绳如堪取紫结况予居低下本是蛙蚓窟迺来增号呼得以恣唐突先夸屋舍好又恃头角凸厚地虽直方身能徧穿穴常参庄辩里亦造扬末偃仰纵无机形容且相忽低头增叹咤到口复嚙咽沮洳渍琴书莓苔染巾袜解衣换仓粟秕稗犹未脱饥鸟屡窥临泥童苦春防或闻秋稼穡太半沈澎湃耕父蠹齐民农夫思旱魃吾观天之意未必洪水割且要虐飞龙又图滋跋鼈三吴明太守左右皆儒哲有力即扶危怀仁过救渴鹿门皮夫子气调真俊逸截海上云鷹横天下鞬鹄文坛如命将可以持玉钺不独展羲轩便当城老佛顾予为山者所得才簞撮譬如饰箭材尚欠鏃与筈闲将飲儿唱强倚帝子瑟幸得逺潇湘不然嗤贾屈开城窥宝肆玕贝光比栢朗咏冲乐悬陶匏响铿擗古来愁霖赋不是不清越非君顿挫才沴气难摧折驰情扣虚寂力尽无所掇不足谢徽音祗令雕鬓发

初夏即事寄鲁望皮日休

夏景恬且旷远人疾初平黄鸟语方熟紫桐陰正清 宇有幽处私游无定程归来闭双关亦忘枯与荣土室作深谷藓垣为干城 杉突桺架迸笋支檐楹片石共坐穩病鹤同喜晴瘦木四五器筇杖一两茎泉为葛天味松作羲皇声或看名画彻或吟闲诗成忽枕素琴睡时把仙书行自然寡俦侣莫說更纷争具区包地髓震泽含天英粤从三让来俊造纷然生顾予客兹地薄我皆为伧唯有陆夫子尽力提客卿各负出俗才俱怀超世情驻我一栈车啜君数藜羹敲门若我访倒屣欣逢迎胡饼蒸甚熟貍盘举尤轻茗脆不禁炙酒肥或难倾扫除就藤下移榻寻虚明惟共陆夫子醉与天壤并奉酬裴美先辈初夏见寄次韵 陆龟蒙

积雨晦臯圃门前烟水平苹蘩增遙吹枕席分余清村旆诧酒美賒来满經程未必减宣子何羨谢公荣借宅去人遠败墙连古城愁鷗占枯楸野鼠趋前楹昨日云破损晚林先觉晴幽篁倚防照碧粉含疎茎蠹简有遗字防琴无泛声蚕寒蠶尚薄燕喜雏新成览物正摇思得君初夏行诚明复散诞化匠安能争海浪刷三岛天风吹六英洪崖领玉节坐使虚音生吾祖傲洛客因言几为伧末裔实渔者敢怀干墨卿唯思钓璜老遂得持竿情何须乞鵝炙岂在斟羊羹畦蔬与瓮醪便可相携迎蟠木几甚曲笋皮冠且轻闲心放羈勒醉脚从欹倾一迳有余遠一窗有余明秦皇苦不达天下何足并

二游诗【有序】皮日休

吴之士有恩王府参军徐修矩者守世书万卷优游自适余假其书数千卷未一年悉偿夙志酣饫经史或日晏忘饮食次有前泾县尉任晦者其居有深林曲沼危亭幽砌余并次以见之或退公之暇必造以息焉林泉隐事恣用研咏大凡游于二君宅无浹旬之间因作诗以畱赠目之曰二游兼寄陆鲁望

徐诗

东莞为着姓奕代皆雋喆强学取科第名声尽孤揭自为方州来清操称凛冽唯写坟籍多必云清俸绝宜毫利若风剡纸光于月扎吏指欲胼万通排未阋楼船若夏屋欲载如垤防转徙入吴都纵横碍门闾缥囊轻似雾绡帙殷于血以此为基构将斯用贻厥重于通侯印贵却全师节我爱参卿道承家能介洁潮田五万步草屋十数窠微宦不能去归来坐如刖保兹万卷书守慎如羁縻念我曾苦心相逢无间别引之看秘笈任得穷披阅轴闲翠钿剥籤古红牙折帙解带芸香卷开和桂屑枕兼石锋刃榻共松疮疖一卧寂无諠数编看尽彻或携归一宇或把穿林樾挈过太湖风抱宿支硎雪如斯未星纪悉得分毫末翦除幽僻藪涤荡微窟学海正狂波予头向中 【乌没反】圣人患不学垂诫尤为切苟昧古与今何殊瘖共 【五滑反】昔之慕经史有以佣笔札何况遇斯文借之不曾辍吾衣任穀糲吾食甘糠覈其道苟可光斯文那自伐何竹青堪杀何蒲重好截如能盈兼两便足酬饥渴有此竞苟荣闻之兼可哿东臯耨烟雨南岭提薇蕨何以谢徐君公车不闻设

任诗

任君恣高放斯道能寡合一宅闲林泉终身远嚣杂尝闻佐浩穰散性多傴 【上五盍反下音沓不着事貌】歛尔解其绶遗之如弃鞶归来乡党内却与亲朋洽开溪未让丁列第方称甲入门约百步古木声霏霏广槛小山欹斜廊怪石夹白莲倚栏楯翠鸟缘帘押地势似五防岩形若三峡猿眠但膺膺鳧食时唼唼拨荇下文竿结藤紫桂楫门留医树客壁倚栽花锄度歲止褐衣经旬唯白防多君方闭户顾我能倒屣请题在茅栋留坐于石榻魂从清景遯衣任烟霞裊塔墀龟任上枕席鸥方狎沼似颇黎镜当中见鱼眨杯杓悉杉瘤盘筵尽荷叶闲斟不置罚闲奕无争劫闲日不整冠闲风无用箠以斯为思虑吾道宁疲茶衮衣竞璀璨鼓吹争鞞鞀欲者解挤排诟者能詬譟权豪暂翻覆刑祸相填压此时一圭窞不肯饶闾阖有第可栖息有书可渔猎吾欲与任君终身以斯愜

奉和二游诗陆龟蒙

徐诗

嘗闻四书曰经史子集焉苟非天禄中此事无繇全自从秦火来歷代逢迍邐汉祖入关日萧何为政年尽力取图籍遂持天下权中兴延嘉时教化还相宣立石刻五经置于太学前贼莽

乱王室君臣如转圜洛阳且煨烬载籍宜为烟逮晋武革命生民才息肩惠怀亟寡昧戎羯俄腥羶已觉天地闭竟为东南迁日既不暇给坟索何繇专尔后国脆弱人多尚虚 任学者得谤清言者为贤直至沈范辈【沈约范云皆藏书数万卷】始家藏简编御府有不足仍令就之传梁元渚宫日尽取如蜚螻兵威忽破碎焚爇无遗篇近者隋后主搜罗势骈阨寶函映玉轴彩翠明霞鲜伊唐受命初载史声连延砥柱不我助惊波涌沦涟遂令因去书半在余浮泉贞观购亡逸蓬瀛渐周旋晃然东壁光与月争流天伟矣开元中王道真平平八万五千卷一一皆涂铅【案开元丽正殿书录云】人间盛传写海内奔穷研目云西斋书有过东臯田吾闻徐氏子奕世皆才贤因知遗孙谋不在黄金钱插架几万轴森森若戈鋌风吹籤牌声满室铿锵然佳哉鹿门子好问如除防倏来参卿处遂得参卿怜开怀展厨簏唯在性所便素业已千仞今为峻云巔雄才旧百派相近浮日川君苞王佐图纵步凌陶甄他时若报德谁在参卿先

任诗

吴之辟疆园在昔胜槩敌前闻富脩竹后說纷怪石【竟陵子陆羽玩月诗云辟疆旧林园怪石纷相向】风烟惨无主载祀将六百草色与行人谁能问遗迹不知清景在尽付任君宅却是五湖光偷来傍檐隙出门向城路车马声轳轳入门望亭隈水木气岑寂攀墙绕曲岸势似行无极十步一危梁乍疑当絶壁池容澹而古树意苍然僻鱼惊尾半红鸟下衣全碧斜来岛屿隱恍若潇湘隔雨静挂残丝烟消有余脉竭来任公子摆落名利役虽将禄代耕颇爱巾随策秋笼支遁鹤夜榻戴颙客說史足为师谭禅差作伯君多鹿门思到此情便适偶防桂堪帷纵吟苔可席顾予真任诞雅遂中心获但喜醉还醒岂知 尚白甘闲在鸡口不贵封龙额即此自怡神何劳谢公屐

松陵集卷二

往体诗二十八首

追和虎丘寺清遠道士诗序皮日休

圣人为春秋凡诸侯有告则书无告则不书蓋所以惩其伪而敦其实也夫怪之与神虽曰不言在传则书之者亦摭其实而为之也若然者神之与怪果安邪噫圣贤有不得其志者则必垂之于言也大则为经诰小则为歌咏蓋不信于当时则取愬于后世抑鬼神有生不得其志者死亦然邪若凭而宣之则石言乎晋物叫于宋是也若梦而辩之则良夫有昆吾之歌声伯有琼瑰之謡是也自兹已后人伦不修神藻益炽在君人者悟之则为瑞逆之则为妖其防諷昧刺时出于世者则与骚人狎客往往敌于忽微焉虎丘山有清遠道士诗一首其所称自殷周而歷秦汉迄于近代抑二千年末以鬼神自谓亦神怪之甚者格之以清健饰之以俊丽一句一字若奋若搏彼建安词人傥在不得居其右矣顏太师鲁公爱之不暇遂刻于岩际并有继作李太尉卫公钦清遠之高致慕鲁公之素尚又次而和之顏之叙事也典李之属思也丽竝一时之寡和又幽独君诗二首亦甚奇怆予嗜古者观而乐之因继而为和答幽独君一篇不知孰氏之作其词古而悲亦存于篇末太 曰大无方易无时然后为鬼神也噫清遠道士果鬼神乎抑道家者流乎抑隱君子乎词则已矣人则吾不知也

同沈恭子游虎丘寺有作 清遠道士

我本长殷周遭罹歷秦汉四渎与五岳名山尽幽邃及此寰区中始有近峯玩近峯何郁郁平湖 弥漫吟俛川之陰步上山之岸山川共澄澈光彩交凌乱白云翳欲归青松忽消半客去川岛静人来山鸟散谷深中见日崖幽晓非旦闻子盛游遨风流足词翰嘉兹好松石一言常累叹勿谓予鬼神欣君共幽赞

刻清遠道士诗因而继作 顏真卿

不到东西寺于今五十春竭来从旧赏林壑宛相亲吴子多藏日秦皇厌胜辰劒池穿万仞盘石坐千人金气腾为虎琴台化若神登坛仰生一舍宅叹珣珉中岭分双树回峦絶四邻窥临江海接崇饰四时新客有神仙者于兹雅丽陈名高清遠峡文聚斗牛津迹异心宁间声同质岂均悠然千载后知我揖光尘

追和太师鲁公刻清遠道士诗李德裕

茂苑有灵峯嗟予未游观藏山在平陆坏谷为高岸冈绕数仞墙岩潜千丈干乃知造化意回斡资竒玩鏐腾昔虎踞劒没尝龙焕潭黛入海底崑岑耸霄半层峦未升日哀狺宁知旦綠篠夏凝陰碧林秋不換防搜既窈窕迴望何萧散川晓岚气收江春杂英乱逸人綴清藻前哲留篇翰共扣哀玉音皆舒文绣段难追彦回赏【褚彦回曰凡人所称常过其实唯见虎丘则逾

其所闻】徒起兴公叹一夕如再升含毫星斗烂

追和清遠道士诗兼次本韵 皮日休

成道自衰周避世穷炎汉荆杞虽云梗烟霞尚容窜兹岑信灵异吾懷慙流玩石澁古铁鉉岚
重轻埃漫松膏膩幽径萃沫着孤岸诸萝幄幕暗众鸟陶匏乱岩罅地中心海光天一半 猿
行列归白云次第散蟾蜍生夕景沆瀣余清旦风日采幽什墨客学灵翰嗟予慕斯文一咏复
三叹显晦虽不同兹吟粗堪赞

同前亦次本韵陆龟蒙

一代先后贤声容剧河汉况兹迈古士复歷苍崖窅辰经防十万邈与灵壽玩海岳尚推移都
鄙固芜漫羸僧下高阁独鸟没遠岸啸初风雨来吟余钟呗乱如何链精魄万祀忽欲半宁为
断臂忧肯作秋柏散吾闻酆宫内日月自昏旦左右修文郎纵横洒篇翰斯人从冥漠得不垂
慨叹庶或有神交相从重兴赞

补沈恭子诗【并序】 陆龟蒙

按清遠道士诗题中有沈恭子同游既为神怪之俦得非姓氏謚为恭子乎【一作若】赵宣
子韩献子之类邪恭子美謚也而诗中有风流词翰之称岂独唱而不和者欤疑阙其文以为
恭子之恨乃作一章存于编中亦补亡之义也

灵质贯轩昊遐年越商周自然失遠裔安得怨寡俦我亦小国 易名慙见优虽非放旷懷雅
奉逍遥游携手桂枝下属词山之幽风雨一以过林麓飒然秋落日倚石壁天寒登古丘荒泉
已无夕败叶翳不流乱翠缺月隱衰红清露愁览物性未逸反为情所囚异才偶絕境佳藻穷
防搜虚傾寂寞音敢作杂佩酬

幽独君诗【二首】

幽明虽异路平昔忝工文欲知潜昧处山北两孤坟高松多悲风萧萧清且哀南山接幽陇幽
陇空崔嵬白日徒昭昭不照长夜台虽知生者乐魂魄安能回况复念所亲恸哭心肝摧恸哭
更何言哀哉复哀哉

答幽独君

神仙不可学形化空游魂白日非我朝青松为我门虽复隔幽显犹知念子孙何以遣悲惋万
物归其根寄语世上人莫厌临芳樽庄生问枯骨三乐成虚言

追和幽独君诗次韵皮日休

念尔风雅魄幽咽犹能文空令伤魂鸟啼破山边坟恨剧但埋土声幽难放哀坟古春自晚愁绪空崔嵬白杨老无花枯根侵夜台天高有时裂川去何时回双睫不能濡六藏无可摧不闻塞蓬事何必深悲哉

同前次韵陆龟蒙

灵气独不死尚能成绮文如何孤窆里犹自读三坟落日送万古秋声含七哀枯株不萧瑟枝榦虚崔嵬伊昔临大道歌钟醉高台台今已平地祇有春风回明月白草死积陰荒陇摧圣贤亦如此恻絕真悠哉

读黄帝陰符经寄鹿门子陆龟蒙

清晨整冠坐朗咏三百言备识天地意献词犯乾坤何事不隱德降灵生轩辕口衔造化斧凿破机关门五贼忽迸逸万物争崩奔虚施神仙要莫救华池源但学战胜术相高甲兵屯龙蛇竞起陆鬪血浮中原成汤与周武反覆更为尊下及秦汉得黠弄兵亦烦奸强自林据仁弱无枝蹲狂喉恣吞噬逆翼争飞翻家家伺天发不肯匡淫昏生民坠涂炭比屋为冤魂祇为读此书大朴难从存微臣与轩辕亦是万世孙未能穷意义岂敢求瑕痕曾亦爱两句可与贤达论生者死之根死者生之根方寸了十字万化皆胚浑身外更何事眼前徒自喧黄河但东注不见归昆仑昼短苦夜永劝君倾一樽

奉和读陰符经见寄 皮日休

三百八十言出自伊祁氏上以生神仙次云立仁义 机一以发五贼纷然起结为日月精融作天地髓不测似陰阳难名若神鬼得之升高天失之沈厚地具茨云木老大块烟霞委自顛顶以降贼为圣人轨尧乃一庶人得之贼帝摯摯见其德尊脱身授其位舜惟一鰥民冗冗作什器得之贼帝尧白丁作天子禹本刑人后以功继其嗣得之贼帝舜用以平洚水自禹及文武天机 然弛姬公树其纲贼之为圣智声诗川竞大礼乐山争峙爰从幽厉余宸极若孩稚九伯真犬彘诸侯实虎兕五星合其耀白日下阙里繇是生圣人于焉当乱纪黄帝之五贼拾之若青紫高挥春秋笔不可刊一字贼子虐甚斯奸臣痛于極至今千余年蚩蚩受其赐时代更复改刑政崩且侈予将贼其道所动多訛毀叔孙与臧仓贤圣多如此如何黄帝机吾得多坎蹶纵失生前禄亦多身后利我欲贼其名垂之千万祀

初夏游楞伽精舍 皮日休

越舫轻似萍漾漾出烟郭人声渐疎旷天气忽寥廓伊予愜斯志有似劓口瘻遇胜即夷犹逢幽且淹泊俄然棹深处虚无倚岩嶸霜毫一道人引我登龙阁当中见壽象欲礼光纷箔珠幡时相铿恐是诸天乐树杪见觚棱林端逢赭垆千寻井犹在万祀灵不涸下通蛟人道水色黝而恶欲照六藏惊将窥百骸愕竭去山南岭其险如邛笮悠然放吾兴欲把青天摸紫藤垂罽珥红荔县纓络藓厚滑似磬峰尖利如铎斯须到絕顶似愈渐离防一片太湖光只惊天汉落

梅风脱纶帽乳水透芒屨岚姿与波彩不动浑相着既不暇供应将何以酬酢却来穿竹径似入青油幕穴恐水君开龕如鬼工凿穷幽入兹院前楯临巨壑遗画龙奴狞残香虫篆薄褫魂窥玉镜澄虑闻金铎云态共萦留鸟言相许诺古木势如虺近之恐相蠹怒泉声似激闻之意争博时禽倏已默众籁萧然作遂令不羈性恋此如缠缚念彼上人者将生付寂寞曾无肤挠事肯把心源度胡为儒家流没齿勤且恪沐猴本不冠未是谋生错言行既异调栖迟亦同托愿力傥不遗请作华林鹤

奉和初夏游楞伽精舍次韵 陆

吴都 汀洲碧液浸郡郭微雨荡春醉上下一清廓奇踪欲探讨灵物先瘳瘼飘然兰叶舟旋倚烟霞泊吟谈乱篙防梦寐杂巘防纖情不可逃洪笔难暂阁岂知楞伽防乃在山水箔金仙著书日世界名极乐薝卜冠诸香琉璃代华严禽言经不辍象口川宁涸万善峻为城巉巉扞羣恶清晨欲登造安得无自愕险穴骇坤牢高萝挂天笮池容澹相向蛟怪如可摸苔蔽石髓根蒲差水心鶚岚侵达摩髻日照狻猊络仰首乍 旋回眸更輝防檐端凝【去声】飞羽磴外浮碧落到迴解风襟临幽濯云屨尘机性非便静境心所着自取海鸥知何烦尸祝酢峯围震泽岸翠浪舞绡幕潏潏岂尧遭防嶂非禹凿潛听钟梵处别有松桂壑霭重灯不光泉寒网犹薄僅能蹑孤刹鸟惯亲撻铎服道身可遗乞闲心已诺人间亦何事万态相毒蠱战垒竞高深儒衣漫褰博宣尼名位达未必春秋作管氏包伯图须人解其缚伊予采樵者蓬蒿方索漠近得风雅情聊将圣贤度多君富遒采识度两清恪诤宠生灭词肯教夷夏错未为尧舜用且向烟霞托我亦摆尘埃他年附鸿鹤

公斋四咏皮日休小松

婆娑只三尺移来白云径亭亭向空意已解凌辽夔叶健似虬须枝脆如鹤胫清音犹未成绀彩空不定陰圓小芝蓋鳞澁脩荷柄先愁被鷄抢预恐遭蜗病结根幸得地且免离离映礫硿不难遇在保晚成性一日造明堂为君当毕命

小桂

一子落天上生此青壁枝歛从山之幽斷断云根移劲挺隱珪质盘 缁油姿叶彩碧髓融花状白毫蕤棱层立翠节偃蹇樛青螭影澹雪霁后香泛风和时吾祖在月竈孤贞能见怡愿老君子地不敢辞喧卑

新竹

笠泽多异竹移之植后楹一架三百本綠沈森冥冥圓 瑚节钗利翡翠翎俨若青帝仗轟如紫姑屏槭槭微风度漠漠轻霭生如神语钧天似乐奏洞庭一玩九藏冷再闻百骸醒有根可以执有 【音福谱云竹实】可以馨愿稟君子操不敢先凋零

鹤屏

三幅吹空穀孰寫仙禽狀防耳側似听【相鶴經云防頰防耳則听响遠】赤精旷如望【露
眼赤精則視遠】引吭防云勢翹足臨池樣頗似近蓐席還如入方丈盡日空不鳴窮年但相
向未許子晉乘難教道林放貌既合羽儀骨亦符法相愿升君子堂不必思昆閬

奉和公斋四咏次韵 陆

小松

擢秀逋客岩遺根飛鳥徑因求飾清閼遂得辭危簣貞同柏有心至若珠无脰枝形短未怪蠹
數差難定【名山記云松有兩鬣三鬣七鬣者言如馬鬣形也言粒者非】況密三天風方遵
四時柄那興培塿嘆免答鄰里病微霜靜可分片月疎堪映竒當虎頭筆韻叶通明性防拂陽
烏曾抡材膺帝命

小桂

諷賦輕八植擅名方一枝才高不滿意更自寒山移宛宛別云態蒼蒼出尘姿烟归助华杪雪
防迎芳蕤青条坐可結白日如奔螭涼无 【音莺】翦忧即是萧森时洛浦虽有防骚人聊
自怡终为济川楫岂在论高卑

新竹

别坞破苔蘚严城树轩楹恭闻稟璇玑化质离青防【竹璇玑玉精受气于 轩之宿】色可
定鸡颈实堪招凤翎立窥五岭秀坐对三都屏晴月窈窕入曙烟霏微生昔者尚借宅况来处
宾庭金罍纵倾倒碧露还鲜醒若非抱苦节何以偶惟馨徐观稚龙出更赋锦苞零

鹤屏

时人重花屏独即胎化状丛毛练分彩疎节筴相望【八公相鶴經云大毛落丛毛生其色如
雪又云高脚疎节則多跛也】曾无氈氍态颇得连轩样势拟抢高寻身犹在函丈如忧鸡鶩
鬪似忆烟霞向尘世任纵横霜襟自闲放空资明遠思不待浮丘相何繇振玉衣一举栖瀛閬

览皮先辈盛制因作十韵以寄用伸叹仰

崔璐

河岳挺灵异星辰精气殊在人为英哲与国作祲符襄阳得竒士俊迈真龙驹勇果鲁仲由文
赋蜀相如浑浩江海广葩华桃李敷小言入无间大言塞空虚防人游赤水夫子得 珠鬼神

争奥秘天地惜洪鑪既有曾参行仍兼君子儒吾知上帝意将使居黄枢好保千金体须为万
姓谟

奉酬次韵皮日休

伊余幼且贱所禀自以殊弱歲謬知道有心匡皇符意超海上鷹运局轅下驹纵性作古文所
为皆自如但恐才格劣敢夸词彩敷句句考事实篇篇穷 虚谁能变羊质竞不获 珠粤有
造化手曾开天地鑪文章邺下秀气貌淹中儒展我此志业期君持中枢苍生眼穿望勿作磻
溪谟

奉和因赠至一百四十言陆

孔圣铸顏事垂之千载余其间王道乖化作荆榛墟天必授贤哲为时攻翦除轲雄骨已朽百
氏徒趑趄近者韩文公首为开辟锄夫子又继起陰霾终廓如搜得万古遗裁成十编书南山
盛云雨东序堆琼琚偶此真籍客悠扬两情摅清辞忽窈窕雅韵何虚徐唱既野芳坼酬还天
籟疎轻波掠翡翠晓露披芙蓉俪曲信寡和末流难嗣初空持一竿饵有意 鲸鱼

松陵集卷三

往体诗二十首

太湖诗【有序】 皮日休

余顷在江汉尝耨鹿门 洞湖然而未能放形者抑志于道也尔后以文事造请于是南浮至二别涉洞庭回观敷浅源登庐阜济九江繇天柱抵霍岳又自箕颍转樊邓陟商顔入蓝关凡自江汉至于京师者十数侯绕者二万里道之不行者有困辱危殆志之可适者有山水游玩则休戚不孤矣咸通九年自京东游复得宿太华乐荆山赏女几度輶轳穷嵩高入京索浮汴渠至扬州又航天塹从北固至姑苏噫江山幽絶见贵于地志者余之所到不翅于半则烟霞鱼鸟林壑云月可为属厌之具矣尚枵然于志者抑古圣人所谓独行之性乎逸民之流乎余真得而为也尔后闻震泽包山其中有灵异学黄老徒乐之多不返益欲一观豁平生之郁郁焉十一年夏六月防大司諫清河公忧霖雨之为患乃择日休将公命禱于震泽祀事既毕神应如响于是太湖之中所谓洞庭山者得以恣讨凡所歷皆图籍称为灵异者遂为诗十章以志其事兼寄天随子

初入太湖【从胥口入去州五十里】

闻有太湖名十年未曾识今朝得游泛大笑称平昔一舍行胥塘尽日到震泽三万六千顷千顷颇黎色连空淡无類照野平絶隄好放青翰舟堪弄白玉笛疎岑七十二 露矛防悠然嘯傲去天上摇画鹢西风乍猎猎惊波飐 碧倏忽雪阵吼须臾玉崖拆树动为蜃尾山浮似鼇脊落照射鸿溶清辉荡抛 云轻似可染霞烂如堪摘渐暝无处泊挽帆从所适枕下闻澎湃肌上生疹 讨异足遭回寻幽多阻隔愿风与良便吹入神仙宅甘将一蕴书永事嵩山伯

晓次神景宫

夜半幽梦中扁舟似舄跃晓来到何许俄倚包山脚三百六十丈攢空利如削遐瞻但徙倚欲上先矍铄浓露湿莎裳浅泉渐【音尖】草屨行行未一里节境转寂寞静径侵沆寥仙扉傍岩防松声正清絶海日方照灼歛临幽虚天万想皆摆落坛灵有芝菌殿圣无鸟雀琼帋自回旋锦旌空灿错鼎气为龙虎香烟混丹臄凝看出次云默听语时鹤緑书不可注云笈应无钥晴来鸟思喜 里花光弱天籁如击琴泉声似撻铎清斋洞前院敢负 科约空中悉羽章地上皆灵药金醴可酣畅玉鼓堪咀嚼存心服燕胎叩齿读龙躡福地七十二兹焉堪永托在兽乏虎防于虫不毒蠹尝闻择骨録仙志非可作緑肠既朱髓青肝复紫络伊余乏此相天与形貌恶每嗟原宪瘠常苦齐侯疟终然合委顿刚亦慕寥廓三茅亦尝仕竟与珪组薄欲问包山神来賒少岩壑

入林屋洞

斋心已三日筋骨如烟轻腰下佩金兽手中持火铃幽塘四百里中有日月精连亘三十六各为玉京自非心至诚必被神物烹顾余慕大道不能惜微生遂招放旷侣同作幽忧行其门才函丈初若盘薄硲洞气黑眊□苔髮红髻攀试足值坎窞低头避峥嵘攀縁不知倦怪异焉敢惊匍匐一百步稍稍策可横忽然白蝙蝠来扑松炬明人语散湏洞石响高玲玎脚底龙蛇气头上波涛声有时若服匿偈仄如见绷俄尔造平澹豁然逢光晶金堂似铸出玉座如琢成前有方丈沼凝碧融人情云浆湛不动霏露而馨漱之恐减算勺之必延龄愁为三官责不敢携一□昔云夏后氏于此藏真经刻之以紫琳秘之以丹琼期之以万祀守之以百灵焉得彼丈人窃之不加刑石簪一以出左神俄不扃禹书既云得吴国繇是倾薛缝才半尺中有怪物腥欲去既嚙啗将回又伶俜却遵旧时道半日出杳屣泥【去声】惹石髓衣湿沾云英篆乏仙骨青文无绛名虽然入陰宫不得朝上清对彼神仙窟自厌浊俗形却憎造物者遣我骑文星

雨中游包山精舍

松门亘五里彩碧高下绚幽人共跻攀胜事颇清便瑟瑟林上雨隱隱湖中电薛带轻束腰荷笠低遮面湿屣黏烟露穿衣落霜霰笑次度岩壑困中遇台殿老僧三四人梵字十数卷施稀无夏屋境僻乏朝膳散发抵泉流支頤数云片坐石忽忘起扪萝不知倦异蝶时似锦幽禽或如钿策筇还戛刃拼榈自摇扇俗态既斗薊野情空眷恋道人摘芝菌为予备午饌渴与石榴羹饥慙胡麻饭如何事于役兹游急于传却将尘土衣一任瀑丝溅

游毛公坛

却上南山路松行俨如庑松根碍幽径孱顔不能斧摆屣跨乱云侧巾蹲怪树三休且半日始到毛公坞两水合一涧淩崖却为浦相敌百千防共搗十万鼓噴散日月精射破神仙府唯愁絶地脉又恐折天柱一窥耳目再听毛发竖次到链丹井井干翳宿莽下有藟刚丹勺之百疾愈凝于白獭髓湛似桐马乳黄露醒齿牙碧粘甘肺腑桧异松复怪枯疎互撑拄干蛟一百丈颯然半天舞下有毛公坛坛方不盈亩当时云龙篆一片苔藓古【有刘先生镇坛符今存于堂】时时仙禽来忽忽祥烟聚我爱周息元忽起应明主【周征君名曰息元】三谏却归来回头唾珪组伊余何不幸斯人不复覩如何大开口与世争枯腐将山待夸娥以肉投猘防歛坐侵桂陰不知已与午兹地足灵境他年终结宇敢道万石君轻于一丝缕

三宿神景宫

古观岑且寂幽人情自怡一来包山下三宿湖之湄况此深夏夕不逢清月姿玉泉浣衣后金殿添香时客省高且敞客牀蟠复竒石枕冷入脑笋席寒侵肌气清寐不着起坐临塔墀松陰忽微照独见萤火芝素鹤警微露白莲明暗池窻櫺带乳藓壁缝含云蕤闻磬走魍魎见烛奔羈雌沆瀣欲滴沥芭蕉未离披五更山蝉响醒发如吹簫杉风忽然起飘破步虚词道客巾屨样上清朝礼仪明发作此事岂复甘趋驰

以毛公泉一餅献上谏议因寄

刘根昔成道兹坞四百年氤氲被其体号为绿毛仙因思清冷汲凿彼岸 巔五色既链矣一
勺方铿然既用文武火俄穷雌雄篇赤盐扑红雾白花飞素烟服之生羽翼倏尔冲 天真隱
尚有迹厥祀将近千我来讨灵胜到此期终焉滴苦破窠净薛深余登圆澄如玉髓洁泛若金
精鲜颜色半带乳气味全和铅饮之融痞蹇濯之伸拘挛有时玩者触倏忽风雷颠素纆丝不
短越 腹甚便汲时月液动担处玉浆旋敢献大司谏置之铃阁前清如介洁性涤比扫荡权
炙背野人兴亦思侯伯怜也知饮水苦愿受一餅泉

缥缈峰

头戴华阳帽手拄大夏筇清晨陪道侣来上缥缈峰带露煎药蔓和云寻鹿踪时惊 防鼠飞
上千丈松翠碧内有室叩之虚防防【上户冬反下音隆】古穴下彻海视之寒鸿蒙遇歇有
佳思缘危无倦容须臾到絶顶似鸟穿樊笼恐足蹈海日疑身凌天风众岫防巨浸四方接圆
穹似将青螺髻撒在明月中片白作越分孤岚为吴宫一阵鬣颭气隱隱生湖东激雷与波起
狂电将日红磬磬雨防大金鼍轰下空暴光隔云闪髣髴亘天龙连拳百丈尾下拔湖之洪摔
为一雪山欲与昭回通移时却掘下细碎衡与嵩神物谅不测絶景尤难穷杖策下返照渐闻
仙观钟烟波瀆肌骨云壑闾心胸竟死爱未足当生且欢逢不然把天爵自拜太湖公

桃花坞

夤缘度南岭尽日穿林樾穷深到兹坞逸兴转超忽坞名虽然在不见桃花发恐是武陵溪自
闭仙日月倚峰小精舍当岭残耕垡将洞任回环把云恣披拂闲禽啼叫窳险狺眠砭砭防风
吹重岚碧埃轻勃勃清陰减鹤睡秀色治人渴敲竹鬪铮撻防泉争咽咽空斋蒸柏叶野饭调
石发空羡坞中人终身无履屐

明月湾

晓景澹无际孤舟恣回环试问最幽处号为明月湾半岩翡翠巢望见不可攀柳弱下丝网藤
深垂花鬣松癭忽似狺石文或如戩钓坛两三处苔老腥斑斑沙雨防处霁水禽相向闲野人
波涛上白屋幽深间晓培橘栽去暮作鱼梁还清泉出石砌好树临柴关对此老且死不知忧
与患好境无处住好处无境删赧然不自适脉脉当湖山

练渚【吴王所开】

吴王厌得国所玩终不足一上姑苏台犹自嫌局促舳舻六宫闹艨冲后军肃一阵水麝风空
中荡平渚鸟困避锦帆龙跽防铁轴流苏惹烟浪羽葆飘岩谷灵境太蹂践因兹塞林屋空濶
嫌太湖崎岖开练渚三寻鬻石齿数里穿山腹底静似金膏砾碎如丹粟波殿郑妲醉蟾阁西
施宿防转含烟舟一唱来云曲不知栏楯上夜有越人铍君王掩面死嫔御不敢哭艳魄逐波

涛荒宫养麋鹿国破沟亦浅代变草空绿白鸟都不知朝眠还暮浴

投龙潭【在山】

山下最深恶气何洋溢涎木爆龙巢腥风卷蛟室晓来林岑静狞色如怒日气涌扑灸煤波澄扫纯漆下有水君府贝阙光栊比左右列介臣纵横守鳞卒月中珠母见烟际枫人出生犀不敢烧水怪恐摧碎时有慕道者作彼投龙术端严持碧简斋戒挥紫笔兼以金蜿蜒投之光煖律琴高坐赤鲤何许纵仙逸我愿与之游兹焉托灵质

孤园寺【梁散骑常侍吴猛宅】

艇子小且兀绿湖荡白芷紫纁泊一碕宛到孤园寺萝岛凝清阴松门湛虚翠寒泉飞碧螭古木鬬苍兕钟梵在水魄楼台入云肆岩边足鸣树杪多飞鸱香莎满院落风泛金罍靡静鹤啄柏蠹闲獐防榼防小殿薰陆香古经贝多纸老僧方暝坐见客还强起指兹正险绝何以来到此先言洞壑数次话真如理磬韵醒闲心茶香凝皓齿巾之刼贝布馔以旃檀饵数刻得清静终身欲倚止可怜陶侍读身列丹台位雅号曰胜力亦闻师佛氏【陶隐居尝梦见佛像谓已曰尔当七地大王号曰胜力也】今日到孤园何妨称弟子

上真观

径盘在山肋缭绕穷云端藹菌杖头紫绿崖屐齿剗半日到上真洞宫知造难双户启真景斋心方可观天钧鸣响亮天禄行蹒跚琪树夹一径万条青琅玕两松峙庭际怪状吁可叹大螭腾共结脩蛇飞相盘皮肤拆甲冑枝节擒防獫狁处似天裂朽中如井眚襁褓风声防跣跣地力疼【音摊】根上露钳鋏空中狂波澜合时若莽苍辟处如轘轳俨对无霸阵静问严陵滩灵飞一以防山都焉敢干两廊洁寂历中殿高防岼静架九色节闲悬十绝幡防风时一吹百宝清阑昔有叶道士位当升灵官欲笈紫防志唯食虹景丹既逐隐龙去道风由此残犹闻绛目草往往生空坛羽客两三人石上谭泥丸谓我或龙胃粲然与之懽衣巾紫华冷食次白芝寒自觉有真气恐随风力转明朝若更住必拟隳儒冠

销夏湾

太湖有曲处其门为两崖当中数十顷别如一天池号为销夏湾此名无所私赤日莫斜照清风多遥吹沙屿扫粉墨松竹调坝簏山果红鞮鞢水苔青防髻木阴厚若瓦岩磴滑如飴我来此游息夏景方赫曦一坐盘石上肃肃寒生肌小艇或可泛【方言云小舸谓之艇】短策或可支行惊翠羽起坐见白莲披敛袖防轻浪解巾敌凉飈但有水云见更余沙禽知京洛往来客喝死绿奔驰此中便可老焉用名利为

包山祠

白云最深处像设盈岩堂村祭足茗糲水奠多桃浆防防突古砌薜荔绷頽墙炉灰寂不然风送杉桂香积雨晦州里流波漂稻粱恭惟大司諫悯此如发狂命予传明祷祇事实不遑一奠若盼蠻再祝如激扬出庙未半日隔云逢澹光 雨防少渐收羽林枪忽然山家犬起伏白日傍公心与神志相向如 黄我愿作一疏奏之于穹苍留神千万祀永福吴封疆

圣姑庙【在大姑山晋王彪二女相继没有灵因而庙焉】

洛神有灵逸古庙临空渚暴雨驳丹青荒萝绕梁栢野风旋芝葢饥乌衔椒糈寂寂落枫花时时鬪鼯鼠常云三五夕尽防妍神侣月下留紫姑霜中召青女俄然响环佩倏尔鸣机杼乐至有闻时香来无定处目瞪如有待魂断空无语云雨竟不生留情在何处

太湖石【出鼇头山】

兹山有石岸抵浪如受屠雪阵千万战薜岩高下剝乃是天诡怪信非人功夫白丁一云取难甚网 瑚厥状复若何鬼工不可图或拳若虺蜴或蹲若虎防连络若钩鑠重叠如萼跗或若巨人髀或如太帝符降肱笏筓格磔琅玕株断处露海眼移来和沙须求之烦耄倪载之劳舳舻通侯一以眄贵却骊龙珠厚赐以睨費遠去穷京都五侯土山下要尔添岳髭赏玩若称意爵禄行斯须苟有王佐士崛起于太湖试问欲西笑得如兹石无

崦里【傍 山下有良田二十顷】

里何幽奇膏腴二十顷风吹稻花香直过 山顶青苗细腻卧白羽悠溶静塍畔起鷗鷖田中通舴艋防家傍潭洞孤戍当林岭罢钓时菱菱停纛或焙茗峭然八十老生计于此永苦力供征赋怡顏过朝暝洞庭取异事包山极幽景念尔饱得知亦是遗民幸

石板【在石公山前】

翠石数百步如板漂不流空疑水妃意浮出青玉洲中若莹龙剑外唯叠蛇矛狂波忽然死浩气清且浮似将翠黛色抹破太湖秋安得三五夕携酒棹扁舟召取月夫人啸歌于上头又恐霄景润虚皇拜仙侯欲建九锡碑当立十二楼琼文忽然下石板谁能留此事少知者唯应波上鸥

奉和太湖诗二十首 陆

初入太湖

东南具区雄天水合为一高帆大弓满羿射争箭疾时当暑雨后气象仍鬱密乍如开雕箛【音奴箛也】耸翅忽飞出行将十洲近坐觉八极溢耳目骇鸿蒙精神寒估栗坑来斗呀豁涌处惊嵯崿嶮异拔龙湫喧如破蛟室斯须风妥帖若受命平秩防茫识端倪遠峤疑格【音阁】

】笔嶸嶸见铜阙【湖中穹崇山有铜阙】左右皆辅弼盘空俨相趋去势犹横逸尝闻咸池气下注作清质至今 赤霄尚且浴白日【太湖上稟咸池五车之气故一水五名也】又云构浮玉宛与昆阆匹肃为灵官家此事难致诘【太湖乃仙家浮玉之北堂】才迎沙屿好指顾俄已失山川互蔽亏鱼鸟空声【语彪反】聒【鱼乙反】何当授真检得召天吴术一一问朝宗方应可谭悉

晓次神景宫

晓帆逗碕岸高步入神景洒洒襟袖清如临蕊珠屏虽然羣动息此地常寂静翠镊有寒锵碧花无定影凭轩羽人傲夹户天兽猛稽首朝元君褰衣就虚省呀空雪牙利漱水石齿冷香母未垂婴芝田不论顷遥通河汉口近抚松桂顶饭荐七白蔬杯酺九光杏人间附尘躅固陋真钳颈肯信扑鼈倾犹疑夏虫永 津荡琼垄紫汞啼金鼎尽出冰霜书期君一披省

入林屋洞

知名十小天林屋当第九【人间三十六洞天知名者十耳余二十六天出九微志未行于世】题之为左神理之以天后【林屋洞为左神幽虚之天即天后真君之便阙】魁堆辟邪辈左右专备守自非方瞳人不敢窥洞口惟君好奇士复啸忘情友致伞在风林低冠入云窠中深剧苔井傍吹才药臼石角忽支颐藤根时束肘初为大幽怖渐见微明诱屹若造灵封森如达仙藪尝闻白芝秀状与琅花偶又坐紫泉光甘如酌天酒【白芝紫泉皆此洞所出乃神仙之饮饵非常人所能得】何人能挹嚼饵以代浆糗却笑探五符徒劳步双斗真君不可见焚盥空迟久眷恋玉碣文行行但回首

雨中游包山精舍

包山信神仙主者上真职及栖钟梵侣又是清凉域乃知烟霞地絶俗无不得岩开一径分柏拥深殿黑僧闲若图画像古非雕刻海客施明珠湘蕤料【平声】净食有鱼皆玉尾有鸟尽金臆手携鞞铎佉【唐言杨枝】若在中印国千峯残雨过万籁清且极此时空寂心可以遗智识知君战未胜尚倚功名力却下听经徒【生公有听经石】孤帆有行色

毛公坛

古有韩终道授之刘先生身如碧凤凰羽翼披轻轻先生盛驱役臣伏甲与丁势可倒五岳不唯鞭羣灵飘飘驾翔螭白日朝太清空遗古坛在稠叠烟萝屏逺懷步罡夕列宿森然明四角镇露兽三层差羽婴回眸盼七炁运足驰踈星象外真既感区中道俄成迹来向千祀云峤空峥嵘石上璠花落石根瑶草青时时白鹿下此外无人行我访岑寂境自言斋戒精如今君安死【字君安】魂魄犹羶腥有笈皆绿字有芝皆紫茎相将望瀛岛浩荡凌沧溟

三宿神景宫

灵踪未遍寻不觉溪色暝回头问栖所稍下杉萝径岩居更幽絶涧户相隱映过此即神宫虚堂愜云性四轩尽疎达一榻何清零【去声】髣髴闻玉笙敲铿动凉磬风凝古松粒露压脩荷柄万籁既无声澄明但心听希防辨真语若授虚皇命尺宅按来平华池漱余净频窥宿羽丽三吸晨霞盛岂独冷衣襟便堪遗造请徒探物外趣未脱尘中病举手谢灵峯徜徉事归榜

以毛公泉献大司谏清河公

先生鍊飞精羽化成翩翩荒坛与古甃隱轸清冷存四面蹙山骨中心含月魂除非紫水脉即是金沙源香实洒桂蕊甘唯渍云根向来探幽人酌罢祛昏况公珪璋质近处谏诤垣又闻虚静姿早挂冰雪痕君对瑶华味重献兰薰言当应涤烦暑朗咏翬飞轩我愿得一掬攀天叫重阁霏霏散为雨用以移焦原

缥缈峰

左右皆跳岑孤峯挺然起因思缥缈称乃在虚无里清晨跻磴道便是孱颜始据石即更歌遇泉还徙倚花奇忽如荐树曲浑成几乐静烟霭知忘机猿狖喜频攀峻过斗末造平如砥举首阂青防回眸聊下眎高帆大于鸟广墀【徒旦反】才类蚁就此防茫中争先未尝已葛洪话刚气去地四十里苟能乘之游止若道路耳吾将自峯顶便可朝帝宸尽欲活羣生不唯私一已超骑明月榦复弄华星蕊却下蓬莱巅重窥清浅水身为大块客自号天随子他日向华阳敲云问名氏

桃花坞

行行问絶境贵与名相亲空经桃花坞不见秦时人愿此为东风吹起枝上春愿此作流水潜浮蕊中尘愿此为好鸟得栖花际邻愿此作幽蝶得随花下賓朝为照花日暮作涵花津试为探花士出作偷桃臣桃源不我弃庶可全天真

明月湾

昔闻明月观【在建业故台城】祇伤荒野基今逢明月湾不值三五时择此二明月洞庭看最奇连山忽中断遠树分亮厘周回二十里一片澄风漪见说秋半夜净无云物欺兼之星斗藏独有神仙期初闻锵鏐铎【音姚】积渐调参差空中卓羽卫波上停龙螭纵舞玉烟节高歌碧霜词清光悄不动万象寒呶呶此防非俗致无繇得旁窥但当乘扁舟酒瓮仍相随或彻三弄笛或成数聯诗自然莹心骨何用神仙为

练渚【一云吴王开以练兵】

越恃君子众大将压全吴【越有私卒君子六千人】吳将派天泽以练舟师徒一镜止千里支流忽然迂苍苍束洪波坐似冯夷躯战舰百万辈浮宫三十余平川盛丁宁絶岛分儲胥凤

押半鹤膝锦杠杂肥胡香烟与杀气浩浩随风驱弹射尽高鸟杯觥醉潜鱼山灵恐见鞭水府愁为墟兵利德日削反为雠国屠至今钩铍残尚与泥沙俱照此月倍苦来兹烟亦孤丁魂尚有泪合洒青枫枯

投龙潭

名山潭洞中自古多秘邃君将接神物聊用申祀事镕金象牙角尺木无不備亦既奉真官因之徇前志持来展明诰敬以投嘉瑞鳞光焕水容目色烧山翠吾皇病秦汉岂独探怪异所贵风雨时民皆受其赐良田为巨浸污泽成赤地掌职一不行精灵又何寄唯贪血食饱但据骊珠睡何必费黄金年年授星使

孤园寺

浮屠从西来事者极梁武岩幽与水曲结构无遗土穷山林榦尽竭海珠玕聚况即侍从臣敢爱烟波坞幡条玉龙扣殿角金虬舞释子厌楼台主人露风雨今来四百载像设藏云浦轻鸽乱驯鸥鸣钟和朝櫓庭蕉裂旗旆野蔓差纓组石上解空人窗前听经虎林虚叶如织水净沙堪数徧问得中天归修释迦谱

上真观

尝闻升三清真有上中下官居乘佩服一一自相亚霄裙或霞粲侍女忽玉姹坐进金碧腴去驰飚歛驾今来上真观恍若心灵讶祗恐暂神游又疑新羽化风余撼朱草云破生瑶榭望极觉波平行虚信烟借闲开飞帙静倚宿凤架俗状既能遗尘冠聊以卸人间方大火此境无朱夏松盖防日车泉绅拖天罽穷幽不知倦复息芝园舍锵佩引凉姿焚香礼遥夜无情走声利有志依闲暇何处好迎僧希将石楼借

销夏湾

霞岛焰难泊云峯奇未收萧条千里湾独自清如秋古岸过新雨高萝防横流遥风吹蒹葭折处鸣飕飕昔予守圭窦过于回禄囚日为籛笛徒【渠曲二音簞之异名】分作祗裯讐【低刀二音并单衣】愿狎寒水怪不封朱轂侯岂知烟浪涯坐可思重裘健若数尺鲤泛然双白鸥不识号火井孰问名焦丘我真鱼鸟家尽室营扁舟遗名复避世消夏还消忧

包山祠

静境林麓好古祠烟霭浓自非通灵才敢陟羣仙峯百里波浪沓中堂箫鼓重真君贝琼鬢髯来相从清露濯巢鸟陰云生画龙凤飘橘柚香日动幡葢容将命礼且洁所祈年不凶终当以疏闻特用诸侯封

圣姑庙

渺 洞庭水盈盈芳屿神因知古佳丽不独湘夫人流苏荡遥吹斜岭生轻尘蜀防駁霞碎吴
绡盘雾匀可怜飞燕姿合是乘鸾寘坐想烟雨夕兼之花草春空登油壁车窈窕谁相亲好赠
玉条脱堪携紫纶巾殷勤拨香池重荐汀洲苹明朝动兰楫不翅星河津

太湖石

他山岂无石厥状皆可荐端然遇良工坐使天质变或裁基栋宇礲砢成广殿或剖出温瑜精
光具华璜或将破仇敌百礲资苦战或用镜功名万古如防面今之洞庭者一以非此选槎牙
真不材反作天下彦所奇者嵌崆所尚者葱蒨旁穿参洞穴内窍均环钏刻削九琳窻玲珑五
明扇新雕碧霞段旋剖秋天片无力置池塘临风只流眄

崦里

山横路若絕转楫逢平川川中水木幽高下兼良田沟塍墮防溜桑柘含疎烟处处倚蚕箔家
家下鱼筌駉犊卧新 野禽争折莲试招搔首翁共语残阳边今来九州内未得皆恬然贼阵
始吉语狂波又凶年吾翁欲何道守此常安眠笑我掉头去芦中闻刺船余知隱地术可以齐
真仙终当从之游庶复全于天

石板

一片倒山屏何时隳洞门屹然空濶中万古波涛痕我意上帝命持来压泉源恐为庚辰宫囚
怪力所掀又疑广袤次零落潜惊奔不然遭霹雳强半沉无垠如何造化首便截秋云根往事
不足问奇踪安可论吾今病烦暑据簟常昏昏欲从石公乞【石板在石公山前】莹理平如
璫前后植桂桧东西置琴樽尽携天壤徒浩唱羲皇言

松陵集卷四

往体诗一百十二首

渔具诗【并序】 陆

天随子 于海山之顔有年矣矢鱼之具莫不穷极其趣大凡结绳持网者总谓之网罟网罟之流曰罟曰罾曰翼【侧交反】圆而纵舍曰罩挟而升降曰 【女减反】缙而竿者总谓之筌筌之流曰筒曰车横川曰梁承虚曰筍编而沈之曰箬【音卑】矛而卓之曰矰【音册矛也】棘而中之曰义簇而纶之曰射扣而駮之曰粮【以薄板置瓦器上击之以驱鱼】置而守之曰神【鲤鱼满三百六十歳蛟龙辄率而飞去置一神守之则不能去矣神 也】列竹于海滢曰汭【吴之汭渚是也】错薪于水中曰 【音糝】所载之舟曰舴艋所贮之器曰笭箬其他或术以招之或药而尽之皆出于诗书杂传及今之闻见可考而驗之不诬也今择其任咏者作十五题以讽噫矢鱼之具也如此予既歌之矣矢民之具也如彼谁其嗣之鹿门子有高洒之才必为我同作

网

大罟纲目繁空江波浪黑沈沈到波底恰共波同色牵时万髻入已有千钧力尚悔不横流恐他人更得

罩

左手揭圆罟轻桡弄舟子不知潜鳞处但去笼烟水时穿紫屏破忽值朱衣起【松江有朱衣鲋】贵得不贵名敢论鲂与鲤【屏一作萍】

有意烹小鲜乘流驻孤棹虽然烦取舍未肯求津要多为虾蚬误已分防防笑寄语龙伯人荒唐不同调

钓筒

短短截筠光悠悠卧江色蓬差防相应雨慢烟交织须臾中芳饵迅疾如飞翼彼竭我还浮君看不争得

钓车

溪上持只轮溪边指茅屋闲乘风水便敢议朱丹轂高多倚衡惧下有折轴速曷若载逍遥归

来卧云族

鱼梁

能编似云薄横絶清川口缺处欲随波波中先置筍投身入笼檻自古难飞走尽日水濱吟殷
勤谢渔叟

义鱼

春溪正含緑良夜才参半持矛若羽轻列烛如星烂伤鳞跳密藻碎首沈遥岸尽族染东流傍
人作佳翫

射鱼

弯弓注碧浔掉尾行凉沚青枫下晚照正在澄明里抨弦防荷扇溅血殷菱蘩若使禽荒闻移
之暴烟水

鸣粮

水浅藻荇澁钩罩无所及铿如木铎音势若金钲急毆之就深处用以资俯拾搜罗尔甚防遁
去将何入

汭【吴人今谓之𪔐】

万植御洪波森然倒林薄千颠咽云上过半随潮落其间风信背更值雷声恶天道亦褻多吾
将移海若

【吴人今谓之丛】

斩木置水中枝条互相蔽寒鱼遂家此自以为生计春水忽融冶尽取无遗裔所托成祸机临
川一凝睇

种鱼

菑池收赆鳞疎疎置云屿还同汗漫游遂以江湖处如非一神守潜被蛟龙主蛟龙若无道跛
鼈亦可御

药鱼

香饵缀金钩日中悬者防盈川是毒流细大同时死不唯空饲犬便可将貽蚁苟负竭泽心其他尽如此

舴艋

篷棹两三事天然相与闲朝随稚子去暮唱菱歌还倚石迟后侣徐桡供远山君看万斛载沈溺须臾间

箬簑

谁谓箬簑小我谓箬簑大盛鱼自足殫寘壁能为害时将刷苹浪又取悬藤带不及腰上金何劳问蓍蔡

奉和渔具十五咏 皮日休网

晚挂溪上网映空如雾縠闲来发其机旋旋沈平绿下处若烟雨牵时似崖谷必若遇鯢鲈从教通一目

罩

芒鞋下葑中步步沈轻罩既为菱浪飏亦被莲泥胶人立独无声鱼烦似相抄满手掬霜鳞思归举轻棹

烟雨晚来好东塘下 去网小正星 舟轻欲腾翥谁知葑深后恰值鱼多处浦口更有人停桡一延竚

钓筒

笼簾截数尺标置能幽绝从浮笠泽烟任卧桐江月丝随碧潭漫饵逐清滩发好是趣筒时秋声正清越

钓车

得乐湖海志不厌华辎小月中抛一声惊起滩上鸟心将潭底测手把波文褰何处覓奔车平波今渺渺

鱼梁

波际插翠筠离离似清簾游鳞到溪口入此无逃所斜临杨柳津静下鸬鹚侣编此欲何之终焉富春渚

义鱼

列炬春溪口平潭如不流照见游泳鱼一一如清昼中目碎琼碧毁鳞股组绣乐此何太荒居然愧川后

射鱼

注矢寂不动澄潭晴转烘下窥见鱼乐恍若翔在空惊羽决凝碧伤鳞浮殷红堪将指杯术授与太湖公

鸣榔

尽日平湖上鸣榔仍动桨丁丁入波心登澈和清响鹭聒独寂寞鱼惊昧来往尽水无所逃川中有钩党

沪

波中植甚固磔磔如虾须涛头倏尔过数顷跳鮪防【音逋夫】不是细罗密自为朝夕驱空怜指鱼命遣出海边租

伐彼槎蘂枝放于冰雪浦游鱼趣暖处忽尔来相聚徒为栖托心不问庇庥主一旦悬鼎镬祸机真自取

种鱼

移土湖岸边一半和鱼子池中得春雨防防活如蚁一月便翠鳞终年必赧尾借问两绶人谁知种鱼利

药鱼

吾无竭泽心何用药鱼药见説放溪上防防波光恶食时竟夷犹死者争纷泊何必重伤鱼毒涇犹可作

舴艋

阔处只三尺翛然足吾事低蓬挂钓车枯蚌盛鱼饵只好携桡坐惟堪盖蓑睡若遣遂平生舡舫不如是

答簪

朝空答簪去暮实答簪归归来倒却鱼挂在幽窗扉但闻虾蚬气欲生苹藻衣十年佩此处烟雨苦霏霏

添渔具诗【并序】 皮日休

天随子为渔具诗十五首以遗余凡有 已来术之与器莫不尽于是也噫古之人或有溺于渔者行其术而不能言用其器而不能状此与泽助之 者又何异哉如吟鲁望之诗想其致则江风海雨槭槭生齿牙间真世外渔者之才也余昔之渔所在洞上则为庵以守之居岨下则占矶以待之江汉间时候率多雨唯以簦笠自庇每伺鱼必多俯簦笠不能庇其上繇是织篷以障之上抱而下仰字之曰背篷今观鲁望之十五篇未有是作因次而咏之用以补其遗者渔家生具获足于吾属之文也

渔庵

庵中只方丈恰称幽人住枕上悉鱼经门前空钓具束竿将倚壁晒网还侵户上洞有杨颠须留往来路

钓矶

盘滩一片石置我山居足洼处着筇筵【桂苑云取虾具】窍中维 防多逢沙鸟污爱被潭云触狂奴卧此多所以踏帝腹

蓑衣

一领蓑正新着来沙坞中隔溪遥望见疑是绿毛翁襟色裊防【直叶反】霭袖香防褊风前头不施袞何以为三公

簦笠

圆似写月魂轻如织烟翠涔涔向上雨不乱窥鱼思携来沙日防挂处江风起纵戴二梁冠终身不忘尔

背篷

依家背篷樣似个大 甲雨中局躋时一向聽霎霎甘从鱼不见亦任鸥相狎深拥竟无言空
成睡齁防【上虚沟反下虚甲反】

奉和添渔具五篇 陆 渔庵

结茅次烟水用以资啸傲岂谓钓家流忽同禅室号闲凭山叟占晚有溪禽嫪华屋莫相非各
随吾所好

钓矶

拣得白云根秋潮未曾没坡陀坐鳌背散漫垂龙发持竿从掩雾置酒复待月即此放神情何
劳适吴越

蓑衣

山前度防雨不废小涧渔上有青裓裊下有新肭疎滴沥珠影 离披岚彩虚君看荷制者不
得安吾庐

箬笠

朝携下枫浦晚戴出烟艇冒雪或平檐聽泉时仄顶飈移霭然色波乱危如影不识九衢尘终
年居下洞

背篷

敏手劈江筠随身织烟殼沙禽固不知钓伴犹初觉闲从翠防拂静唱沧浪濯见說万山潭渔
童尽能学

樵人十咏【并序】 陆

环中先生谓天随子日子与鹿门子应和为渔具诗信尽其道而美矣世言樵渔者必聯其命
称且常为隱君子事诗之言错薪礼之言负薪传之言积薪史之言束薪非樵者之实乎可不
足以寄兴咏独缺其词耶退作之樵以补其阙漏寄鹿门子

樵谿

山高谿且深苍苍但羣木抽条欲千尺众亦疑朴樕一朝 翦伐万古辞林麓若遇燎 穹防
烟出云族

樵家

草木黄落时比邻见相喜
门当清涧尽屋在寒云里
山棚日才下野灶烟初起
所谓顺天民唐尧亦如此

樵叟

自小即胼胝至今凋鬓发
所图山褐厚所爱山炉热
不知冠盖好但信烟霞活
富贵如疾颠吾从老岩穴

樵子

生自苍崖边能谙白云养
【去声山家谓养柴地为养】
才穿逵林去已在孤峯上
薪和野花束步带山词唱
日暮不归来柴扉有人望

樵径

石脉青霭间行行自幽绝
方愁山绕繚更值云遮截
争推好林浪共约归时节
不似名利途相期覆车辙

樵斧

淬砺秋水清携持逵山曙
丁丁在前涧杳杳无寻处
巢倾鸟犹在树尽猿方去
授钺者何人吾方易其虑

樵担

轻无斗储价重则筋力绝
欲下半岩时忧襟两如结
风高孰还却雪厚疑中折
负荷诚独难移之赠来哲

樵风

朝随早潮去暮带残阳返
向背得清飈相迫无近远
采山一何迟服道常苦蹇
仙术信能为年华未将晚

樵火

积雪抱松坞蠹根然草堂
深炉与逵烧此夜仍交光
或似坐奇兽或如焚异香
堪嗟宦游子冻死道路傍

樵歌

纵调为野吟徐徐下云磴因知负樵乐不减援琴兴出林方自转隔水犹相应但取天壤情何求郢人称

奉和樵人十咏皮日休樵谿

何时有此谿应便生幽木橡实养山禽藤花 涧鹿不止产蒸薪愿当歌械朴君知天意无以此安吾族

樵家

空山最深处太古两三家云萝共夙世猿鸟同生涯衣服濯春泉盘飧烹野花居兹老复老不解叹年华

樵叟

不曾照青镜岂解伤华发至老未息肩至今无病骨家风是林岭世禄为薇蕨所以两大夫天年为自伐

樵子

相约晚樵去跳跟上山路将花饵鹿麕以果投猿父束薪白云湿负担春日暮何不寿童乌果为 所误

樵径

笼中一径绕在千峯里歇处遇松根危中值石齿花穿泉衣落云拂芒屨起自古行此途不闻颠与坠

樵斧

腰间插大柯直入深谿里空林伐一声幽鸟相呼起倒树去李父倾巢啼木魅不知仗钺者除害谁如此

樵担

不敢量樵重唯知益薪束轧轧下山时弯弯向身曲清泉洗得洁翠靄侵来绿看取荷戈人谁能似吾属

樵风

野船渡樵客来往平波中纵横清飈吹旦暮归期同
苹光惹衣白莲影涵薪红吾当请封尔直作镜湖公

樵火

山客地炉里然薪如阳辉松膏作瀹【思有反】
灋杉子为珠玑响误击刺闇焰疑孛彗飞傍边暖白酒不觉瀑水垂

樵歌

此曲太古音絃来无管奏多云采樵乐或説林泉候
一唱凝闲云再谣悲顾兽若遇采诗人无辞收鄙陋

酒中十咏【并序】皮日休

鹿门子性介而行独于道无所全于才无所全于进无所全于退无所全岂天民之愬者耶然进之与退天行未觉于余也则有穷有厄有病有殆果安而受耶未若全于酒也夫圣人之诫酒祸也大矣在书为沈湎在诗为童羖在礼为豢豕在史为狂药余饮至酣徒以为融肌柔神消沮迷丧頽然无思以天地大顺为隄封傲然不持以洪荒至化为爵赏抑无懷氏之民乎葛天氏之臣乎苟沈而乱狂而诟祸而族真蚩蚩之为也若余者于物无所斥于性有所适真全于酒者也噫天之不全余也多矣独以麴蘖全之抑天犹幸于遗民焉太 曰君子在 则正在福则冲在祸则反小人在 则邪在福则骄在祸则穷余之于酒得其乐人之于酒得其祸亦若是而已矣于是徵其具悉为之咏用继东臯子酒谱之后夫酒之始名天有星地有泉人有多乡今总而咏之者亦古人初终必全之义也天随子深于酒道寄而请之和

酒星

谁遣酒旗耀天文列其位彩防尝似酣芒弱偏如醉唯忧犯帝座只恐骑天驷若遇卷舌星谗君应墮地

酒泉

羲皇有 酒滋味何太薄玉液是浇漓金沙乃糟粕春从野鸟沽昼任闲猿酌我愿葬兹泉醉魂似鳬跃

酒筭

翠箴初织来或如古鱼器新从山下买静向甌中试轻可网金醅疎能容玉蚁自此好成功无
貽我罍耻

酒牀

糟牀带松节酒膩肥于豉滴滴连有声空疑杜康语开眉既压后染指偷尝处自此得公田不
过浑种黍

酒鑪

红鑪高防尺颇称幽人意火作缥醪香灰为冬醑气有鎗尽龙头有主皆犊鼻倘得作杜根佣
保何足愧

酒楼

钩楯跨通衢喧鬧当九市金罍潋灩后玉笋纷纶起舞蝶傍应酣啼莺闻亦醉野客莫登临相
讐多失意

酒旗

青帜阔数尺悬于往来道多为风所飏时见酒名号拂拂野桥幽翻翻江市好双眸复何事终
竟望君老

酒樽

牺樽一何古我抱期幽客少恐消醍醐满疑烘琥珀猿窥曾扑泻鸟踏经欹仄度度醒来看皆
如死生隔

酒城

万仞峻为城沈酣浸其俗香侵井榦过味染濠波渌朝倾逾百榼暮压防千斛吾得 此中但
为闾者足

酒乡

何人置此乡杳在天皇外有事忘哀乐有时忘显晦如寻罔象归似与希夷防从此共君游无
烦用冠带

奉和酒中十咏陆 酒星

万古醇酎气结而成晶荧降为嵇阮徒动与樽罍并不独祭天庙亦应邀客星何当八月槎载我游青

酒泉

初悬碧崖口渐注青谿腹味既敌中山饮宁拘一斛春疑浸花骨暮若酣云族此地得封侯终身持美禄

酒筵

山斋醞方熟野童编近成持来欢伯内坐使贤人清不待盎中满旋供花下倾汪汪日可挹未羨黄金罍

酒牀

六尺样何奇溪边濯来洁糟深贮方半石重流还咽闲移秋病可偶聽寒梦缺往往枕眠时自疑陶靖节

酒垆

锦里多佳人当垆自沽酒高低过反坫大小随圆甌数钱红烛下涤器春江口若得奉君欢十千求一斗

酒楼

百尺江上起东风吹酒香行人落防上遠树涵残阳凝睇复凝睇一觴还一觴须知凭栏客不醉难为肠

酒旗

摇摇倚青岸遠荡游人思风欹翠竹杠雨澹香醪字才来隔烟见已觉临江迟大旆非不荣其如有王事

酒樽

黄金即为侈白石又太拙斲得奇树根中如老蛟穴时招山下叟共酌林间月尽醉两忘言谁能作天舌

酒城

何代驱生灵筑之为酿地殊无甲兵守但有糟浆气雉堞屹如狂女墙低似醉必若据而争先
登仪狄氏

酒乡

谁知此中路暗出虚无际广莫是邻封华胥为附丽三杯闻古乐伯雅逢遗裔自尔等荣枯何
劳问 弟

添酒中六咏【并序】 陆

鹿门子示予酒中十咏物古而词丽防高而性真可谓穷天人之际矣予既和而且曰昔人之
于酒有注为池而饮之者象为龙而吐之者亲盗瓮间而卧者将实舟中而浮者可为四荒矣
徐景山有酒鎗嵇叔夜有酒杯皆传于后代可谓二高矣四荒不得不刺二高不得不颂更作
六章附于末云

酒池

万斛输曲沼千钟未为多残霞入醞齐遼岸澄白鄮后土亦沈醉奸臣空浩歌迩来荒淫君尚
得乘余波

酒龙

铜雀羽仪丽金龙光彩奇潜倾邺宫酒忽似商庭縠若怒鳞甲赤如酣头角垂君臣坐相灭安
用骄奢为

酒瓮

候暖麴蘖调覆深苦盖净溢处每淋漓沈来还鼎滢尝闻清凉酎可养希夷性盗饮以为名得
非君子病

酒船

昔人性何诞欲载无穷酒波上任浮身风来即开口荒唐意难遂沈湎名不朽千古如比肩问
君能继不

酒鎗

景山实名士所玩垂清尘尝作酒家语自言中圣人奇器质 古挫糟味应醇唯懷魏公子即
此飞觴频

酒杯

叔夜傲天壤不将琴酒疎制为酒中物恐是琴之余一弄广陵散又裁絶交书頽然掷林下身世俱何如

奉和酒中六咏皮日休酒池

八齐竞奔注不知深防丈竹叶岛纡徐鳧花波荡样【鳧花酒名出梁简文帝集】醺应烂地轴浸可柔天壤以此献吾君愿铭于几杖

酒龙

铜为蚺蜥鳞铸作鯨角吐处百里雷泻时千丈壑初疑潜苑囿忽似擎寥廓遂使铜雀台香消野花落

酒瓮

坚净不苦羸陶于醉封疆临溪刷旧痕隔屋闻新香移来近麴室到处临糟牀所嗟无比邻余亦能偷尝

酒船

剡桂复剡兰陶陶任行乐但知涵泳好不计风涛恶尝行麴封内稍系糟丘泊东海如可倾乘之就斟酌

酒鎗

象鼎格仍高其中不烹饪唯将羹浊醪用以资酣饮偏宜旋樵火稍近余醒枕若得伴琴书吾将着闲品

酒杯

昔有嵇氏子龙章而鳳姿手挥五弦罢聊复一樽持但取性澹泊不知味醇醪兹器不复见家唯玉卮

茶中杂咏【并序】皮日休

案周礼酒正之职辨四饮之物其三曰浆又浆人之职共王之六饮水浆醴凉医酏入于酒府郑司农云以水和酒也盖当时人率以酒醴为饮谓乎六浆酒之醪者也何得姬公制尔雅云

檟苦茶即不擷而饮之岂圣人纯于用乎抑草木之济人取舍有时也自周已降及于国朝茶事竟陵子陆季疵言之详矣然季疵以前称茗饮者必浑以烹之与夫瀹蔬而啜者无异也季疵之始为经三卷繇是分其源制其具教其造设其器命其羹俾饮之者除瘠而去疴虽疾医之不若也其为利也于人岂小哉余始得季疵书以为备矣后又获其顾渚山记二篇其中多茶事后又太原温从云武威段碣之各补茶事十数节并存于方册茶之事繇周至于今竟无纤遗矣昔晋杜育有荈赋季疵有茶歌余缺然于懷者谓有其具而不形于诗亦季疵之余恨也遂为十咏寄天随子

茶坞

闲寻尧氏山遂入深深坞种荈已成园栽葭宁记亩石洼泉似掬岩罅云如缕好是夏初时白花满烟雨【茶经云其花白如薔薇】

茶人

生于顾渚山老在漫石坞语气为茶荈衣香是烟雾庭从子遮【女耿反其木如玉色渚人以为杖】果任孺师虜日晚相笑归腰间佩轻簪

茶笋

褻然三五寸生必依岩洞寒恐结红铅暖疑销紫汞圆如玉轴光脆似琼英冻每为遇之疎南山挂幽梦

茶羸

笈笕晓携去蓦个山桑坞开时送紫茗负处沾清露歇把傍云泉归将挂烟树满此是生涯黄金何足数

茶舍

阳崖枕白屋防口嬉嬉活棚上汲红泉焙前蒸紫蕨乃翁研茗后中妇拍茶歇相向掩柴扉清香满山月

茶灶

南山茶事动灶起岩根傍水煮石发气薪然杉脂香青琼蒸后凝緑髓炊来光如何重辛苦一输膏粱

茶焙

凿彼碧岩下恰应深二尺泥易带云根烧难碍石脉初能燥金饼渐见干琼液九里共杉林【皆焙名】相望在山侧

茶鼎

龙舒有良匠铸此佳样成立作菌蠢势煎为潺湲声草堂暮云陰松窓残雪明此时勺复茗野语知逾清

茶瓯

邢客与越人皆能造兹器圆似月魂堕轻如云魄起枣花势旋眼苹沫香沾齿松下时一看支公亦如此

煮茶

香泉一合乳煎作连珠沸时看蟹目溅乍见鱼鳞起声疑带松雨饒恐生烟翠僊把沥中山必无千日醉

奉和茶具十咏陆 茶坞

茗地曲隈回野行多缭绕向阳就中密背涧差还少遥盘云髻慢乱簇香篝小何处好幽期满岩春露晓

茶人

天赋识灵草自然钟野姿闲来北山下似与东风期雨后探芳去云间幽路危唯应报春鸟得共斯人知【顾渚山有报春鸟】

茶笋

所孕和气深时抽玉茗短轻烟渐结华嫩蘩初成管寻来青霭曙欲去红云暖秀色自难逢倾筐不曾满

茶羸

金刀劈翠筠织似波文斜制作自野老携持伴山娃昨日鬪烟粒今朝贮緑华争歌调笑曲日暮方还家

茶舍

旋取山上材架为山下屋门因水势斜壁任岩隈曲朝随鸟俱散暮与云同宿不憚采掇劳祇忧官未足

茶灶【经云茶灶无突】

无突抱轻岚有烟映初旭盈锅玉泉沸满甌云牙熟竒香袭春桂嫩色凌秋菊炀者若吾徒年年看不足

茶焙

左右捣凝膏朝昏布烟缕方圆随样拍次第依层取山谣纵高下火候还文武见説焙前人时时炙花脯【紫花焙人以花为脯】

茶鼎

新泉气味良古鐵形状丑那堪风雪夜更值烟霞友曾过赧石下又住清溪口【赧石清溪皆江南出茶处】且共荐臯卢【茶名】何劳倾斗酒

茶瓯

昔人谢塲堦徒为妍词饰【刘孝威集有谢塲堦啓】岂如珪璧姿又有烟岚色光参筠席上韵雅金罍侧直使于阗君从来未尝识

煮茶

闲来松间坐看煮松上雪时于浪花里并下蓝英末倾余精爽健忽似氛埃灭不合别观书但宜窥玉札

松陵集卷五

今体五言诗六十八首

武丘寺殿前有古杉一本形状丑怪图之不尽况百卉竞媚若妒若媚唯此杉死抱奇节髀然
闾然不知雨露之可生也风霜之可瘁也乃造化者方外之材乎遂赋三百言以见志

皮日休

种日应逢晋枯来必自隋鰐狂将立处螭鬬未开时卓犖擲枪榦义牙束防枝初惊繆篆活复
讶獠狂痴劲质如尧瘦贞容学舜霉势能擒土伯丑可骇山祗虎爪拏岩穩虬身脱浪敲槎头
秃似刷枿觜利于锥突兀方相胫鳞皴夏氏胝根应藏鬼血柯欲漏龙槩拘似神荼怒呀如猊
防饥朽痈难可吮枯槁不堪治一炷云拔三寻黑稍奇狼头防宰豎蛭尾掘拳垂目燥那逢
燿心开岂中铍任苔为疥癖從蠹作疮痍品格齐辽鹤年龄等寶将懷缩地力欲负拔山姿
未倒防风骨初僵负貳尸漆书明古本铁室抗全师礮礪还无极伶俜又莫持坚应敌骏骨文
定写魑皮蟠屈愁凌刹腾骧恐攫池抢烟寒嶠披莛静防褫威仰诚难识勾芒恐不知好烧
胡律看堪共达多期寡色诸芳笑无声众籁疑终添八柱位未要一绳维尽日来唯我当春翫
更谁他年如入用直构太平基

奉和古杉三十韵陆龟蒙

众木尽相遗孤杉独任奇插天形硤兀当殿势防危恐是夸娥怒教临截薛衰节穿开耳目根
癭坐熊罴世只论荣落人谁问等衰【初危反】有巔從日上无叶与秋期虎搏应难动雕蹲
不敢迟战锋新缺齧烧岸黑□黧鬬死龙骸杂争奔鹿角差胫销洪水脑棱耸梵天眉磔索
瑚涌森严獬豸窥向空分犖指冲浪出鲸髻杨仆船撞在蚩尤阵纛隳下连金粟固高用铁淩
披挺若苻坚槓浮于祖纳椎峥嵘惊露鹤防越阁云螭傍宇将支压撑霄欲抵臙背交虫臂搆
相向鹖拳追格【音阁】笔荖【初加反】犹立阶干卓未麾鬼神应暗画风雨恐潜移已觉
寒松伏偏宜后土疲好邀清啸傲堪映古茅茨材大应容蝎年深必孕防后雕依佛氏初植必
僧弥【寺即东晋王家别墅僧弥王珉小字】拥肿烦莊辯槎牙费庾词咏多灵府困搜苦化
权卑类既区中寡朋当物外推蟠桃标日域珠草侍仙墀真宰诚求梦春工幸可医若能嘘嶰
竹犹足动华滋

四明山诗【并序】

谢遗尘者有道之士也尝隱于四明之南雷一旦访予来语不及世务且曰吾得于玉泉生知
子性诞逸乐神仙中书探海岳遗事以期方外之交虽铜墙鬼炊虎狱劒餌无不窥也【已上
八言谢语不知所谓者何一云出隱中书】今为子语吾山之奇者有峯最高四穴在峯上每
天地澄霁望之如牖户相传谓之石窗即四明之目也山中有云不絕者二十里民皆家云之
南北每相從谓之过云有鹿亭有樊榭有潺湲洞木实有青櫛子味极甘而坚不可卒破有猿

山家谓之鞠侯其他在图籍不足道也凡此佳处各为我赋诗予因作九题题四十字谢省之曰玉泉生真不诬矣好事者为予传之因呈裘美

石窗

石窗何处见万仞倚晴虚积霭迷青琐残霞动绮疏山应列圆峤宫便接方诸祗有三奔客时来教隐书

过云

相访一程云云深路仅分啸台随日辨樵斧带风闻晓着衣全湿寒冲酒不醺防回归思静髣髴见苏君

云南

云南更有溪丹砾尽无泥药有巴賸卖枝多越鸟啼夜清先月午秋近少岚迷若得山顔住芝手自携

云北

云北是阳川人家洞壑连坛当星斗下楼撈翠防邊一半遥峯雨三条古井烟金庭如有路应到左神天

鹿亭

鹿亭岩下置时领白麕过草细眠应久泉香饮自多认声来月坞寻迹到烟萝早晚吞金液骑将上绛河

樊榭

樊榭何年筑人应白日飞至今山客説时驾玉麟归乳蒂悬松嫩芝台出石防凭栏虚目防不见羽华衣

潺湲洞

石浅洞门深潺潺万古音似吹双羽管如奏落霞琴倒穴漂龙沫穿松濺鹤襟何人乘月弄应作上清吟

青櫺子

山实号青櫛环冈次第生外形坚緑殼中味敌璫英墮石樵儿拾敲林宿鸟惊亦应仙吏守时
取荐层城

鞠侯

何事鞠侯名先封在四明但为连臂饮不作防肠声野蔓垂纓细寒泉佩玉清满林游宦子谁
为作君卿

奉和四明山九题 皮日休石窗

窗开自真宰四达见苍崖苔染浑成绮云漫便当纱櫛中空吐月扉际不扃霞未防通何处应
连玉女家

过云

粉洞二十里当中幽客行片时迷鹿迹寸步隔人声以杖探虚翠将襟惹薄明经时未过得恐
是入层城

云南

云南背一川无鴈到峯前墟里生红药人家发白泉儿童皆似古婚嫁尽如仙共作真官户无
由税石田

云北

云北昼防防空疑背壽星犬能谙药气人解写芝形野歇遇松盖醉书逢石屏焚香住此地应
得入金庭

鹿亭

鹿羣多此住因构白云楣待侣傍花久引麝穿竹迟经时掄玉润尽日嗅金芝为在石窗下成
仙自不知

樊榭

主人成列仙故榭独依然石洞哄人笑松声惊鹿眠井香为大药鹤语是灵篇欲买重栖隱云
峯不售钱

潺湲洞

陰宮何處源到此洞潺湲敲碎一轮月鎔銷半段天响高吹谷动势急歎云旋料得深秋夜临流尽古仙

青櫺子

山風熟異果應是供真仙味似云腴美形如玉腦圓銜來多野鶴落處半靈泉必共 都柰花開不記年

鞠侯

堪羨鞠侯國碧岩千萬重烟夢為印綬云壑是隄封泉遣狙公防果教 子供爾徒如不死應得蹶 踪

五祝詩【并序】 皮日休

毗陵處士魏君不琢氣真而志放居毗陵凡二紀閉門窮學是乎里民不得以師之非乎里民不得以訾之用之不难進利之被人也舍之不难退辱非及己也噫古君子處乎進退而全者繇此道乎抑夷之隘惠之不恭不能造于是也江南秋風時鮐肥而難釣菰脆而易挽不過乘短防【方言曰船短而深者謂之防音步】載一甌酒加以隱具繇五洿洿入震澤穿松陵抵杭越耳日休嘗聞道于不琢敢不求雅物成雅思乎于是買釣船一條二丈濶三尺施篷以庇烟雨謂之五洿舟天台杖一色黯而力適謂之華頂杖有 頭山疊石硯一高不二寸其仞數百謂之太湖硯有桐廬養和一怪形拳局坐若變去謂之烏龍養和有南海蜃魚殼樽一涩鋒鬣角內 外黃謂之訶陵樽皆寄于不琢行以資云水之興止以益琴籍之玩真古人之雅祝也因思乘韋之義不過于詞遂為五篇目之曰五祝兼請魯望同作

五洿舟

何事有青錢因人買釣船濶容兼餌坐深許共蓑眠短好隨朱鷺輕堪倚白蓮自知無用處却寄五湖仙

華頂杖

金庭仙樹枝道客自携持探洞求丹粟挑云覓白芝量泉將濯足闌鶴把支頤以此將為贈唯君盡得知

太湖硯

求于花石間怪狀乃天然中瑩五寸劍外老千疊蓮月融還似洗云濕便堪研寄與先生後應添內外篇

乌龙养和

壽木拳数尺天生形状幽把疑伤虺节用恐破蛇瘤置合月观内买须云肆头料君携去处烟雨太湖舟

诃陵樽

一片鲎鱼殼其中生翠波买须饶紫贝用合对红螺尽浮判狂药禁敲任浩歌明朝与君后争那玉山何

奉和五贶诗 陆 五浮舟

样自桐川得词因隱地成好渔翁亦喜新白鸟还惊沙际拥江沫渡头横雨声尚应嫌越相遗祸不遗名

华顶杖

万古陰崖雪灵根不为枯瘦于霜鹤胫奇似黒龙须拄访谭 客持看泼墨图湖云如有路兼可到仙都

太湖砚

谁截小秋滩闲窥四绪寬绕为千嶂遠深置一潭寒坐久云应出诗成墨未干不知新博物何处拟重刊

乌龙养和

养和名字好偏寄道情深所以亲逋客兼能助五禽倚肩沧海望钩膝白云吟不是逍遙侶谁知世外心

诃陵樽

鱼骼匠成樽犹残海浪痕外堪欺玳瑁中可酌昆仑【酒名】水绕苔矶曲山当草阁门此中醒复醉何必问乾坤

早春病中书事寄鲁望 皮日休

眼晕见云母耳虚闻海涛惜春狂似蝶养病躁于猱按静方书古堂空药气高可怜真宰意偏解困吾曹

奉酬陆

只贪诗调苦不计病容生我亦休文瘦君能叔宝清药须勤一服春莫累多情欲入毘耶问无人敌净名

又寄次前韵 皮日休

病根冬养得春到一时生眼暗怜晨惨心寒怯夜清妻仍嫌酒癖医又禁诗情应被高人笑忧身不似名

又酬次韵陆

从来多遯思尤向静中生所以令心苦还应是骨清酒香偏入梦花落又关情积此风流事争无后世名

新秋言懷寄鲁望三十韵皮日休

新秋入破宅疎澹若平郊户牖深如窟诗书乱似巢移牀惊蟋蟀拂匣动蟪蛄静把泉华掬闲拈乳管敲桧身浑个矮石面得能防小桂如拳叶新松似手梢鹤鸣转清角鹖下扑金 合药还慵服为文亦嬾抄烦心入夜醒疾首带凉抓杉叶尖于镞藤丝鞞似鞞债田含紫芋低蔓隱青匏老栢浑如疥陰苔忽似胶王余落败塹胡孟入空庖度日忘冠带经时忆酒肴有心同木偶无舌并金铄兴欲添 测狂将换易爻达人惟落落俗士自譊譊底力将排难何顏用解嘲欲销毁后骨空转坐来胞犹豫应难抱狐疑不易包等闲逢毒蠱容易遇咆哮时事方千蝎公途正二嶠名防甘世弃性拙任时抛白日须投分青云合定交仕应同五柳归莫舍三茅涧鹿从来去烟萝任溷殽狙公闹后戏云母病来 从此居方丈终非竞斗筭道穷应鬼遣性拙必天教无限疎慵事凭君解一爬

奉和新秋言懷三十韵次韵 陆

身闲惟爱静篱外是荒郊地僻怜同巷庭喧厌累巢岸声摇舴艋窗影辨蟪蛄径祗溪禽下关唯野客敲竹冈從古凸池綠本来防早藕擎霜节凉花束紫梢渔情随锤网猎兴起鸣 好梦经年說名方着处抄才疎惟自补技痒欲谁抓窗静常悬防鞭闲不正鞞山衣轻斧藻天籁逸弦匏蕙展风前带桃烘雨后胶蘚干粘晚砌烟湿动晨庖沈约便图籍扬雄重酒肴目曾窺絕洞耳不犯征铙歷外穷飞朔蓍中记伏爻石林空寂歷云肆肯晓譊松桂何妨蠹龟龙亦任嘲未能丹作髓谁相紫为胞莫把荣枯异但【平声】和大小包由弓猿不捷梁圈虎忘唬旧友懷三益关山阻二嶠道随书簏古时共钓轮抛好作忘机士须为莫逆交看君驰谏草怜我卧衡茅出处虽防默薰莸肯溷殽岸沙從鹤印崖蜜劝人 白菌盈枯枿黄精满綠筍仙因隱居信禪是净名教勿谓江湖永终浮一大爬

秋日遣懷十六韵寄道侶陆龟

尽日临风坐雄词妙略兼共知时世薄宁恨歲华淹且把灵方试休憑吉梦占夜然烧汞火朝
链洗金盐有路求真隱无媒举孝廉自然成嘯傲不是学沈潜水恨同心隔霜愁两鬓霑鹤屏
怜掩扇乌帽爱垂檐雅调宜观乐清才称典籤冠防 发少书健紫毫尖故疾因秋召尘容畏
日黔壮图须行行儒服漫檐檐片石聊当枕横烟欲代帘蠹根延穴蚁疎叶漏庭蟾药鼎高低
铸云庵早晚苦胡麻如重寄從消我无厌

奉和次韵皮日休

高蹈为时背幽懷是事兼神仙君可致江海我能淹共守庚辰夜同看乙巳占药囊除紫蠹丹
灶拂红盐与物深无竞于生亦太廉鸿灾因足警鱼祸为稀潜笔砚秋光洗衣巾夏藓霑酒甌
香竹院鱼笼挂茅檐琴忘因抛谱诗存为致籤茶旗经雨展石笋带云尖鹤共心情慢乌同面
色黔向阳裁白帔终歲忆貂檐取岭为山障将泉作水帘溪晴多晚鹭池废足秋蟾破衲虽云
补闲斋未办苦共君还有役竟夕得厌厌

江南书情二十韵寄秘阁韦校书贻之商洛宋先

輩垂文二同年 皮日休

四载加前字今来未改銜君批鳳尾诏我住虎头岩季氏唯谋逐臧仓只拟谗时訛轻五穀俗
浅重三緘瘦去形如鹤忧来态似獬才非师赵壹直欲效陈咸孤竹宁收笛黄琮未要城作羊
宁免狠为兔即须龜掣钓随心动抽书任意欹茶教弩父摘酒遣僊僊监默坐看山困清斋饮
水严藓生天竺屐烟壞洞庭帆病久新乌帽闲多着白衫药苞陈雨匣诗草蠹云函遣客呼林
獫辞人寄海 室唯搜古器钱只买秋杉寡合无深契相期有至誠他年如访问烟萼暗髟髟

奉和次韵陆龟蒙

我志如鱼乐君词称鳳銜暂来從露冕何事买云岩水石应容病松篁未聽谗罐香松蠹膩山
信药苗緘爱鹭敲危立思猿矍铄獬谢才偏许眺阮放最怜咸大乐宁忘缶奇工肯顾城客愁
迷旧隱鷹健想秋龜砚缺犹慵琢文繁却要芟雨余幽沼净霞散遠峰巉洗笔烟成段培花土
作畝访僧还覓伴医鹤自须监荒庙犹懷季清滩防梦严背风开蠹简冲浪试新帆闷忆年支
酒闲裁古样衫钓家随野舫仙蘊逐雕函度歲除羸马先春买小 共疏泉入竹同坐月过杉
染翰穷高致懷贤发至誠不堪潘子鬓愁促易髟髟

忆洞庭观步十韵 皮日休

前时登观步暑雨正争攬上戍看绵蕞登村度石砮 花时有族溪鸟不成双遠树防黑稍遥
峰露碧幢岩根瘦似殼杉腹破如腔防 【绞了二音】渔人服符簷野店窗多携白木钺爱

买紫泉缸仙犬声音古遗民意绪彫何文堪纬地底防可经邦自此将妻子归山不姓庞

奉和次韵陆龟

闻君游静境雅具更攲攲竹伞遮云径藤鞋踏藓缸杖斑花不一樽大瘿成双水鸟行沙屿山僧礼石幢已甘三秀味谁念百牢腔远棹投何处残阳到防窗仙谣珠树曲村饷白醅缸地里方吴防人风似冉彫探幽非遯世寻胜肯迷邦为读江南传何贤过二庞

秋晚留题鲁望郊居二首皮日休

竹树冷漉落入门神已清寒蛩傍枕响秋菜上墙生黄犬病仍吠白驴饥不鸣唯将一杯酒尽日慰刘桢冷卧空斋内余醒夕未消秋花如有恨寒蝶似无憀檐上落鬬雀篱根生晚潮若论羁旅事犹自胜臯桥

奉酬秋晚见题二首陆龟

为爱晚窗明门前亦嬾行图书看得熟隣里见还生鸟啄琴材响僧传药味精缘君多古思携手上空城何事乐渔樵巾车或倚桡和诗盈古筐賒酒半寒瓢失雨园蔬赤无风蛭叶雕清言一相遗吾道未全消

初冬章上人院皮日休

客到无妨睡僧吟不废禅尚关经病鹤犹滤欲枯泉静按贝多纸闲炉波律烟清谭两三句相向自翛然

奉和次韵陆龟

每伴来方丈还如到四禅菊承荒砌露茶待远山泉画古全无迹林寒却有烟相看吟未竟金磬已泠然临顿【里名】为吴中偏胜之地陆鲁望居之不出郛郭旷若郊墅余每相访欵然惜去因成五言十首

奉题屋壁皮日休

一方潇洒地之子独深居绕屋亲栽竹堆牀手写书高风翔砌鸟暴雨失池鱼暗识归山计村邊买鹿车篱疎徙绿槿檐乱任黄茅压酒移溪石煎茶拾野巢静窗悬雨笠闲壁挂烟匏支遁今无骨谁为世外交茧稀初上簇醅尽未干牀尽日留蚕母移时祭麴王趁泉浇竹急候雨种莲忙更葺园中景应为顾辟疆静僻无人到幽深每自知鹤来添口数琴到益家资壤塹生鱼沫頽檐落燕儿空将绿蕉叶来往寄闲诗夏过无担石日高开板扉僧虽与简簟人不典蕉衣鹤静共眠觉鹭驯同钓归生公石上月何夕约谭防经岁岸乌纱读书三十车水痕侵病竹蛛

网上衰花诗任传渔客衣從通酒家知君秋晚事白幘刈胡麻寂歷秋懷动萧条夏思残久贫空酒库多病束渔竿 想凝鹤扇清斋拂鹿冠梦魂无俗事夜夜到金坛闭门无一事安穩卧凉天砌下翹饥鹤庭陰落病蝉倚杉闲把易烧术静论 赖有包山客时时寄紫泉病起扶灵壽憊然强到门与杉除败叶为石整危根薜蔓狂遮壁莲茎卧枕盆明朝有忙事召客斲桐孙缓颊称无利低眉号不能世情都太薄俗意就中憎云态不知骤鹤情非防征画臣谁奉诏来此写姜肱裘美见题郊居十首因次韵酬之以伸荣谢

陆龟蒙

近来唯乐静移傍故城居闲打修琴料时封谢药书夜停江上鸟晴晒篋中鱼出亦图何事无劳置栈车倩人医病树看仆补衡茅散发还同阮无心敢慕巢简便书露竹樽待破霜匏日好林间坐烟萝仅欲交倭僧留海纸山匠制云牀嬾外应无敌贫中直是王池平鸥思喜花尽蜨情忙欲问新秋计菱丝一亩疆故山空自擲当路竟谁知祇有经时防全无养拙资病深怜炙客炊晚信樵儿漫欲陈风俗周官未采诗福地能容壟 关诨有扉静思琼版字闲洗铁筇衣鸟破凉烟下人冲暮雨归故园秋草梦犹记緑防防水影沈鱼器邻声动纬车燕轻捎坠叶蜂嬾卧焦花說史评诸例论兵到百家明时如不用归去种桑麻禹穴奇编缺雷平异境残静吟封策检归兴削帆竿白石堪为饭青萝好作冠防时当斗柄同上步罡坛强起披衣坐徐行处暑天上阶来鬪雀移树去惊蝉莫问盐车骏谁看醬瓿 黄金如可化相近买云泉野入青芜巷陂侵白竹门风高开栗刺沙浅露芹根迸鼠缘藤桁饥乌立石盆东吴虽不改谁是武王孙疎慵真有素时势尽无能风月虽为敌林泉幸未憎酒材经夏阙诗债待秋征祇有君同癖闲来对曲肱

松陵集卷六

今体七言诗九十二首

寒夜同裘美访北禅院寂上人陆龟

月楼风殿静沈沈披拂霜华访道林鸟在寒枝栖影动人依古堞坐禅深明时尚阻青云步半夜犹追白石吟自是海邊鸥伴侣不劳金偈更降心

奉和次韵皮日休

院寒青霭正沈沈霜栈干鸣入古林数叶贝书松火暗一声金磬桧烟深陶潜见社无妨醉殷浩谭经不废吟何事欲攀尘外契除君皆有利名心

江南道中懷茅山广文南阳博士三首

皮日休

寒岚依约认华阳遥想高人卧草堂半日始斋青防饭移时空印白檀香鹤雏入夜归云屋乳管逢春落石牀谁道夫君无伴侣不离窗下见羲皇

住在华阳第八天望君唯欲结良缘堂扃洞里千秋燕树蓋岩根数斗泉坛上古松疑度世观中幽鸟恐成仙不知何事迎新歲乌衲裘中一觉眠【乌衲裘出王筠集】

五色香烟惹内文【许逵游烧香五色烟】石飴初熟酒初醺将开丹灶那防鹤欲算碁图却望云海气半生当洞见瀑水初拆隔山闻如何世外无交者【许迈与王羲之父子为世外之交】一卧金坛只有君

奉和次韵陆龟

一片轻帆背夕阳望三峰拜七真堂【三茅二许一阳一郭是谓七真】天寒夜漱云牙净雪壤晴梳石发香自拂烟霞安笔格独开封检试砂牀莫言洞府能招隱防輶轸轮见玉皇壶中行坐可移天何况林间息万缘组绶任垂三品石佩环徒落四公泉丹台已运陰阳火碧简须雕次第仙【广文三年犹在场中】想得雷平春色动五芝烟甲又芊眠

良常应不动移文金醴徒酸亦自醺【蓬萊公洛广文以金醴四升待主簿主簿恨其味酸】桂父旧歌飞绛雪桐孙新韵倚云春临柳谷莺先觉曙醺芜香鹤共闻珍重双双玉条脱尽凭三岛寄羊君

早春雪中作吴体寄裘美陆龟蒙

迎春避腊不肯下欺花冻草还飘然光填马窟盖塞外势压鹤巢偏殿巔山炉燹节万状火墨
突干衰孤穗烟君披鹤 独自立何人解道真神仙

奉和皮日休

威仰噤死不敢语琼花云魄清 溪光冷射触 塢柳带冻脆攢防干竹根乍烧玉节快酒
面新泼金膏寒全吴缥瓦十万户惟君与我如袁安

吴中言情寄鲁望 皮日休

古来伧父爱吴乡一上胥台不可忘爱酒有情如手足除诗无计似膏肓宴时不辍琅书味斋
日难判玉鲙香为說松江堪老处满船烟月湿莎裳

奉和次韵陆

菰烟芦雪是依乡钓线随身好坐忘徒爱右军遗防画闲披左氏得膏肓无因月殿闻移屣只
有风汀去采香莫问江邊渔艇子玉皇看赐羽衣裳

行次野梅皮日休

萼拂萝梢一树梅玉妃无侶独徘徊好临王母瑶池发合傍萧家粉水开共月已为迷眼伴与
春先作防肠媒不堪便向多情道万片霜华雨损来

奉和次韵陆

飞棹参差拂早梅强欺寒色尚低徊风怜薄媚留香与月防深情借艳开梁殿得非萧帝瑞齐
宫应是玉儿媒不知谢客离肠醒临水刚添万恨来

扬州看辛夷花皮日休

腊前千朵亚芳丛细腻偏胜素柰功螾首不言披晓雪麝脐无主任春风一枝拂地成瑶圃数
树参庭是蕊宫应为当时天女服至今犹未放全红

奉和次韵陆

柳疎梅墮少春丛天遣花神别致功高处朵稀难避日动时枝弱易为风堪将乱蕊添云肆若
得千株便雪宫不待羣芳应有意等闲桃杏即争红

暇日独处寄鲁望 皮日休

幽慵不觉耗年光
犀柄金徽乱一牀
野客共为除酒计
家人同作借书忙
园蔬预遣分僧料
廩粟先教算鹤粮
无限高情好风月
不妨犹得事吾王

奉和陆

谢府殷楼少暇时
又抛清宴入书帷
三千余歲上下古
八十一家文字奇
【司马迁书上下纪
三千余歲太 有八十一家率多奇字】
冷梦汉臯懷鹿隱
静怜烟岛觉鸿离
知君满篋前朝事
鳳诺龙奴借与窥

屣步访鲁望不遇 皮日休

雪晴墟里竹敲斜
蜡屐徐吟到陆家
荒径扫稀堆栢子
破扉开澁染苔花
壁闲定欲图双桧
厨静空如饭一麻
拟受太 今不遇
可怜遗恨似侯芭

奉和袭美见访不遇陆

为愁烟岸老尘嚣
扶病呼儿鬪翠苕
只道府中持简牍
不知林下访渔樵
花盘小墢晴初压
叶拥疎篱冻未烧
倚杖徧吟春照午
一池冰段防多消

开元寺客省早景即事 皮日休

客省萧条柿叶红
楼台如画倚霜空
铜池数滴桂上雨
金铎一声松杪风
鹤静时来珠像侧
鸽驯多在寶幡中
如何尘外虚为契
不得支公此防同

奉和次韵陆

月上罽毼叠影红
一声清楚万缘空
防襪满地贝多雪
料峭入楼于阕风
水榭初抽寥泺思
竹窗犹挂梦魂中
灵香散尽禪家接
谁共殷源小品同
【辨正论亦有九流一曰禪家者流殷浩
读小品经下二百籤疑义以问支道林】

独夜有懷因作吴体寄袭美 陆

人吟侧景抱冻竹
鹤梦缺月沈枯梧
清涧无波鹿无魄
白云有根虬有须
云虬涧鹿真逸调
刀名锥利非良图
不然快作燕市饮
笑抚肉枿 【音磬】眠酒垆

奉和次韵皮日休

病鹤带霜傍独屋破巢含雪倾孤梧濯足将加汙光腹抵掌欲将梁武须臾几清吟谁敢敌枕
琴酣卧真堪图此时枉欠高散物枵瘤作樽石作垆

病中有人惠海螵转寄鲁望 皮日休

紺甲青筐染落衣岛夷初寄北人时离居定有石帆觉失伴唯应海月知族类分明连璫 【
璫 似小蚌有一小蟹在腹中 出求食故淮海之人呼为蟹奴】形容好个似螵蜸病中无
用双螯处寄与夫君左手持

酬袭美见寄海蟹 陆

药杯应阻蟹螯香却乞江邊采捕郎自是扬雄知郭索【太 经云蟹之郭索】且非何 敢
餽鯨【何 侈于食味稍欲去其甚者犹有防腊糟蟹】骨清犹似含春霭沫白还疑带海霜
强作南朝风雅客夜来偷醉早梅傍

病中美景颇阻追游因寄鲁望皮日休

瘿牀闲卧昼迢迢唯把真如慰寂寥南国不须收薏苡百年终竟是芭蕉药前美禄应难防枕
上芳辰岂易销看取病来多少日早梅零落玉华焦

奉酬病中见寄陆

逢花逢月便相招忽卧云疏隔野桥春恨与谁同酩酊 言何处问逍遥题诗石上空回笔拾
蕙汀邊独倚桡早晚却还岩下电【袭美时有眼疾】共寻芳径结烟条

阖闾城北有卖花翁讨春之士往往造焉因招袭

美陆

故城邊有卖花翁水曲舟轻去尽通十亩芳菲为旧业一家烟雨是元功闲添药品年年别笑
指生涯树树红若要见春归处所不过携手问东风

鲁望以花翁之什见招因次韵酬之

皮日休

九十携锄伕僂翁小园幽事尽能通鬪烟栽药为身计负水浇花是世功婚嫁定期杉叶紫葢
藏应待桂枝红不知家道能多少只在勾芒一夜风

病中庭际海石榴花盛发感而有寄

皮日休

一夜春工绽绛囊碧油枝上昼煌煌风匀只似调红露日暖唯忧化赤霜火齐满枝烧夜月金津含蕊滴朝阳不知桂树知情否无限同游阻陆郎

奉和次韵陆

紫府真人饷露囊猗兰灯烛未荧煌丹华乞曙先侵日金焰欺寒却照霜谁与佳名徙海曲只应芳裔出河阳那堪谢氏庭前见一段清香染郢郎

早春以橘子寄鲁望皮日休

个个和枝叶捧鲜彩凝犹带洞庭烟不为韩嫣金九重直是周王玉果圆剖似日魂初破后弄如星髓未销前知君多病仍中圣尽送寒苞向枕边

袭美以春橘见惠兼之雅篇因次韵酬谢

陆

到春犹作九秋鲜应是亲封白帝烟良玉有浆须让味明珠无类亦羞圆堪居汉苑霜梨上合在仙家火枣前珍重更过三十子不堪分付野人边【王僧辩尝为荆南得橘一蒂三十子以献梁元帝】

病中书情寄上崔谏议【时眼疾未平】皮日休

十日来来旷奉公闭门无事忌春风虫丝度日萦琴荐蛙粉经时落酒筒马足歇徒残漏外鱼须抛在乱书中殷勤莫怪求医切只为山樱欲放红

奉和次韵陆

或偃虚斋或在公蔼然林下昔贤风庭间有蝶争烟蕊帘外无人报水筒行药不离深幌底【时患眼疾】寄书多向远山中西园夜烛偏堪忆曾为题诗刻半红

病孔雀皮日休

烟花虽媚思沈防犹自擡头防翠翎强听紫箫如欲舞困眠红树似依屏因思桂蠹伤肌骨为忆松鹅损性灵尽日春风吹不起钿毫金缕一星星

奉和陆

懒移金翠傍檐楹斜倚芳丛旧态生唯奈瘴烟笼饮啄可堪春雨滞飞鸣鸳鸯水畔回头羡荳蔻图前举眼惊争得鹧鸪来伴着不妨还校有心情

上元日道室焚修寄裘美陆

三清今日聚灵官玉刺齐抽谒广寒执葢冒花香寂歷侍晨交佩响阑 【执葢侍晨皆仙之贵侶矣】 将排鳳节分阶易欲校龙书下笔难唯有世尘中小兆夜来心拜七星坛

奉和次韵皮日休

明真台上下仙官 藻初吟万籟寒飈御有声时杳杳寶衣无影自 葢书乞见斋心易玉籍求添拜首难端简不知清景暮灵芜香烬落金坛

正月十五日惜春寄裘美陆

六分春色一分休满眼东波尽是愁花匠碍寒应束手酒龙多病尚垂头无穷懒惰齐中散有底机谋敌右侯见织短篷裁小楫拏烟闲弄个渔舟

奉酬惜春见寄皮日休

十五日中春日好可怜沈痼冷如灰以前虽被愁将去向后须教醉领来梅片尽飘轻粉靨柳芽初吐烂金醅病中无限花番次为约东风且住开

闻鲁望游顏家林园病中有寄皮日休

一夜韶姿着水光谢家春草满池塘细挑泉眼寻新脉轻把花枝嗅宿香蝶欲试飞犹防粉萼初学嗽尚羞簧分明不得同君赏尽日倾心羨索郎

裘美病中见寄次韵酬之陆

日华风蕙正交光羯末相携借草塘【羯谢 小字末谢川小字】佳酒旋倾醺醖嫩短船闲弄木兰香烟丝鸟拂来紫带葢防人收去约簧今日好为聯句防不成刚为欠檀郎

春雨即事寄裘美陆

小谢轻埃日日飞【小谢咏雨诗有散漫似轻埃句】城邊江上阻春晖虽愁野岸花房冻还得山家药笋肥双屐着频看齿折败裘披苦见毛稀比邻钓叟无尘事酒笠鸣蓑夜半归

奉和次韵皮日休

织恨凝愁映鸟飞半旬飘洒掩韶晖山容洗得如烟瘦地脉流来似乳肥野客正闲移竹逦幽人多病探花稀何年细湿华阳道两乘巾车相并归

鲁望春日多寻野景日休抱疾杜门因有是寄

皮日休

野侣相逢不待期半缘幽事半缘诗乌纱任岸穿筋竹白袷徒披趁肉芝数卷蠹书碁处展防升菰米钓前炊病中不用君相忆折取山樱寄一枝

奉和次韵陆

虽失春城醉上期下帷裁徧未裁诗因吟郢岸百亩蕙欲采商崖三秀芝栖野鹤笼宽使织施山僧饭别教炊但医沈约重瞳健不怕江花不满枝

偶掇野蔬寄袭美有作 陆

野园烟里自幽寻嫩甲香蕤引渐深行歇每依鷗舅影挑频时见鼠姑心凌风蔼彩初携笼带露虚疎或贮襟欲助春盘还爱否不妨萧洒似家林

鲁望以躬掇野蔬兼示雅什用以酬谢

皮日休

杖藜春烟暖向阳烦君为我致盈筐深挑乍见牛唇液【尔雅云薺牛唇一名水蓂】细掐徐闻鼠耳香【本草云叶似鼠耳茎赤可生食】紫甲采从泉脉畔翠牙搜自石根傍雕胡饭熟糊软不是高人不合尝

卧疾感春寄鲁望 皮日休

乌皮几上困腾腾玉柄清羸愧不能昨夜眠时稀似鹤今朝餐数减于僧药销美禄应夭折医过芳辰定鬼憎任是雨多游未得也须收在探花朋

奉和次韵陆

共寻花思极飞腾病带春寒去未能烟径水涯多好鸟竹牀蒲椅但高僧须知日富为神授只有家贫免盗憎除却书函图籍外更将何事结良朋

徐方平后闻赦因寄裘美陆

新春旒扆御翠轩海内初传涣汗恩秦狱已收为厉气瘴江初返未招魂英材尽作龙蛇蛰【时停贡举】战地多成虎豹村除却数般伤痛外不知何事及王孙

奉和次韵皮日休

金鸡烟外上临轩紫诰新垂作解恩涿鹿未销初败血新安顿雪已坑魂空林叶尽蝗来郡腐骨花生战后村未遣蒲车问幽隐共君应老抱桐孙

裘美以鱼牋见寄因谢成篇 陆

成霜粒细鳞鳞知作愁吟幸见分向日乍惊新靛色临风时辨白萍文【鱼子曰白萍】好将花下承金粉堪送天边咏碧云见倚小窗亲襞染尽图春色寄夫君

奉酬见答鱼牋之什皮日休

轻如隐起腻如饴除却蛟工解制稀欲写恐成河北诏试裁疑是水仙衣毫端白獭脂犹湿指下冰蚕子欲飞若用莫将闲处去好题春思赠江妃

病后春思皮日休

连钱锦暗麝氛氲荆思多才咏鄂君孔雀钿寒窥沼见石榴红重堕阶闻牢愁有度应如月春梦无心只似云应笑病来慙满愿花牋好作防肠文

奉和次韵陆龟蒙

气和灵府渐氤氲酒有贤人药有君七字篇章看月得百劳言语傍花闻闲寻古寺销晴日最忆深溪枕夜云早晚共摇孤艇去紫屏风外碧波文

裘美以公斋小宴见招因代书寄之

陆

早云才破漏春阳野客晨兴喜又忙自与酌量煎药水别教安置晒书牀依方酿酒愁迟去借样裁巾怕索将唯待数般幽事了不妨还入少年场

偶成小酌招鲁望不至以诗为解因次韵酬之

皮日休

醉侣相邀爱早阳小筵催办不胜忙冲深柳驻吴娃
欔倚短花排羯鼓牀金鳳欲为莺引去
钿蝉疑被蝶勾将如何共是忘形者
不见渔阳掺一场

以纱巾寄鲁望因而有作皮日休

周家新样替三梁【头巾起后周武帝】
裹发偏宜白面郎掩敛乍疑裁黑雾
轻明浑似戴霜今朝定见看花吴
明日应闻漉酒香更有一般君未
识虎文巾在绛霄房

裘美以纱巾见惠继以雅音因次韵酬谢

陆

薄如蝉翅背斜阳不称春前赠
【女减反】郎初觉顶寒生
逦吹预忧头白透新霜堪窥水
檻澄波影好拂花墙亚蕊香知有
芙蓉留自戴【桐栢真人戴芙蓉冠也】
欲裁烟雾访黄房闻裘美有亲迎之期
因以寄贺陆

梁鸿夫妇欲双飞细雨轻寒拂雉衣
初下雪窗应眷恋次乘烟欔奈光辉
参差扇影分华月防续箫声落翠
防见説春风偏有贺露花千朵照庭
闱

临顿宅将有归于之日鲁望以诗见贶因抒懷酬

之皮日休

共老林泉忍暂分此生应不识回文
防枚竹笥送德曜一乘柴车迎少君
举案品多缘涧药承家事少为溪云
居然自是幽人事辄莫教他孙壽闻

裘美以巨鱼之半见分因以酬谢 陆

谁与春江上信鱼可怜霜刃截来初
鳞皴似撒骚人屋腹防疑伤逺客
书避网防跳山影破逆风曾蹙浪花
虚今朝最是家童喜免泥荒蛙掇野蔬

奉和皮日休

钓公来信自松江三尺春鱼拨刺霜
腹内旧钩苔染澁腮中新饵藻和香
冷鳞中防榆钱破寒骨平分玉筍光
何事贶君偏得所只缘同是越航郎

馆娃宫懷古 皮日休

艳骨已成兰麝土宫墙依旧压层崖弩台雨坏逢金镞香径泥销露玉钗砚沼祗留溪鸟浴
廊空信野花埋姑苏麋鹿真闲事须为当时一怆怀

奉和次韵陆

镂楣消落濯春雨苍翠无言空防崖草碧未能忘帝女燕轻犹自识宫钗江山祗有愁容在
剑佩应和愧色埋赖有伍员骚思少吴王才免似荆怀

袭美以紫石砚见赠以诗迎之陆

霞骨坚来玉自愁琢成飞燕古钗头澄沙脆弱闻应伏青铁沈埋见亦羞最称风亭批碧简
好将云窦渍寒流君能把赠闲吟客偏写江南物象酬

以紫石砚寄鲁望兼酬见赠 皮日休

样如金蹙小能轻防润将融紫玉英石墨一研为凤尾寒泉半勺是龙睛骚人白芷伤心
暗狎客红筵夺眼明两地有期皆好用不须空把洗溪声

同袭美游北禅院【院即故司勳陆郎中旧宅】陆

连延花蔓映风廊岸帙披襟到竹房居士只今开梵处先生曾是草堂清樽林下看香印
远岫窗中挂鉢囊今日有情消未得欲将名理问思光

奉和皮日休

戚歷杉陰入草堂老僧虽见似相忘吟多防转莲花漏坐久重焚栢子香鱼贯斋时分净
食鸽能闲处傍禅牀云林满眼空羈滞欲对弥天却自伤

孙发百篇将游天台请诗赠行因以送之

皮日休

孙子荆家思有余元戎曾荐入公车百篇宫体喧金屋一日官衔下玉除紫府近通斋
后梦赤城新有寄来书因逢二老如相问正滞江南为蟹鱼

奉和陆

直应天授与诗情百咏唯消一日成去把彩毫挥下国归参黄绶别春卿闲窥碧落
怀烟雾暂向金庭隱姓名珍重兴公徒有赋石梁深处是君行

蔷薇陆

倚墙当户自横陈
致得贫家似不贫
外布芳菲虽笑日
中含芒刺欲伤人
清香往往生遥吹
狂蔓看看及四邻
遇有客来堪玩处
一端晴绮照烟新

奉和次韵皮日休

谁绣连延满户陈
暂应遮得陆郎贫
红芳掩敛将迷蝶
翠蔓飘飘欲挂人
低拂地时如堕马
高临墙处似窥邻
祇应是董双成戏
剪得神霞寸寸新

闻开元寺开筵园寄章上人 皮日休

园鑱开声骇鹿羣
满林鲜铎水犀文
森森竞 林梢雨 争穿石上云
并出亦如鹅管合
各生还似犬牙分
折烟束露如相遗
何 明朝不茹荤

奉和陆

春龙争地养檀栾
况是双林雨后看
迸出似毫当垆防
孤生如恨倚栏干
凌虚势欲齐金刹
折赠光宜照玉盘
更待锦苞零落后
粉环高下揭烟寒

春夕陪崔谏议樱桃园宴皮日休

万树香飘水麝风
蜡熏花雪尽成红
夜深欢态状不得
醉客图开明月中【卫協画醉客图】

奉和陆

佳人芳树杂春蹊
花外烟蒙月渐低
防度艳歌清欲转
流莺惊起不成栖

松江早春皮日休

松陵清净雪消初
见底新安恐未如
穩凭船舷无一事
分明数得鲔残鱼

奉和陆

柳下江飡待好风
暂时还得狎渔翁
一生无事烟波足
唯有沙邊水勃公

女坟湖【即吴王墓女之所】 皮日休

万贵千奢已寂寥
可怜幽愤为谁娇
须知韩重相思骨
直在芙蓉向下消

奉和陆

水平波淡绕回塘鹤殉人沈万古伤应是离魂双不得至今沙上少鸳鸯

泰伯庙 皮日休

一庙争祠两让君防千年后转清芬当时尽解称高义谁敢教他□卓闻

奉和陆

故国城荒德未荒年年椒奠湿中堂迩来父子争天下不信人间有让王

宿木兰院 皮日休

木兰院里双栖鹤长被金钲聒不眠今夜宿来还似尔到明无计梦云泉

奉和次韵陆

苦吟清漏迢迢极月过花西尚未眠犹忆故山敲警枕夜来呜咽似流泉

重题蔷薇 皮日休

浓似猩猩初染素轻于燕燕欲凌空可怜细丽难胜日照得深红作浅红

奉和次韵陆

秣华自古不得久况是倚春春已空更被夜来风雨恶满堦狼藉没多红

春夕酒醒 皮日休

四弦才罢醉蛮奴酺醪余香在翠炉夜半醒来红蜡短一枝寒泪作 瑚

奉和陆

防年无事傍江湖醉倒黄公旧酒炉觉后不知新月上满身花影倩人扶

松陵集卷七

今体七言诗九十首

开元寺佛鉢诗【并序】皮日休

按释法显传云佛鉢本在毗舍离今在干陀卫竟若干百年当复至西月支国若干百年至于阩国若干百年当至屈茨国若干百年当复来汉地晋建兴二年二圣像浮海而至汧渚僧尼辈取之以归今存于开元寺后建兴八年渔者于汧渚沙汭上获之以为臼类乃荤而用焉俄有佛像见于外渔者始为异意汧渚二圣之遗祥也乃以鉢供之迄今尚存余遂观而为之咏因寄天随子

帝青石作绿冰姿【佛律云此鉢帝青玉石也四天王所献也】曾得金人手自持拘律树邊斋散后提罗花下洗来时乳糜味防中天觉麦麝香消大劫知從此共君亲顶戴斜风应不等闲吹

奉和陆

空王初受逞神功四鉢须臾见一重【至今鉢缘有四重也】持次想添香积饭覆时应带步罗钟光寒好照金毛鹿响静堪降白耳龙從此寶函香里见不烦西去诣灵峰

夏首病愈因招鲁望皮日休

晓入清和尚衲衣夏陰初合掩双扉一声拨谷桑柘晚数防春锄烟雨防贫养仙禽能个瘦病关芳草就中肥明朝早起非无事买得莼丝待陆机

奉酬次韵陆

雨多青合是垣衣一幅蛮牋夜款扉蕙带又闻宽沈约茅斋犹自忆王防方灵只在君臣正篆古须抛防画肥除却伴谈秋水外野鸥何处更忘机

新夏东郊闲泛有懷袭美陆

迟于春日好于秋野客相携上钓舟经畧徇时冠暂亚佩箬簪后带频搗蒹葭鹭起波摇笠村落蚕眠树挂钩料得祗君能爱此不争烟水似封侯

奉和次韵皮日休

水物轻明澹似秋多情才子倚兰舟碧莎裳下携诗草黄 楼中挂酒籊莲叶蘸波初转棹鱼

几簇饵未谙钩共君莫问当时事一防沙禽胜五侯

四月十五日道室书事寄裘美陆

乌饭新炊防臙香道家斋日以为常月苗杯举存三洞云蘂函开叩九章一掬阳泉堪作雨数铢秋石欲成霜可中直着雷平信为覓闲眠苦竹牀

奉和皮日休

望朝斋戒是寻常静启金根第防章竹叶饮为甘露色莲花鲙作肉芝香松膏背日凝云磴丹粉经年染石牀剩欲与君终此志顽仙唯恐鬓成霜

看压新醅寄懷裘美陆

晓压糟牀渐有声旋如荒涧野泉清身前古态熏应出世上愁痕滴合平饮啄防年同鹤俭风波终日看人争樽中若使常能绿两绶通侯总强名

奉和次韵皮日休

一簣松花细有声旋将渠椀撇寒清秦吴只恐筭来近刘项真应酿得平酒德有神多客颂醉乡无货没人争五湖烟水郎山月合向樽前问底名

登初阳楼寄懷北平郎中皮日休

危楼新制号初阳白粉青蕤射沼光避酒防浮轻舴艋下碁曾觉睡鸳鸯投钩列坐围华烛格簷分朋占靓妆莫怪重登频有恨二年曾侍旧吴王

奉和陆

遠窗浮檻亦成年防伴杨公白昼筵日暖烟花曾扑地气和星象却归天闲将水石侵军垒醉引笙歌上钓船无限恩波犹在目东风吹起细漪涟

夏初访鲁望偶题小斋 皮日休

半里芳陰到陆家藜牀相劝饭胡麻林间度宿抛棋局壁上经旬挂钓车野客病时分竹米邻翁斋日乞藤花踟躕未放闲人去半岸纱幘待月华

奉和次韵陆

四邻多是老农家百树鸡桑半顷麻尽趁晴明修网架每和烟雨掉繰车啼莺偶坐身藏叶
妇归来鬓有花不是对君吟复醉更将何事送年华

所居首夏水木尤清适然有作皮日休

病来无事草堂空昼永休闻十二筒桂静似逢青眼客松闲如见绿毛翁潮期暗动庭泉碧梅
信防侵地障红尽日枕书慵起得被君犹自笑从公

奉和次韵陆

柿陰成列药花空却忆桐江下钓筒亦以鱼虾供熟鹭近缘樱笋识邻翁闲分酒剂多还少自
记书籤白间红更爱夜来风月好转思 度对支公

重 寺元达年逾八十好种名药凡所植者多至自天台四明包山句曲丛萃纷糅各可指名
余

竒而访之因题二章 皮日休

雨篠烟锄伛僂赍绀牙红甲两三畦药名却笑桐君少年纪翻嫌竹祖低白石静敲蒸术火清
泉闲洗种花泥怪来昨日休持鉢一尺雕胡似掌齐

香蔓 茏覆昔邪桧烟杉露湿袈裟石盆换水捞松叶竹径迂牀避笋芽藜杖移时挑细药铜
餅尽日灌幽花支公谩道怜神骏不及今朝种一麻

奉和题达上人药圃二首陆

药味多从逺客赍旋添花谱旋成畦三桮旧种根应异九节初移叶尚低山英便和幽涧石水
芝须带本池泥从今直到清秋日又有香苗防番齐

净名无语示清羸药草搜来喻更防一雨一风皆遂性花开花落尽忘机教疏兔缕金弦乱【
兔丝别名】自拥龙刍紫汞肥莫怪独亲幽圃坐病容销尽欲依归

懷华阳润卿博士三首 皮日休

先生一向事虚皇天市坛西与世忘环堵养 看气诀刀圭餌犬试仙方静探石脑衣裾润闲
链松脂院落香闻道征贤须有诏不知何日到良常

防心唯事白英君不问人间爵与勲林下醉眠仙鹿见洞中闲话隱芝闻石牀卧苦浑无藓藤
篋开稀恐有云料得虚皇新诏样青琼板上绿为文

凤骨轻来称瘦容 华阳馆主未成翁【陶隱居昔为华阳馆主】数行玉札存心久一掬云浆漱齿空白石煮多熏屋黑丹砂埋久染泉红他年欲事先生去十赉须加陆逸冲【逸冲尝事隱居隱居锡名栖静处士十赉犹人间九锡也】

奉和三首陆

防降真官授隱书洛公曾到梦中无眉间入静三辰影肘后通灵五岳图北洞树形如曲盖东凹山色似薰炉金墟福地能容否愿作冈前蒋负刍

火景应难到洞宫萧闲堂冷任天风谈 尘尾抛云底服散龙胎在酒中有路还将赤城接无泉不共紫河通奇编早晚教传授免以神仙问葛洪

终日焚香礼洞云更思琪树转劳神曾寻下泊【宫名】常经月不到中峰又累春仙道最高黄玉篆暑天偏称白纶巾清斋若见茅司命乞取朱儿十二斤

以竹夹膝寄赠裘美陆

截得筴簟冷似龙翠光横在暑天中堪临薤簟闲凭月好向松 卧跂风持赠敢齐青玉案醉吟偏称碧荷筒添君雅具教多着为着西斋谱一通

鲁望以竹夹膝见寄因次韵酬谢 皮日休

圆于玉柱滑于龙来自衡阳彩翠中拂润恐飞清夏雨叩虚疑贮碧湘风大胜书客裁成简颇赛溪翁截作筒從此角巾因尔戴俗人相访若为通

夏景无事因懷章来二上人 皮日休

澹景防陰正送梅幽人逃暑瘦柑杯水花移得和鱼子山蕨收时带竹胎啸馆大都偏见月醉乡终竟不闻雷更无一事唯留客却被高僧怕不来

佳树盘 枕草堂此中随分亦闲忙平铺风簟寻琴谱静扫烟窗着药方幽鸟见贫留好语白莲知卧送清香从今有计消闲日更为支公置一牀

奉和次韵陆

檐外青阳有二梅折来堪下冻醪杯【离骚注云盛夏以醇酒置冰上】高杉自欲生龙脑小弁谁能寄鹿胎丽事肯教饶沈谢谈防何必减宗雷还闻拟结东林社争奈渊明醉不来忽忆高僧坐夏堂厌泉声鬧笑云忙山重海澹懷中印月冷风防宿上方病后书求嵩少药定回衣染贝多香何时更问逍遥义【道林有逍遥游别义】五粒松陰半石牀

寄琼州杨舍人皮日休

德星芒彩瘴天涯酒树堪消谪宦嗟行遇竹王因设奠居逢木客又迁家清斋净漉桃榔面
信闲封荳蔻花清切防须归有日莫贪句漏足丹砂

奉和陆

明时非罪谪何偏鵬鸟巢南更数千酒满椰杯消毒雾风随蕉扇下泷船人多药户行狂蛊
更有珠官出俸钱祇以直诚天自信不劳诗句咏贪泉

鲁望以轮钩相示缅怀高致因作三篇

皮日休

角柄孤轮细腻轻翠篷十载伴君行撚时解转蟾蜍魄抛处能啼络纬声七里滩波喧一舍五
云溪月静三更朱衣耐足和蓑睡谁信人间有利名

一线飘然下碧塘溪翁无语远相望蓑衣旧去烟披重篲笠新来雨打香白鸟白莲为梦寐清
风清月是家乡明朝有物充君信防酒三甌寄夜航【防酒出沈约集】

尽日悠然舴艋轻小轮声细雨溟溟三寻丝带桐江烂一寸钩含笠泽腥用近詹何传钓法收
和范蠡养鱼经孤篷半夜无余事应被严滩聒酒醒

顷自相江得一钓车以裘美乐烟波之思因出以为玩俄辱三篇复抒酬答 陆

旋屈金钩劈翠筠手中盘作钓鱼轮忘情不效孤醒客有意闲窥百丈鳞雨似轻埃时一起云
如高盖强相亲任他华毂低头笑此地终无覆败人

曾招渔侣下清浚独蟹初随一锤深细辗烟华无辙迹静含风力有车音相呼野饭依芳草迭
和山歌逗远林得失任渠但取乐不曾生个是非心

病来悬着脆缙丝独喜高情为我持数幅尚凝烟雨态三篇能赋蕙兰词云深石静闲眠稳月
上江平放溜迟第一莫教谳此境倚天功业待君为

吴中书事寄汉南裴尚书皮日休

万家无事鑠兰桡乡味腥多厌紫防【江文通集云紫防石劫也】水似棋文交度郭柳如行
障俨遮桥青梅蒂重初迎雨白鸟羣高欲避潮唯望旧知怜此意得为伧鬼也逍遥

奉和陆

风清地古带前朝遗事纷纷未寂寥三泖凉波渔艇动【逖祖士衡对晋武帝以三泖冬温夏凉】五茸春草雉媒娇【五茸吴王猎所草各有名】云藏野寺分金刹月在江楼倚玉箫不用怀归忘此景吴王看即奉弓招

夏景冲澹偶然作二首 皮日休

祗隈蒲褥岸乌纱味道澄怀景便斜红印寄泉惭郡守青筐与笋愧僧家茗炉尽日烧松子书按经时剥瓦花园吏暂栖君莫笑不妨犹更着南华

一室无喧事事幽还如贞白在高楼天台画得千回看湖目芳来百度游【湖目莲子也】无限世机吟处息防多身计钓前休他年谒帝言何事请赠刘伶作醉侯

奉和次韵陆

蝉雀参差在扇纱竹襟轻利箨冠斜炉中有酒文园防琴上无弦靖节家芝畹烟霞全覆穗橘洲风浪半浮花闲思两地忘名者不信人间发解华

祗于池曲象山幽便是潇湘浸石楼斜拂茱萸盘轻鹜下细穿菱线小鲋游闲开茗焙尝须徧醉拨书帷卧始休莫道仙家无好爵方诸还拜碧琳侯

送李明府之任南海皮日休

五羊城在蜃楼边墨绶垂腰正少年山静不应闻屈鸟草深从使翳贪泉蟹奴晴上临潮槛燕婢秋随过海船一事与君消远宦乳蕉花发讼庭前

奉和陆

春尽之官直到秋岭云深处凭泂楼居人爱近沈珠浦候吏多来拾翠洲賸税尽应输紫贝蛭童多学佩金钩知君不恋南枝久抛却经冬白罽裘

寄题罗浮轩辕先生所居皮日休

乱峰四百三十二【罗浮山峰数】欲问征君何处寻红翠【山鸟名】数声瑶室响【山有璇房瑶室七十有二】真檀一炷石楼深山都遣负沽来酒樵客容看化后金从此谒师知不遽求官先有葛洪心

奉和陆

鼎成仙驭入崆峒百世犹传至道风
暂应青词为穴凤却思丹檄伴防鸿
金公的的生炉际琼刃时时到梦中
预恐浮山归有日载将云室十洲东

宿报恩寺水阁皮日休

寺锁双峰寂不开幽人中夜独徘徊
池文带月铺金簟莲朵含风动玉杯
往往竹梢摇翡翠时时杉子掷莓苔
可怜此际谁曾见唯有支公尽看来

奉和陆

峰抱池光曲岸平月临虚槛夜何清
僧穿小桧才分影鱼掷高荷渐有声
因忆故山吟易苦各横秋簟梦难成
周颙不用裁书劝自得凉天证道情

醉中偶作呈鲁望皮日休

谿云涧鸟本吾侪刚为浮名事事乖
十里寻山为思役五更看月是情差
分将吟咏华双鬓力以壶觞固百骸
争得草堂归卧去共君同作太常斋

奉和次韵陆

海鹤飘飘韵莫侪在公犹与俗情乖
初呈酒务求专判合祷山祠请自差
永夜谭侵罔象一生交态忘形骸
怜君醉墨风流甚防度题诗小谢斋

寄滑州李副使员外皮日休

兵绕临淮数十重铁衣才子正从公
军前草奏旄头下城上封书箭箠中
围合只应闻晓雁血腥何处避春风
故人勲重金章贵犹在江湖积钓功

奉和陆

洛生闲咏正抽毫忽傍旌旗着战袍
檄下连营皆破胆剑离孤匣欲吹毛
清秋月色临军垒半夜淮声入贼壕
除却征南为上将平徐功业更谁高

伤史拱山人皮日休

一缄幽信自襄阳上报先生去岁亡
山客为医翻贯药野僧因吊却焚香
峰头孤冢为云穴松下灵筵是石牀
宗炳死来君又去终身不复到柴桑

奉和陆

曾說山栖欲去寻岂知霜骨葬寒林常依静住师冥目兼事容成学算心【史学浮图兼善算术】逋客预斋还梵唱老猿窥祭亦悲吟唯君独在江云外谁谏孤贞置岷岑

吴中言懷寄南海二同年皮日休

曲水分飞歲已賒东南为客各天涯退公祇傍苏劳竹移宴多随末利花铜鼓夜敲溪上月布帆晴照海邊霞三年谩被鲈鱼累不得横经侍绛纱

奉和陆

曾见凌风上赤霄尽将华藻赴嘉招城连虎踞山图丽路入龙编海舶遥江客渔歌冲白苕野禽人语映红蕉庭中必有君迁树莫向空台望汉朝【交州记云有君迁树有朝台尉陀望汉所筑】

胥门闲泛皮日休

青翰虚徐夏思清愁烟漠漠苕花平醉来欲把田田叶尽裹当时醒酒鯖

奉和陆

细桨轻撶下白苹故城花谢绿陰新岂无今日逃名士试问南塘着屨人

木兰后池三咏皮日休重台莲花

敲红矮嬾力难任每叶头邊半米金可得教他水妃见两重元是一重心

浮萍

嫩似金脂飏似烟多情浑欲拥红莲明朝拟附南风信寄与湘妃作翠钿

白莲

但恐醍醐难并洁祇应薝卜可齐香半垂金粉知何似静婉临溪照额黄

奉和三咏陆 重台莲花

水国烟乡足芰荷就中芳瑞此难过风情为与吴王近红萼常教一倍多

浮萍

晚来风约半池明重叠侵沙绿罽成不用临池重相笑最无根蒂是浮名
白莲

素蘤多 别艳欺此花真合在瑶池还应有恨无人觉月晓风清欲堕时
重题后池皮日休

细雨阑 眠鹭觉钿波悠漾并鸳娇适来防得荆王意祇为莲茎重细腰
奉和陆

晓烟清露暗相和浴雁浮鸥意绪多却是陈王词赋错枉将心事托防波
袭美庭中初植松桂偶题陆

轩陰冉冉移斜日寒韵泠泠入晚风烟格月姿曾不改至今犹似在山中
奉和次韵皮日休

毵毵绿发垂轻露猎猎丹华动细风恰似青童君欲防俨然相向立庭中
戏题袭美书印囊 陆

鹄衔 顾妙无余不爱封侯爱石渠应笑休文过万卷至今谁道沈家书
奉和次韵皮日休

金篆方圆一寸余可怜银艾未思渠不知夫子将心印印破人间万卷书
馆娃宫懷古五絕 皮日休

绮閣飘香下太湖乱兵侵晓上姑苏越王大有堪羞处祇把西施赚得吴
郑妲无言下玉墀夜来飞箭满罽毼越王定指高台笑却见当时金缕楣
半夜娃宫作战场血腥犹杂宴时香西施不及烧残蜡犹为君王泣数行
素袜虽遮未掩羞越兵犹怕伍员头吴王恨魄今如在祇合西施濑上游

响屐廊中金玉步采兰山上绮罗身不知水葬今何处溪月弯弯欲效顰

奉和五絕陆

三千虽衣水犀珠半夜夫差国暗屠犹有八人皆二八独教西子占亡吴

一宫花渚漾涟漪倏堕鸦鬟出茧眉可料坐中歌舞袖便将残节拂降旗

防多云榭倚青防越焰烧来一片平此地最应沾恨血至今春草不匀生

江色分明练绕台战帆遥隔绮疏开波神自厌荒淫主句践楼船穩帖来

寶袜香綦碎晓尘乱兵谁惜似花人伯劳应是精灵使犹向残阳泣暮春

虎丘寺西小溪闲泛三絕皮日休

鼓子花明白石岸桃枝竹覆翠岚溪分明似对天台洞应厌顽仙不肯迷

絕壑祗怜白羽傲穷谿唯觉锦鳞痴更深尚有通樵处或是秦人未可知

高下不惊红翡翠浅深还碍白蔷薇船头系个松根上欲待逢仙不拟归

奉和三絕次韵陆

树号相思枝拂地鸟语提壶声满溪云涯一里千万曲直是渔翁行也迷

荒柳卧波浑似困宿云遮坞未全痴云情柳意萧萧防若问诸余总不知

每逢孤屿一倚楫便欲狂歌同采薇任是烟萝中待月不妨敲枕扣舷归

松陵集卷八

今体七言诗八十四首

白鸥诗【并序】 陆

乐安任君尝为泾尉居吴城中地才数亩而不佩俗物有池池中有岛屿池之南西北邊合三亭修篁嘉木掩隱隈奥处其一不见其二也君好奇乐异喜文学名理之士所得皆清散凝莹袭美知而偕詣既坐有白鸥翩然驯于砌下因请浮而翫之主人曰池中之族老矣每以豪健据有鸥之始浮辄逐而害之今畏不敢入吁昔人之心蓄机事犹或舞而不下况害之哉且羽族丽于水者多矣独鸥为闲暇其致不高邪一旦水有鲸鲵之患陆有狐狸之忧俦侣不得命啸尘埃不得澡刷虽 人之流赏亦天地之穷鸟也感而为诗邀袭美同作惯向溪头漾浅沙薄烟微雨是生涯时时失伴沉山影往往争飞杂浪花晚树清凉还 瑯旧巢零落寄蒹葭池塘信美应难恋针在鱼唇剑在鰕

奉和皮日休

雪羽防襪半惹泥海云深处旧巢迷池无飞浪争教舞洲少轻沙若遣栖烟外失羣慙鴈鹭波中得志美鳬鹭主人恩重真难遇莫为心孤忆旧溪

懷杨台文杨鼎文二秀才陆

秋早相逢待得春崇兰清露小山云【崇兰小山郡中二堂】寒花独自愁中见曙角多同醒后闻钓具每随轻舸去诗题闲上小楼分重思醉墨縱横甚书破羊欣白练裙

奉和次韵皮日休

羊昙留我昔经春各以篇章鬪五云宾草每容闲处见击琴多任醉中闻钓前青翰交加倚醉后红鱼取次分为説风标曾入梦上仙初着翠霞裙

友人以人参见惠因以诗谢之皮日休

神草延年出道家【神草别名】是谁披露记三桠开时的定涵云液斲后还应带石花名士寄来消酒渴野人煎处撒泉华從今汤剂如相续不要金山焙上茶

奉和陆

五叶初成椶树陰紫团峰外即鸡林名参鬼蓋须难见材似人形不可寻品第已闻升碧简携持应合重黄金殷勤润取相如肺封禅书成动帝心

伤进士严子重诗【并序】 皮日休

余为童在乡校时简上抄杜舍人牧之集见有与进士严恽诗后至吴一日有客曰严某余志其名久矣遽懷文见造于是乐得礼而观之其所为工于七字往往有清便柔媚时可轶骇于常轨其佳者曰春光冉冉归何处更向花前把一杯尽日问花花不语为谁零落为谁开余美之讽而未尝怠生举进士亦十余计偕余方冤之谓乎竟有得于时也未几归吴兴后两月【咸通十一年也】雪人至云生以疾亡于所居矣噫生徒以词闻于士大夫竟不名而逝岂止此而湮没耶江湖间多美材士君子苟乐退而有文者死无不为之惜可胜言耶于是哭而为诗鲁望生之友也当为我同作

十哭都门榜上尘蓋棺终是五湖人生前有敌唯丹桂没后无家祇白苹箬下斩新醒处月江南依旧咏来春知君精爽应无尽必在酆都颂帝晨【梁成酆都官颂纣絶标帝晨】严子重以诗遊于名胜间旧矣余晚于江南相遇甚乐不幸且没袭美作诗序而吊之其名真不朽矣又何戚其死哉余因息悲而为之和

陆

每值江南日落春十年诗酒爱逢君芙蓉湖上吟船倚翡翠岩前醉马分秣有汀洲连旧业岂无章疏动遗文犹怜未卜佳城处更慙要离冢畔云

早秋吴体寄袭美 陆

荒庭古树只独倚败蝉残蛩苦相仍虽然诗胆大于斗争奈愁肠牵似绳短烛初添蕙幌影微风渐折蕉衣棱安得弯弓似明月快箭拂下西飞鹏

奉和次韵皮日休

书淫传癖穷欲死譊譊何必频相仍日干陰藓厚堪剥藤把敲松牢似绳 药香侵白袷袖穿云润破乌纱棱安得瑶池饮残酒半醉骑下垂天鹏

秋赋有期因寄袭美【时将主试贡士】 陆

云似无心水似闲忽思名在贡书间烟霞鹿弁聊县着邻里渔舫暂解还文草病来犹满篋药苗衰后即离山广寒宫树枝多少风送高低便可攀

奉和次韵皮日休

十载江南尽是闲客儿诗句满人间郡侯闻誉亲邀得乡老知名不放还应带瓦花经汴水更携云实出包山太微宫里环冈树无限瑶枝待尔攀

病中秋懷寄裘美 陆

病容愁思苦相兼清镜无情未我嫌
贪广异蔬行径窄故求偏药出钱添
同人散后休賒酒双燕辞来始下帘
更有是非齐未得重凭詹尹拂 占

奉和次韵皮日休

贫病于君亦太兼才高应亦被天嫌
因分鹤料家资减为置僧餐口数添
静里改诗空凭几寒中注易不开帘
清词一一侵真宰甘取穷愁不用占

新秋即事三首皮日休

痴号多于顾恺之更无余事可從知
酒坊吏到常先见鹤料符来每探支
【吴郡有鹤料案】凉后每谋清月社
晚来專赴白莲期共君无事堪相贺
又到金龕玉鲙时

堪笑高阳病酒徒幅巾萧洒在东吴
秋期浮扫云根瘦山信回缄乳管麤
白月半窗抄术序清泉一器授芝图
乞求待得西风起尽【去声】挽烟帆入太湖

露槿风杉满曲除高秋无事似云庐
醉多已任家人厌病久还甘吏道疎
青桂巾箱时寄药白纶卧具半抛书
君卿唇舌非吾事且向江南问鰕鱼

奉和次韵陆

心似孤云任所之世尘中更有谁知愁
寻冷落惊双鬓病得清凉减四支
懷旧药溪终独往宿枯杉寺已频期
兼须为月求高处即是霜轮杀满时

帆櫂衣裳尽钓徒往来踪迹徧三吴
闲中展卷兴亡小醉后题诗防画麤
松岛伴谭多道气竹窻孤梦岂良图
还须待致升平了即任扁舟放五湖

声利從來解破除秋滩唯忆下桐庐
鸬鷀阵合残阳少蜻蛚吟高冷雨疎
辯伏南华论指指才非 晏借书书当时
任使真堪笑波上三年学炙鱼

南阳润卿将归雷平因而有贈皮日休

借问山中许道士此回归去复何如
竹屏风扇抄遗事柘步輿竿系隱书
絳树实多分紫鹿丹沙泉浅种红鱼
东卿旄节看看至静启茅斋慎扫除

奉和陆

朝市山林隱一般却归那減卧云懽墮堦紅葉誰收得半盞清醪客醉干玉笈詩成吟處曉金
沙泉落夢中寒真仙若降如相問曾步星罡繞醮壇

訪寂上人遇皮日休

何處尋雲暫廢禪客來還寄草堂眠桂寒自落翻經案石冷空消洗鉢泉爐里尚飄殘玉篆
龕中仍鑱小金仙須將二百籤回去待得支公恐隔年

奉和陸

芭蕉霜後石欄荒林下無人閉竹房經抄未成拋素几錫環應撼過寒塘蒲團爲拂浮埃散茶
器空懷碧饒香早晚却還宗炳社夜深風雪對禪牀

顧道士亡弟子乞銘于裘美既而奉以束帛因賦

戲贈 陸

童初真府召爲郎君與抽毫刻便房亦謂神仙同許郭不妨才力似班揚比于黃絹詞尤妙酬
以霜縑價未當唯我有文無賣處筆鋒銷盡墨池荒

奉和皮日休

師去東華却鍊形門人求我志金庭大椿枯後新爲記仙鶴亡來始有銘【前朝文集未有道
士銘志】琮版欲刊知不朽冰紈將受恐通靈君才莫嘆無茲分合注神 劍解經

秋夕文晏【得遙字】 皮日休

啼蜚衰葉共蕭蕭文晏無喧夜轉遙高韻最宜題雪贊逸才偏稱和云謠風吹翠蜡應難刻月
照清香太易消無限 言一杯酒可能容得蓋寬饒

同前【得成字】 陸

筆陣初臨夜正清
金鉦飛觥壯若遊燕市覓句難于下趙城
隔嶺故人因防憶傍檐
栖鳥帶吟驚梁王座上多詞客
五韻甘心第七成【梁昭明嘗文晏賦詩各五韻劉孝威第七方成】

南陽廣文欲于荆襄卜居因而有贈

皮日休

地脉从来是福乡广文高致更无双青精饭熟云侵灶白裘成雪溅窗度日竹书千万字经
冬术煎两三缸鲈鱼自是君家味莫背松江忆汉江

代广文先生酬次韵陆

不知天隐在何乡且欲烟霞迹暂双鹤庙未能齐月驭鹿门聊拟竝云窗藓街荒磴移桑屐花
浸春醪挹石缸莫惜槎头容钓伴也应东印有余江

寄昆陵魏处士朴皮日休

文籍先生不肯官絮巾冲雪把渔竿一堆方册为侯印三级幽岩是将坛醉少最因吟月冷瘦
多偏为卧云寒兔皮衾暖篷舟稳欲共谁遊七里滩

奉和陆

经苑初成墨沼开何人林下肯寻来若非宗测图山后即是韩康卖药回溪籟自吟朱鹭曲沙
云还作白鸥媒唯应地主公田熟时送君家麴蘖材

初冬偶作寄南阳润卿皮日休

寓居无事入清冬虽设樽罍酒半空白菊为霜翻带紫苍苔因雨却成红迎潮预遣収鱼笱防
雪先教葢鹤笼唯待支硎最寒夜共君披氅访林公

奉和次韵陆

逐日生涯敢计冬可嗟寒事落然空牕怜反照缘书小庭喜新霜为橘红衰柳尚能和月动败
兰犹拟倩烟笼不知海上今清浅试与飞书问洛公

冬晓章上人院皮日休

山堂冬晓寂无闻一句清言忆领军琥珀珠粘行处雪榼桐箒扫卧来云松扉欲启如鸣鹤石
鼎初煎若聚蚊不是恋师归去晚陆机茸内足毛羣

奉和陆

山寒偏是晓来多况值禅窗雪气和病客功夫经未演故人书信纳新磨闲临静案修茶品独
傍深溪记药科從此逍遥知有地更乘清月伴君过

寄题镜岩周尊师所居诗【并序】皮日休

处州仙都山山之半有洞口下望之如鉴目之曰镜岩下去地二百尺上者以竹梯为级中如方丈内有乳水滴沥嵌罅黄老徒周君景复居焉迨八十年不食乎粟日唯焚降真香一炷读灵寶度人经而已东牟段公柯昔为州日闻其名梯其室以造之且曰君居此久矣乳水之滴昼夜可知量乎周君曰某常揣之尽昼与夜一斛加半焉公异而礼之后柯别十二年日休至吴处人过說周君尚存吟想其道无繇以覩因寄题是诗云八十余年住镜岩鹿皮巾下雪影髟髯寒不奈云縈枕经润何妨乳滴函饮涧猿回窺絕洞缘梯人歇倚危杉何如计吏穷于鸟欲望仙都举一帆

奉和陆

见說身轻鹤不如石房无侶共云居清晨自削灵香梯独夜空吟碧落书十洞飞精应徧吸一簪秋髮未曾梳知君便入悬珠防早晚东骑白鲤鱼

寒夜文晏【得泉字】 皮日休

分朋竞攀七香牋玉朗风姿尽列仙盈篋共开华顶药满餅同坼惠山泉蟹因霜重金膏溢橘为风多玉脑鲜吟罢不知诗首数隔林明月过中天

同前【得惊字】 陆

各将寒调触诗情旋见微渐入砚生霜月满庭人暂起汀洲半夜鴈初惊三清每为仙题想一日多因累句倾千里建康衰草外含毫谁是忆昭明

庚寅歲十一月新罗 惠上人与本国同书请日休为灵鷲山周禅师碑将还以诗送之

皮日休

三十麻衣弄渚禽岂知名字彻鸡林勒铭虽即多遗草越海还能抵万金鲸鬣晓掀峯正烧鳌睛夜没岛还陰二千余字终天别东望辰韩泪洒襟

奉和陆龟蒙

一函迢逵通过东瀛祗为先生处乞铭已得雄词封静检却懷孤影在禅庭春过异国人应寫夜读沧洲怪亦聽遥想勒成新塔下尽望空碧礼文星

送润卿博士还华阳皮日休

雪打篷舟离酒旗华阳居士半酣归逍遥只恐逢云将恬澹真应降月妃仙市鹿胎如锦嫩陰宫燕肉似酥肥公车草合蒲轮壞争不教他白日飞

同前陆

何事轻舟近腊回茅家兄弟欲归来【茅司命以三月十八日十二月二日防于华阳天】封
题玉洞虚无奏防检霜坛沆瀣杯云肆先生分气调山图公子爱词才殷勤为向东乡荐洒扫
含真雪后台

寒日书斋即事三首皮日休

参佐三间似草堂恬然无事可成忙移时寂歷烧松子尽日殷勤拂乳牀将近道斋先衣褐欲
清诗思更焚香空庭好待中宵月独礼星辰学步罡

不知何事有生涯皮褐亲裁学道家深夜数瓯唯栢叶清晨一器是云华【云母别名】盆池
有鹭窥苹沫石版无人扫桂花江汉欲归应未得夜来频梦赤城霞

方朔家贫未有车肯従荣利舍樵渔従公未怪多侵酒见客唯求转借书暂聴松风生意足偶
看溪月世情疎如钩得贵非吾事合向烟波为玉鱼【松江有玉鱼】

奉和每篇各用一韵陆

不必探幽上郁冈公斋吟啸亦何妨唯求薏苡供僧食别着毳氈待客牀春近带烟分短蕙晓
来冲雪撼疎篁余杭山酒犹封在遥嘱高人未肯尝

已上星津八月槎文通犹自学丹砂【江文通有丹砂可学赋】仙经写得空三洞隠士招来
别九华静对真图呼緑齿偶开神室问黄牙方诸更是怜才子锡賚于君合有差名价皆酬百
万余尚怜方丈讲 虚西都宾问曾成赋东海人求近著书【裘美尝作吊江都赋又新罗僧
请为太师碑铭】茅洞烟霞侵寤寐檀溪风月挂樵渔清朝还要廷臣在两地宁容便结庐

臈后送内大德従勗遊天台 皮日休

讲散重云下九天大君恩赐许随缘霜中一鉢无辞乞湖上孤舟不废禅梦入琼楼寒有月【
天台山有金庭不死之乡及琼楼玉室】行过石树冻无烟【案消山有石楼树吴大皇元年
郡吏伍曜于海际得之枝茎紫色有光南越谓之石连理也】他时 镜知何用吴越风光满
御筵

奉和陆

应縁南国尽南宗欲访灵溪路暗通【溪在天台山下】归思不离双阙下去程犹在四明东
铜餠净贮桃花雨金策闲摇麦穗风【上人指期国清过夏】若恋吾君先拜疏为论台岳未
封公寄题玉霄峰叶涵象尊师所居皮日休

青防向上玉霄峰元始先生戴紫蓉晓案琼文光洞壑夜坛香气惹杉松闲迎仙客来为鹤静
嘤灵符去是龙子细扪心无偃骨欲随师去肯相容【偃骨在胸者名入星骨】

奉和陆

天台一万八千文师在浮云端掩扉永夜祇知星斗大深秋犹见海山微风前几降青毛节雪
后应披白羽衣南望烟霞空再拜欲将飞魄问灵威

南阳广文博士还雷平后寄 陆

微微春色染林塘亲拨烟霞坐涧房陰洞雪胶知未入浊醪风破的偷尝芝台晓用金铛煮星
度闲将玉铉量几遍侍晨官欲降曙坛先起独焚香

奉和次韵皮日休

春彩融融释冻塘日精闲咽坐岩房琼函静启從猿覷金液初开与鹤尝八防旧文多搭寫七
真遗语剩思量不知梦到为何处红药满山烟月香

题支山南峯僧皮日休

云侵壞衲重隈肩不下南峯不记年池里羣鱼曾受戒林间孤鹤欲参禅鸡头竹上开危径鸭
脚花中擗废泉无限吴都堪赏事何如来此看师眠

奉和次韵陆

眉毫霜细欲垂肩自說初栖海岳年万壑烟霞秋后到一林风雨夜深禅时翻贝叶添新藏闲
插松枝防小泉好是清冬无外事匡牀斋罢向阳眠

送董少卿遊茅山 皮日休

名卿风度足杓斜一舸闲寻二许家天影晓通金井水山灵深防玉门沙空坛礼后销香母陰
洞缘时触乳花尽待于公作廷尉【卿尝为大理用法有廉平之称】不须從此便餐霞

同前陆

威輦高悬度世名至今仙裔作公卿将随羽节朝珠阙曾佩鱼符管赤城【董尝判台州】云
冻尚含孤石色雪干犹堕古松声应知四扇灵方在待取归时緑髮生

裘美将以緑罽为赠因成四韵陆

三径风霜利若刀檐楸吹断 蓬蒿病中祇自悲龙具世上何人识羽袍狐貉近懷珠履贵薛萝遥羨白巾高陈王轻暖如相遗免制衰荷效广骚

酬鲁望见迎绿罽次韵 皮日休

轻裁鸭绿任金刀不怕西风防野蒿酬赠既无青玉案纈华犹欠赤霜袍烟披怪石难同逸竹映仙禽未胜高成后料君无别事只应酣饮咏离骚

寄懷南阳润卿皮日休

鹿门山下捕鱼郎今向江南作渴羌无事只陪看藕样有钱唯欲买湖光醉来浑忘移花处病起空闻焙药香何事对君犹有愧一篷冲雪返华阳

奉和陆

高抱相逢各絕尘水经山疏不离身才情未拟汤從事 解犹嫌竺道人霞染洞泉浑变紫雪披江树半和春谁怜故国无生计唯种南塘二亩芹

天竺寺八月十五日夜桂子 皮日休

玉颗 下月轮殿前拾得露华新至今不防天中事应是嫦娥掷与人

奉和陆

霜实常闻秋半夜天台天竺堕云岑【垂拱中天台桂子落一百余日方止】如何两地无人种却是湘漓是桂林

钓侣二章皮日休

趁眠无事避风涛一斗霜鳞换浊醪【吴中卖鱼论斗】惊怪儿童呼不得尽冲烟雨漉车螯

严陵滩势似云崩钓具归来放石层烟浪溅篷寒不睡更将枯蚌防渔灯

奉和次韵陆

一艇轻撻看晚涛接防抛下漉春醪相逢便倚蒹葭泊更唱菱歌擘蟹螯

雨后沙虚古岸崩鱼梁移入乱云层归时月堕汀洲暗认得妻儿结网灯

寄同年韦校书皮日休

二年疎放饱江潭水物山容尽足耽
唯有故人怜未替欲封干鲙寄终南
奉和陆

万古风烟满故都清才搜括妙无余
可中寄与芸香客便是江南地里书
初冬偶作皮日休

豹皮茵下百余钱刘墮闲沽尽醉眠
酒病校来无一事鹤亡松老似经年
奉和次韵陆

桐下空堦叠绿钱貂裘初绽拥高眠
小炉低幌还遮掩酒滴灰香似去年
醉中寄鲁望一壶并一絶皮日休

门巷寥寥空紫苔先生应渴解醒杯
醉中不得亲相倚故遣青州從事来
走笔次韵奉酬陆

酒痕衣上杂莓苔犹忆红螺一两杯
正被绕篱荒菊笑日残还有白衣来
更次来韵寄鲁望皮日休

萧萧红叶掷苍苔晏先生欠一杯
從此问君还酒债顏延之送几钱来
又和次韵陆

堦下饥禽啄嫩苔野人方倒病中杯
寒蔬卖却还沽吃可有金貂换得来
重寺双矮桧皮日休

扑地枝回是翠钿碧丝笼细不成烟
应如天竺难陀寺一对狻猊相枕眠
奉和陆

可怜烟刺是青螺如到双林误礼多
更忆早秋登北固海门苍翠出晴波

醉中戏赠裘美陆龟蒙

南北风流旧不同，伧吴今日若相通。病来犹伴金杯满，欲得人呼小褚公。

奉酬次韵皮日休

秦吴风俗昔难同，唯有才情事事通。刚恋水云归不得，前身应是太湖公。

桥皮日休

桥依旧，绿杨中。中间犹生隐士风。唯我到来居上馆，不知何道胜梁鸿。

奉和陆龟蒙

横截春流架防虹，凭栏犹想五噫风。今来未必非梁孟，却是无人继伯通。

松陵集卷九

今体五七言诗八十六首

过张祜处士丹阳故居【并序】 顏 萱

萱与故张处士祜世家通旧尚忆孩稚之歲与伯氏尝承处士抚抱之仁目管辂为神童期孔融于伟器光陰徂谢二纪于兹适经其故居已易他主访遗孤之所止则距故居之右二十余步荆榛之下华门启焉处士有四男一女男曰椿儿桂儿椅儿杞儿问之三已物故唯杞为遗孕与其女尚存欲揖杞与言则又求食于汝坟矣但有霜鬓而黄冠者杖防迎门乃昔时爱姬崔氏也与之话旧歷然可听嗟乎葛帔练裙兼非所有琴书图籍尽属他人又云横塘之西有故田数百亩力既贫窶十年不耕唯歲赋万钱求免无所呜呼昔为穆生置醴郑公立乡者复何人哉因吟五十六字以闻好事者忆昔为儿逐我兄曾抛竹马拜先生书斋已换当时主诗壁空题故友名岂是争权留怨敌可怜当路尽公卿柴扉草屋无人问犹向荒田责地征

和张处士诗【并序】 陆龟蒙

张祜字承吉元和中作宫体小诗辞曲艳发当时轻薄之流能其才合噪得誉及老大稍窥建安风格诵乐府録知作者本意短章大篇往往间出諫讽怨谄时与六义相左右善题目佳境言不可刊置别处此为才子之最也繇是贤俊之士及高位重名者多与之防谓有鹄鹭之野孔翠之鲜竹柏之贞琴磬之韵或荐之于天子书奏不下亦受辟诸侯府性狷介不容物辄自劾去以曲阿地古澹有南朝之遗风遂筑室种树而家焉性嗜水石常悉力致之从知南海间罢职载罗浮石笋还不蓄善田利产为身后计死未二十年而故姬遗孕冻馁不暇前所谓鹄鹭孔翠竹柏琴磬之家虽朱轮尚棄遗编尚吟未尝一省其孤而恤其穷也噫人假之为翫好不根于道义耶惧其怨刺于神明耶天果不爱才没而犹譴耶吾一不知之友人顏 至行江南道中访其庐作诗吊而序之属予应和予汨没者不足哀承吉之道邀裘美同作庶乎承吉之孤倚其传而有怜者

胜华通子共悲辛荒径今为旧宅邻一代交遊非不贵五湖风月合教贫魂应絶地为才鬼名与遗编在史臣闻道平生偏爱石至今犹泣洞庭人

鲁望悯承吉之孤为诗序邀予属和欲用予道振其孤而利之噫承吉之困身后乎鲁望视予困与承吉生前孰若哉未有已困而能振人者然抑为之辞用塞良友之意 皮日休

先生清骨 烟霞业破孤存孰为嗟几篋诗编分贵位一林石笋散豪家儿过旧宅啼枫影姬绕荒田泣稗花唯我共君堪便戒莫将文誉作生涯

旅泊吴门呈一二同志 张 贲

一舸吴江晚堪忧病广文鲈鱼谁与伴鸥鸟自成羣反照縱橫水斜空防续云异乡无限思尽付酒醺醺

奉酬次韵陆龟蒙

高秋能叩触天籁忽成文苦调虽潜倚灵音自絕羣茅峰曾醺斗笠泽久眠云许伴山中躅三年任一醺賁中间有吴门旅泊之什多垂见和更作一章以

伸酬谢张贲

偶发陶匏响皆蒙组绣文清秋将落帽子夏正离羣有恨书燕雁无聊赋郢云徧防心自醉不是酒能醺

更次韵奉酬 陆龟蒙

独倚秋光岸风漪学簟文 堪教鳳集书好换鷺羣叶堕平台月香消古径云强歌非白纈聊以送余醺鲁望示广文先生吴门二章情格高散可醒俗态因追想山中风度次韵属和存于诗编鲁望之

命也 皮日休

我见先生道休思郑广文鹤翻希作伴鸥却覓为羣逸好冠清月高宜着白云朝廷未无事争任醉醺醺能谙肉芝樣解讲隱书文终古神仙窟穷年麋鹿羣行厨煮白石卧具拂青云应在雷平上支颐复半醺

寄润卿博士 皮日休

高眠可为要 纁鹄尾金炉一世焚【陶贞白有金鹄尾香炉】尘外乡人为许掾山中地主是茅君将收芝菌唯防雪欲晒图书不奈云若便华阳终卧去汉家封禅用谁文

酬袭美先辈见寄倒来韵张贲

寻疑天意丧斯文故选茅峰寄白云酒后只留沧海客香前唯见紫阳君近年已絕诗书癖今日兼将笔砚焚为有此身犹苦患不知何者是 纁

奉和袭美寄广文先生 陆龟蒙

忽辞明主事真君直取姜巴路入云龙篆拜时轻诰命霓襟披后小 纁峰前北帝三元防石上东卿九锡文应笑世间名利火等闲灵府剩先焚

军事院霜菊盛开因书一絕寄上谏议

皮日休

金华千防晓霜凝独对壶觞又不能已过重阳三十日至今犹自待王

奉酬霜菊见赠之什崔 璞

菊花开晚过秋风闻道芳香正满丛争奈病夫难强饮应湏速自召车公

奉和谏议酬先辈霜菊 陆龟蒙

紫茎芳艳照西风祇怕霜华掠防丛虽伴应刘还强醉路人终要识山公

幽居有白菊一丛因而成咏呈一二知己

陆龟蒙

还是延年一种材【菊之别名】即将瑶朵冒霜开不如红艳临歌扇欲伴黄英入酒杯陶令
接防堪岸着梁王高屋好敲来【梁朝有白纱高屋帽】月中若有闲田地为劝嫦娥作意栽

奉和张 贲

雪彩冰姿号女华寄身多是地仙家有时南国和霜立几处东篱伴月斜谢客琼枝空贮恨袁
郎金钿不成夸自知终古清香在更出梅妆弄晚霞

奉和皮日休

已过重阳半月天琅华千防照寒烟麝香亦似浮金靺花樣还如镂玉钱翫影冯妃堪比艳链
形萧史好争妍无繇摘向牙箱里飞上方诸赠列仙

奉和郑 璧

白艳轻明 露痕始知佳色重难羣终朝凝笑梁王雪尽日慵飞蜀帝云燕雨似翻瑶渚浪鴈
风疑卷玉绡纹琼妃若防寬裁翦堪作蟾宫夜舞裙

奉和司马都

耻共金英一例开素芳须待早霜催绕篱防见成瑶圃泛酒初迷傍玉杯映水好将苹作伴犯

寒疑与雪为媒夫君每尚风流事应为徐妃致此栽

华亭鹤闻之旧矣及来吴中以钱半千得一只养之始经歲不幸为饮啄所误经夕而卒悼之不已遂继以诗南阳润卿博士浙东德师侍御毗陵魏不琢处士东吴陆鲁望秀才及厚于余者

悉寄之请垂见和皮日休

池上低摧病不行谁教仙魄反层城陰苔尚有前朝迹皎月新无昨夜声菰米正残三日料筠笼休碍九霄程不知此恨何时尽遇着云泉即怆情

莫怪朝来泪满衣堕毛犹傍水花飞辽东旧事今千古却向人间 令威

奉和袭美先辈悼鹤二首

前浙东观察推官兼殿中侍御史李穀

才子襟期本上清陆云家鹤伴闲情犹怜反顾五六里何意忽归十二城露滴谁闻高叶坠月沉休借半堦明人间华表堪留语剩向秋风寄一声

道林曾放雪翎飞应悔庭除闭羽衣料得王恭披鹤氅倚吟犹待月中归

奉和张 贲

池塘萧索掩空笼玉树同嗟一土中莎径罢鸣唯泣露松轩休舞但悲风丹台旧氅难重缉紫府新书岂更通云减雾消无处问只留华髮与衰翁

渥顶鲜毛品格驯莎庭闲暇重难羣无端日暮东风起飘散春空一片云

奉和陆龟蒙

一夜圆吭絕不鸣八公虚道得千龄方添上客云眠思忽伴中仙剑解形但掩丛毛穿古堞永留寒影在空屏君才幸自清如水更向芝田为刻铭

鄴都香稻字重思遥想飞魂去未饥争奈野鸦无数健黄昏来占旧栖枝

奉和魏 朴

直欲裁诗问杳防岂教灵化亦浮生风林月动疑留魄沙岛烟愁似蕴情雪骨夜封苍蘚冷练

衣寒在碧塘轻人间飞去犹堪恨况是泉台远玉京

经秋宋玉已悲伤况报胎禽昨夜亡霜晓起来无问处伴僧弹指绕荷塘

伤开元观顾道士 皮日休

协晨宫上启金扉诏使先生坐蛻归鹤有一声应是哭丹无余粒恐潜飞烟凄玉笥封云篆月惨琪花 羽衣肠防雷平旧遊处五芝无影草微微

奉和张 贲

鳳麟胶尽夜如何共叹先生剑解多防度吊来唯白鹤此时乘去必青骡图中含景随残照琴里流泉寄逝波怅望真灵又空返玉书谁授紫微歌

奉和陆龟蒙

何事神超入杏防不骑孤鹤上三清多应白简迎将去即是朱陵链更生药奠肯同椒醑味云謡空替薤歌声武皇徒有飘飘思谁问山中宰相名

奉和郑 璧

斜汉银澜一夜东飘飘何处五云中空留华表千年约才毕丹炉九转功形蛻遠山孤圻月影寒深院晓松风门人不覩飞升去犹与浮生哭恨同

醉中即席赠润卿博士 皮日休

适越遊吴一散仙银餅玉柄两翺然茅山顶上携书簏笠泽心中漾酒船桐木布温吟倦后桃花饭熟醉醒前谢安四十余方起犹自高闲得数年

奉和次韵张 贲

桂枝新下月中仙学海词锋誉藹然文阵已推忠信甲穷波犹认孝廉舩清标称住羊车上俗韵慙居鹤氅前共许逢蒙快弓箭再穿杨叶在明年

奉和次韵陆龟蒙

共是虚皇简上仙清词如羽若飘然登山凡着几两屐破浪欲乘千里船遠梦只留丹井畔闲吟多在酒旗前谁知海上无名者只记渔歌不记年

偶留羊振文先辈及一二文友小饮日休以眼病初平不敢饮酒遣侍密欢因成四韵 皮日休

谢庄初起怯花晴强侍红筵不避觥久防杯盂华盖喜忽闻歌吹谷神惊防褫正重新开柳帖
噉难通乍啖鸞犹有僧防多蜜炬不辞相伴到天明

奉和袭美见留小防次韵羊昭业

泽国春来少遇晴有花开日且飞觥王戎似电休推病周顗才醒众却惊芳景渐浓偏属酒暖
风初畅欲调鸞知君不肯燃官烛争得华筵彻夜明

袭美留振文小宴 蒙抱病不赴猥示倡和因次

韵仰酬陆龟蒙

绮席风开照露晴祗将茶荈代云觥繁弦似玉纷纷碎佳妓如鸿一一惊毫健几多飞藻客羽
寒寥落映花鸞幽人独自西窗晚闲凭香怪反照明

醉中袭美先起因成戏赠李 穀

休文虽即逃琼液阿骛还须掩玉闺月落金鸡一声后不知谁悔醉如泥

走笔奉酬次韵皮日休

麝烟冉冉生银兔蜡泪涟涟滴绣闺舞袖莫欺先醉去醒来还解駮金泥

奉和次韵张 贲

何事桃源路忽迷唯留云雨怨空闺仙郎共许多情调莫遣重歌浊水泥

奉和次韵 陆龟蒙

莫唱艳歌凝翠黛已通仙籍在金闺他时若寄相思泪红粉痕应伴紫泥

奉送浙东德师侍御罢府西归张 贲

孤云独鸟本无依江海重逢故旧稀杨柳渐疎芦苇白可堪斜日送君归

同前陆龟蒙

王谢遗踪玉籍仙三年闲上鄂君船诗懷白阁僧吟苦俸买青田鹤价偏行次野枫临遠水醉中衰菊卧凉烟芙蓉散尽西归去唯有山陰九万牋

同前皮日休

建安才子太微仙暂上金台许二年形影欲归温室树梦魂犹傍越溪莲空将海月为京信尚使樵风送酒船從此受恩知有处免为伧鬼恨吴天

浙东罢府西归道经吴中广文张博士皮先辈陆秀才皆以雅篇相送不量荒词亦用酬别

李穀

岂有头风笔下痊浪成蛮语向初筵兰亭旧址虽曾见柯笛遗音更不传照曜文星吴分野留连花月晋名贤相逢只恨相知晚一曲骊歌又几年

送羊振文先辈往桂阳归覲 陆龟蒙

风雅先生去一麾过庭才子趣归期【时使君丈人自毛诗博士出牧】让王门外开帆叶义帝城中望防枝郢路渐寒飘雪遠湘波初暖涨云迟灵均精魄如能问又得千年贾傅词

同前皮日休

桂阳新命下彤墀彩服行当欲雪时登第已闻传襴赋问安犹聽讲韩诗竹人临水迎符节【曹昆湘中赋筮筮实如人】风母穿云避信旗【桂阳山中有风母兽击杀向风辄活】无限湘中悼骚恨憑君此去谢江蓠

同前顏 萱

高挂吴帆喜动容问安归去指湘峰悬鱼庭内芝兰秀馭鹤门前薜荔封【苏耽旧宅在桂州】红旆正怜棠影茂防衣偏 桂香浓临岐独有霑襟恋南巷当年共化龙【先辈与拾遗叔父同年也】

同前司马都

此去懽荣冠士林离筵休限酒杯深云梯万仞初高步月桂余香尚满襟鸣棹晓冲苍霭发落帆寒动白华吟君家祖德惟清苦却笑当时问绢心

褚家林亭皮日休

广亭遥对旧娃宫竹岛萝溪委曲通茂苑楼台低檻外太湖鱼鸟彻池中萧疎桂影移茶具狼籍苹花上钓筒争得共君来此住便披鹤氅对清风

奉和张 贲

疎野林亭震泽西朗吟闲步喜相携时时风折芦花乱处处霜摧稻穗低百本败荷鱼不动一枝寒菊蝶空迷今朝偶得高阳伴従放山翁醉似泥

奉和陆龟蒙

一阵西风起浪花绕栏干下散瑶华高窻曲檻仙侯府卧葦荒芹白鸟家孤岛待寒凝片月遠山终日送余霞若知方外还如此不要乘秋上海槎

送圆载上人归日本国 皮日休

讲殿谈余着赐衣椰帆却返旧禅扉贝多纸上经文动如意瓶中佛爪飞 母影邊持戒宿波神宫里受斋归家山到日将何入白象新秋十二围

重送皮日休

云涛万里最东头射马台深玉署秋【射马台即今王城也】无限属城为裸国几多分界是亶州【州在防稽海外传是徐福之裔】取经海底开龙藏诵呪空中散蜃楼不奈此时贫且病乘桴直欲伴师遊

同前陆龟蒙

老思东极旧岩扉却待秋风泛舶归晓梵阳乌当石磬夜禅陰火照田衣见翻经论多盈篋亲植杉松大几围遥想到时思魏阙祇应遥拜望斜晖

闻圆载上人挟儒家书泊释典以行更作一絶以

送陆龟蒙

九流三藏一时倾万轴光凌渤海声从此遗编东去后却应荒外有诸生

同前顏 萱

师来一世恣经行却泛沧波问去程心静已能防渴鹿輦喧时为骇长鲸【师云每遇鲸舟人必鸣鼓而恐之】禅林几结金桃重【日本有金桃实重一斤】梵室重修铁瓦轻【以铁为

瓦轻于陶者】料得还乡无别利只应先见日华生

文防招润卿博士辞以道侣将至因书一絶寄之

陆龟蒙

仙客何时下鹤翎方瞳如水脑华清不过传达杨君梦徙许人间小兆听

奉和皮日休

瘦木樽前地肺图为君偏辍俗功夫灵真散尽光来此莫恋安妃在后无

再招陆龟蒙

遥知道侣谭 次又是文交丽事时虽是寒轻云重日也留花簪待徐摘

奉和皮日休

飚御已应归杳眇博山犹自对氛氲不知入夜能来否红蜡先教刻五分

偶约道流终乖文防因成一絶用荅四篇

张 贲

仙侣无何访蔡经两烦韶濩出彤庭人间若有登楼望应怪文星近客星

以青防饭分送袭美鲁望因成一絶 张 贲

谁屑琼瑶事青防旧传名品出华阳应宜仙子胡麻拌因送刘郎与阮郎

润卿遗青防饭兼之一絶聊用荅谢

皮日休

传得三元防饭名大宛闻説有仙卿【案西梁子文撰黄锦素书十通其二传大宛北谷子自号青精先生】分泉过屋舂青稻【此饭以青龙稻为之】拂雾影衣折紫茎【南稻茎微紫色】蒸处不教双鹤见服来唯怕五云生草堂空坐无饥色时把金津漱一声

同前陆龟蒙

旧闻香积金仙食今见青精玉斧餐自笑镜中无骨录可能飞上紫霞端

酒病偶作皮日休

郁林步障昼遮明一炷浓香养病醒何事晚来还欲饮隔墙闻卖蛤蜊声

奉和陆龟蒙

柳疎桐下晚窻明祗有微风为析醒唯欠白绡笼解散【解散王俭髻名时人皆慕之也】洛
生闲咏两三声

奉和次韵张 贲

白编椰席镂冰明应助杨青解宿醒难继二贤金玉倡可怜空作防猿声

润卿鲁望寒夜见访各惜其志遂成一絶

皮日休

世外为交不是亲醉吟俱岸白纶巾风清月白更三防未放华阳鹤上人

奉和次韵张 贲

云孤鹤独且相亲仿效従他折角巾不用吴江叹留滞风姿俱是玉清人

奉和次韵陆龟蒙

醉韵飘飘不可亲掉头吟侧华阳巾如能跂脚南窻下便是羲皇世上人

翫金鸂 戏赠袭美陆龟蒙

曾向溪邊泊暮云至今犹忆浪花羣不知镂羽凝香雾堪与鸳鸯觉后闻

奉和皮日休

镂羽雕毛迴出羣温磨飘出麝脐薰夜来曾吐红茵畔犹似溪邊睡不闻

奉和张 贲

翠羽红襟镂彩云双飞常笑白鸥羣谁怜化作雕金质徙倩沈檀十里闻

友人许惠酒以诗徵之 皮日休

野客萧然访我家霜残白菊两三花子山病起无余事只望蒲台酒一车【庾信集云蒲州刺史中山公许酒一车未送】

奉和郑 壁

乘兴闲来小谢家便裁诗句乞榴花邴原虽不无端醉也要临风徙鹿车

奉和陆龟蒙

冻醪初漉嫩如春轻蚁漂漂杂蕊尘得伴方平同一醉明朝应作蔡经身

寒夜文防润卿有期不至皮日休

草堂虚洒待高真不意清斋避世尘料得焚香无别事存心应降月夫人

奉和陆龟蒙

细雨轻觞玉漏终上清词句落吟中松斋一夜懷贞白霜外空闻五粒风

奉和郑 壁

已知羽驾朝金阙不用烧兰望玉京应是易迁明月好玉皇留看舞双成

蒙恩除替将还京洛偶叙所懷因成六韵呈军事

院诸公郡中一二秀才崔 璞

两载求民瘼三春受代归务繁多簿籍才短乏恩威共理乖天獎分忧值歲饥遽蒙交郡印【到郡十二个月除替未及二年】安敢整朝衣作牧慙为政思乡念式微傥容还故里高卧掩柴扉

諫议以罢郡将归以六韵赐示因伫酬献

皮日休

欲下持衡诏先容解印归露浓春后泽霜薄霁来威旧化堪治疾余恩可疗饥隔花攀去棹穿柳挽行衣佐理能无取酬知力甚微空将千感泪异日拜黄扉

谨和谏议罢郡叙懷六韵陆龟蒙

已报东吴政初捐左契归天应酬苦节人不犯寒威江上思重借朝端望载饥紫泥封夜诏金殿赐春衣对酒情何远裁诗思极微待升镕造日江海问渔扉

松陵集卷十

杂体诗八十六首

杂体诗序皮日休

案舜典帝曰防命汝典乐教胄子诗言志歌永言在焉周礼太师之职掌教六诗讽赋既兴风雅互作杂体遂生焉后系之于乐府盖典乐之职也在汉代李延年为协律造新声雅道虽缺乐府乃盛饶歌鼓吹拂舞予俞因斯而兴词之体不得不因时而易也古乐书论之甚详今不能备载载其他见者案汉武集元封三年作栢梁台诏羣臣二千石有能为七言诗者乃得上坐帝曰日月星辰和四时梁王曰骖驾驷马从梁来繇是联句兴焉孔融诗云渔父屈节水潜匿方作郡姓名字离合也繇是离合兴焉晋傅咸有回文反覆诗二首云反覆其文者以示忧心展转也悠悠逺迈独茕茕是也繇是反覆兴焉晋温峤有回文虚言诗云宁神静泊损有崇亡繇是回文兴焉梁武帝云后牖有朽柳沈约云偏眠船舷邊繇是叠韵兴焉诗云防棘在东又曰鸳鸯在梁繇是双声兴焉诗云维南有箕不可以簸扬维北有斗不可以挹酒浆近乎戏也古诗或为之盖风俗之言也古有采诗官命之曰风人围棊烧败袄着子故依然繇是风人之作兴焉梁书云昭明善赋短韵吴均善压强韵今亦効而为之存于编中陆生与予各有是为凡八十六首至如四声诗三字离合全篇双声叠韵之作悉陆生所为又足见其多能也案齐竟陵王郡县诗曰追芳承荔浦揖道信云丘县名繇是兴焉案梁元药名诗曰戍客恒山下当思衣锦归药名繇是兴焉陆与予亦有是作至如鲍昭之建除沈炯之六甲十二属梁简文之卦名陆惠晓之百姓梁元帝之鸟名 兆蔡黄门之口字古两头纖纖藁砧五杂组已降非不能也皆鄙而不为噫繇古至律繇律至杂诗尽乎此也近代作杂体唯刘宾客集中有回文离合双声叠韵如联句则莫若孟东野与韩文公之多他集罕见足知为之之难也陆与予窃慕其为人遂合已作为杂体一卷嘱予序杂体之始云

苦雨褫言寄鲁望 皮日休

吴中十日涔涔雨歊蒸 下豪家苦可怜临顿陆先生独自憊然守环堵儿饥仆病漏空厨无人肯典破衣裾 羸时时上几案鼃龟往往跳琴书桃花米斗半百钱枯荒湿壤炊不然两牀苽席一素几仰卧高声吟太 知君志气如铁石瓠冶虽神销不得乃知苦雨不复侵枉费毕星无限力鹿门人作州從事周章似防唯知醉府金廩粟虚请来忆着先生便知愧愧多馈少真徒然相见唯知携酒钱豪华满眼语不信不如直上天公賤天公賤方修次且榜鸣篷来一醉

奉酬苦雨见寄陆龟蒙

松篁交加午陰黑別是江南烟靄国頑云猛雨更相欺声似唬号色如墨茅茨衰烂檐生衣夜夜化为萤火飞萤飞渐多屋渐薄一注愁霖当面落愁霖愁霖尔何错灭顶于余奚所作既不能赋似陈思王又不能诗似谢康乐【曹有愁霖赋谢有愁霖诗】昔年尝过杜子美亦得高

歌破印纸惯曾掀搅大笔多为我才情也如此高揖愁霖词未已披文忽自皮夫子哀弦怨柱
合为吟防我穷栖蓬蒿里初悲湿翼何繇起末欲笺天叩天耳其如玉女正投壶笑电霏霏作
天喜我本曾无一棱【去声】田平生啸傲空渔船有时赤脚弄明月踏破五湖光底天去歲
王师东下急输兵粟尽民相泣伊予不战不耕人敢怨烝黎无糝粒不然受性圆如规千姿万
熊分毫厘唾壶虎子尽能执防痔折枝无所辞有头强方心强直撑拄頰风不量力自爱垂名
野史中宁论抱困荒城侧唯君浩叹非庸人分衣辍饮来相亲横眠木榻忘华荐对食露葵轻
八珍欲穷 鳳未白欲懷仙鯨尚隔不如驱入醉乡中只恐醉乡田地窄

齐梁怨别 陆龟蒙

寥寥缺月看将落檐外霜华染罗幕不知兰棹到何山应倚相思树邊泊

奉和次韵皮日休

芙蓉泣恨红铅落一朵别时烟似幕鸳鸯刚解恼离心夜夜飞来棹邊泊

晓起即事因成回文寄袭美 陆龟蒙

平波落月吟闲景暗幌浮烟思起人清露晓垂花谢半遠风微动蕙抽新城荒上处樵童小石
藓分来宿鹭驯晴寺野寻同去好古碑苔字细书匀

奉和晓起回文皮日休

孤烟晓起初原曲碎树微分半浪中湖后钓筒移夜雨竹傍眠几侧晨风图梅带润轻霑墨画
藓经蒸半失红无事有杯持永日共君唯好隱墙东

夏日闲居作四声诗寄袭美 陆龟蒙平声

荒池菰蒲深闲堦莓苔平江邊松篁多人家帘栊清为书凌遗编调弦夸新声求懽虽殊途探
幽聊怡情

平上声

朝烟涵楼台晚雨染岛屿渔童惊狂歌艇子喜野语山容堪停杯柳影好隱暑年华如飞鸿斗
酒幸且举

平去声

新开窻犹偏自种蕙未徧书籤风摇闻钓榭雾破见耕耘闲之资啸咏性最便希夷全天真詎

要问贵贱

平入声

端居愁无涯一夕髮欲白因为鸾章吟忽忆鹤骨客手披丹台文脚着赤玉舄如蒙清音酬若渴吸月液

奉酬夏日四声四首皮日休平声

塘平芙蓉低庭闲梧桐高清烟埋阳乌蓝空含秋毫冠倾慵移簪杯干将餽糟脩然非随时夫君真吾曹

平上声

沟渠通疎荷浦屿隐浅篠舟闲攢轻苹桨动起静鸟阴稀余桑闲缕尽晚蠶小吾徒当斯时此道可以了

平去声

怡神时高吟快意乍四顾村深啼愁鹃浪霁醒睡鹭书疲行终朝罩困卧至暮吁嗟当今交暂贵便异路

平入声

先生何违时一室习寂歷松声将飘堂岳色欲压席弹琴奔云斲药折白石如教题君诗若得札玉册苦雨中又作四声诗寄鲁望皮日休平声

涔涔将经旬昏昏空迷天鸬鷀成羣嬉芙蓉相偎眠渔通蓑衣城帆过菱花田秋収吾无望悲之真徒然

平上声

河平州桥危垒晚水鸟上冲崖搜松根防沼寫茈响舟轻通紫纈栈堕阻指掌携桡将寻君渚满坐可往

平去声

狂霖昏悲吟瘦桂对病卧檐虚能影斜舍蠹易漏破宵愁将琴攻昼闷用睡过堆书仍倾觞富贵未换个

平入声

羈栖愁霖中缺宅屋木恶荷倾还惊鱼竹滴复触鹤闲僧千声琴宿客一笈药悠然思夫君忽忆蜡屐着奉酬苦雨四声重寄三十二句陆龟蒙平声

幽栖眠疎窻豪居凭高楼浮沕惊跳丸寒声思重裘牀前垂文竿巢邊登轻舟虽无东皋田还生鱼乎忧

平上声

层云愁天低久雨倚檻冷丝禽藏荷香锦鲤绕岛影心将时人乖道与隱者静桐陰无深泉所以逞短绠

平去声

乌蟾俱沉光昼夜恨暗度何当乘云螭面见上帝愬臣言陰云欺诏用利剑付回车诛羣奸自散万籟怒

平入声

危檐仍空堦十日滴不歇青莎看成狂白菊即欲没吴王荒金樽越妾挟玉瑟当时虽愁霖亦若惜落月

叠韵双声二首陆龟蒙叠韵山中吟

琼英轻明生石脉滴沥碧 铅仙偏怜白帟客亦惜

双声溪上思

溪空唯容云木密不隕雨迎渔隱映间安问讴鸦防

奉和叠韵双声二首皮日休叠韵中山吟

穿烟泉潺湲触竹𦗔𦗔𦗔荒篁香墙匡熟鹿伏屋曲

双声溪上思

疎杉低通滩冷鹭立乱浪草彩欲夷犹云容空澹荡

叠韵吴宫词二首 陆龟蒙

虜愉吳都姝眷戀便殿晏逡巡新春人轉面見戰箭紅朧通東風翠珥醉易墜平明兵盈城棄置遂至地

奉和叠韵吴宫词二首 皮日休

侵深尋嶽岑勢厲衛睥睨荒王將鄉亡細麗蔽袂逝杙指替制曳康莊傷荒涼主虜部伍苦嬙亡房廊香

闲居杂题五首【以题十五字离合】 陆龟蒙鸣蜩早

閑來倚杖柴門口鳥下深枝啄晚蟲周步一池銷半日十年听此鬢如蓬

野态真

君如有意耽田里予亦无机向艺能心迹所便唯是直人間聞道最先憎

松間斟

子山園靜憐幽木公干詞清咏華門月上風微蕭洒甚斗醪何惜置盈樽

飲岩泉

已甘茅洞三君食欠買桐江一朶山嚴子瀨高秋浪白水禽飛盡釣舟還

當軒鶴

自笑與人乖好尚田家山客共柴車干時未似栖廬雀鳥道閑携相爾書

奉和杂题五首【以题十五字离合】 皮日休晚秋吟

東皋烟雨歸耕日免去 冠手刈禾火滿酒垆詩在口今人無計奈依何

好詩景

青盤香露傾荷女子墨風流更不言寺寺雲蘿堪度日京塵到死撲侯門

醒聞桧

解洗余醒晨半酉星星仙吹起云门耳根莫厌聽佳木防尽山中寂静源
寺钟暝

百缘斗薮无尘土寸地章煌欲布金重击蒲牢唵山日 烟树靚栖禽
砌思步

襌襌古薛绷危石切切陰蜚应晚田心事万端何处止少夷峰下旧云泉
药名离合夏日即事三首陆

乘屐着来幽砌滑石罌煎得遠泉甘草堂祇待新秋景天色微凉酒半酣
避暑最须從朴野葛巾筠席更相当归来又好乘凉钓藤蔓陰陰着雨香
窻外晓帘还自卷栢烟兰露思晴空青箱有意终须续防简遗编一半通
奉和皮日休

季春人病抛芳杜仲夏溪波绕壞垣衣典浊醪身倚桂心中无事到云昏
数曲急溪冲细竹叶舟来往尽能通草香石冷无辞遠志在天台一遇中
桂叶似茸含露紫葛花如綬蘸溪黄连云更入幽深地骨录闲携相猎郎
懷锡山药名离合二首 皮日休

暗窦养泉容决决明园防桂放亭亭歷山居处当天半夏里松风尽足聽
晓景半和山气白薇香清浄杂纖云实头自是眠平石脑侧空林看鹿羣
奉和陆龟蒙

鹤伴前溪栽白杏人来陰洞寫枯松萝深境静日欲落石上未眠闻遠钟
佳句成来谁不伏神丹偷去亦须防风前莫怪携诗藁本是吴吟荡桨郎
懷鹿门县名离合二首 皮日休

山瘦更培秋后桂溪澄闲数晚来鱼台前过雁盈千百泉石无情不寄书

十里松萝陰乱石门前幽事雨来新野霜浓处怜残菊潭上花开不见人

奉和陆龟蒙

云容覆枕无非白水色侵砚直是蓝田种紫芝餐可壽春来何事恋江南

竹溪深处猿同宿松阁秋来客共登封径古苔侵石鹿城中谁解访山僧

寒日古人名一絕 陆龟蒙

初寒朗咏裴回立欲谢 關早晚开昨日登楼望江色鱼梁鸿雁几多来

奉和皮日休

北顾懽遊悲沈宋【梁武改为北顾】南徐陵寝叹齐梁水邊韶景无穷柳寒被江淹一半黄

胥口即事六言二首皮日休

波光杳杳不极霁景澹澹初斜黑蛺蝶粘莲蕊红蜻蜓褭菱花鸳鸯一处两处舴艋三家五家
防把酒船偎荻共君作【去】个生涯

拂钓清风细丽飘蓑暑雨霏微湖云欲散未散屿鸟将飞不飞换酒帟头把看载莲艇子撑归
斯人到死还乐谁道刚须用机

奉和陆龟蒙

雨后山容若动天寒树色如消目送回汀隱隱心随挂鹿摇摇白蔣知秋露裊青枫欲暮烟饶
莫问吴趋行乐酒旗竿倚河桥

把钓丝随浪遠采莲衣染香浓綠倒红飘欲尽风斜雨细相逢防岸沈鱼【约畧二音鱼
网也】邻村送客 即是清霜刮野乘闲莫厌来重

风人诗三首 陆龟蒙

十万全师出遥知正忆君一心如瑞麦唯作两岐分破蘖共朝防须知是苦辛晓天窥落宿谁
识独醒人闻道更新帙多应废旧期征衣无伴 独处自然悲

奉和皮日休

刻石书离恨因成别后悲莫言春蠶薄犹有万重丝
镂出容刀飭亲逢巧笑难日中骚客佩争奈即阑干江上秋声起
从来浪得名逆风犹挂席苦不防帆情

寄题天台国清寺齐梁体皮日休

十里松门国清路饭猿台上菩提树怪来烟雨落晴天元是海风吹瀑布

同前陆龟蒙

峰带楼台天外立明河色近罍罍湿松间石上定僧寒半夜檐溪水声急

寒夜联句

静境揖神凝寒华射林缺【 蒙】清知思绪防爽觉心源澈【日休】高唱戛金奏朗咏铿玉节【 蒙】我思方沆寥君词复凄切【日休】况闻风篴上摆落残冻雪【 蒙】寂尔万籁清皎然诸霭灭【日休】西窗客无梦南浦波应结【 蒙】河光正如剑月魄方似玦【日休】短烬不禁挑冷毫看欲折【 蒙】何夕重相期浊醪还为设【日休】

开元寺楼看雨联句

海上风雨来掀轰杂飞电登楼一凭槛满眼蛟龙战【 蒙】须防造化惨倏忽堪舆变万户响戈鋌千家披组练【日休】羣飞抛轮石杂下攻城箭防急似摧胸行斜如中面【 蒙】细洒魂空冷横飘目能垂檐珂佩喧防瓦珠玑溅【日休】无言九陔遽瞬息驰应徧密处正垂絙微时又悬线【 蒙】写作玉界破吹为羽林旋翻伤列缺劳却怕丰隆倦【日休】遥瞻山露色渐觉云成片远树欲鸣蝉深檐尚藏燕【 蒙】残雷隐辘尽反照依微见天光洁似磨湖彩熟于练【日休】疎帆逗前渚晚磬分凉殿接思强挥毫窥词几焚砚【 蒙】佶栗乌皮几轻明白羽扇毕景好疎吟余凉可清晏【日休】君携下高磴僧引还深院駸薛净铺筵低松湿垂髯【 蒙】斋明乍虚豁林霁逾葱蒨早晚重登临欲去多离恋【日休】

北禅院避暑联句【院昔为戴颙宅后司勳陆郎中居之】

歊蒸何处避来入戴颙宅逍遥脱单绞放旷抛轻防爬搔林下风偃仰涧中石【日休】残蝉烟外响野鹤沙中迹到此失烦襟萧然揖禅伯藤悬叠霜蛻桂倚支云锡【 蒙】清陰竖毛发爽气舒防脉逐幽随竹书选胜铺苒席鱼跳上紫芡蝶化缘青壁【日休】心是玉莲徒耳为金磬敌吾宗昔高尚志在羲皇易岂独防韦编几将剗防撻【 蒙】天书既屡降野抱难自适一入承明庐盱衡论今昔流光不容寸斯道甘枉尺【日休】既起谢儒亦翻商羽翼封章帷幄徧梦寐江湖白摆落函谷尘高欹华阳帟【 蒙】诏去云无信归来鹤相识半病

夺牛公全慵捕鱼客少微光一防落此芒磔索【日休】释子问池塘门人废幽蹟堪悲东序
寶忽变西方籍不见步兵诗空懷康乐屐【 蒙】高名不可效胜境徒堪惜墨沼转疎芜
斋逾閒寂迟迟不能去凉飈满杉栢【日休】日下洲岛清烟生苾芻碧俱懷出尘想共有吟
诗癖终与净名遊还来雪山觅【 蒙】

独在开元寺避暑颇懷鲁望因飞笔联句

烦暑虽难避僧家自有期泉甘于马乳苔滑似龙髯【日休】任诞襟全散临幽榻旋移松行
将雅拜篁阵欲交麾【 蒙】望塔青 识登楼白鸽知石经森欲动珠像俨将怡简簟临杉
穗纱巾透雨丝静谭蝉噪少凉步鹤随迟【日休】烟重迴蕉扇风轻拂桂帷对碑吴地说开
卷梵天词积水鱼梁壞残花病枕欹懷君萧洒处孤梦绕罽毼【 蒙】

寂上人院联句

瘦床空默坐清景不知斜暗数菩提子闲看薜荔花【日休】有情唯墨客无语是禅家背日
聊依桂尝泉欲试茶【 蒙】石形蹲玉虎池影闪金蛇经笥安岩匱餅囊挂树桮【日休】
书传沧海外龕寄白云涯竹色寒凌箔灯光静隔纱【 蒙】趣幽翻小品逐胜讲南华莎彩
融黄露莲衣染素霞【日休】水堪伤聚沫风合落天葩若许传心印何辞古堞賒【 蒙】

药名联句

为待防风饼须添薏苡杯【张贲】香燃栢子后罇泛菊花来【日休】石耳泉能洗垣衣雨
为裁【 蒙】從容犀局静断续玉琴哀【贲】白芷寒犹采青箱醉尚开【日休】马衔衰
草卧乌啄蠹根回【 蒙】雨过兰芳好霜多桂末摧【贲】朱儿应作粉云母讎成灰【日
休】艺可屠龙胆家曾近鷲胎【 蒙】墙高牵薜荔障软撼玫瑰【贲】鷗防啼书户蜗牛
上砚台【日休】谁能将藁本封与玉泉才【 蒙】

寒夜文宴联句

文星今夜聚应在斗牛间【日休】载石人方至乘槎客未还【贲】送觴繁露曲徵句白云
顔【 蒙】节奏唯聽竹從容只话山【日休】理穷倾秘藏论猛折 闕【贲】酈酒分中
綠巴牋擘处殷【 蒙】清言闻后醒强韵压来艰【日休】犀柄当风揖琼枝向月攀【贲
】松吟方防防泉梦忆潺潺【 蒙】一防文章草昭明不可刪【日休】

报恩寺南池联句

古岸涵碧落【 蒙】虚轩明素波坐来鱼阵变【日休】吟久菊【闕】多秋草分杉露【
嵩起】危桥下竹坡遠峰青髻并【 原闕蒙】髯和赵论寒仍讲【日休】支硎僻亦过斋
心曾养鹤【嵩起】挥翰好邀鵝【南峰院即故相国裴公书額】倚石收奇药【 蒙】临

溪借浅莎桂花晴似拭【日休】荷镜晓如磨翠出牛头耸【嵩起】苔深马迹跛【石上有支公马迹】伞敲従野醉【 蒙】巾侧任田歌跂跂松形矮【日休】般跚桧榼炷香飞僧印火【嵩起】泉急使鑣珂淩钿真堪帖【 蒙】莼丝亦好拖几时无一事【日休】相伴着烟萝【嵩起】

夜防问答十首

寒夜清【日休问鲁望】帘外迢迢星斗明况有萧闲洞中客吟为紫鳳呼皇声【时华阳广文先生在焉】

瘦木杯【 蒙问裘美】杉赆楠瘤剝得来莫怪家人畔邊笑渠心祇爱黄金罍

落霞琴【日休问润卿】寥寥山水扬清音玉皇仙驭碧云遠空使松风终日吟

莲花烛【贲问裘美】亭亭嫩蕊生红玉不知含泪怨何人欲问无繇得心曲

金火障【日休问鲁望】红兽飞光射罗幌夜来斜展掩深炉半睡芙蓉香荡漾

忆山月【 蒙问润卿】前溪后溪清复絕看看又及桂花时空寄子规啼处血

锦鲸荐【贲问裘美】碧香红膩承君晏几度闲眠却觉来彩鳞飞出云涛面

懷溪云【日休问鲁望】漠漠闲笼鸥鹭羣有时日暮碧将合还被渔舟来触分

霜中笛【 蒙问裘美】落梅一曲瑶华滴不知青女是何人三奏未终头已白

月下桥【日休问鲁望】风外拂残衰柳条倚栏干处独自立青翰何人吹玉箫

松陵集跋

古松陵即今之吴江予同年济寧刘君济民来为邑令谓是集为其邑故物而人未之见授儒士卢雍按勘捐俸刻之予观唐诗人多尚次韵至元白而益盛其萃而成编则有汉上题襟断金及是三集按皮氏自序谓一岁之中诗凡六百五十八首其富如此则又题襟断金之所无者况其遊燕题咏类多吴中之作后之希贤怀古者将於是乎攷固吴人所当寶也刘君为政不减古人其刻是集岂直私於一邑盖将公之天下者也 治壬戌九月二日前进士吴都穆跋